


დრო მშვიდობისა №1, 2001



კონფლიქტოლოგიის ცენტრის ახალი წამოწყების შესახებ
ომი და მშვიდობა ჯონ ბარტონის ხედვით
კონფლიქტების მოგვარება როგორც პოლიტიკური ფილოსოფია (ჯონ ბარტონი)
მოთხოვნილებები და ურთიერთგავების სიძნელეები (დალი ბერეკაშვილი)
სტუდენტის თვალსაზრისი (ნანიკო ბარამიძე)
ინტერვიუები ბარტონის თემაზე
“მე მთის მწვერვალზე ვიყავი” (ია მერკვილაძე)
ქალის და მამაკაცის სხეული XX საუკუნის პერსპექტივიდან (ნანა ბერეკაშვილი)
თვალსაზრისები
გამონათქვამები მშვიდობისა და სამართლის შესახებ
დემოკრატია თუ კონსტიტუციური ლიბერალიზმი (რუსუდან მშვიდობაძე)
ქართული საზოგადოება დღეს: ადაპტაციური კრიზისი (გაგა ნიუარაძე)
რა არის მედიაცია (თამუნა ციხისთავი)
შემოქმედება, თანავრმნობა, არაძალადობა - მხატვრული რუბრიკა
“ქალის სუბიექტივიზმი მოლოდინების დისკურსში” (ნინო ციხისთავი)
“პირველი რუსი” (ლაშა ბუღაძე)
თავისუფალი ზონა (ჭუსია ბერიძე)
“სიყვარულის დოქტრინა” (ირაკლი კაკაბაძე)



გიორგი ხუცეშვილი

„კონფლიქტებისა და მოლაპარაკებების საერთაშორისო კვლევით ცენტრს“ ქართული საზოგადოება უფრო მეტად შემოკლებული სახელწოდებით იცნობს - როგორც „კონფლიქტოლოგიის ცენტრს“. ცენტრი დაფუძნდა 1994 წლის 8 აგვისტოს და მას შემდეგ აქტიურად მოღვაწეობს კონფლიქტების კვლევის, ადრეული გამოვლენისა და კონსტრუქციული გადაწყვეტის დარგში. ეს მოღვაწეობა ფართო სპეციალისტთა გაიშალა, ზედმიწებნით კონკრეტული პრაქტიკული სამუშაოებიდან (მაგ., აფხაზეთიდან დევნილთა კომპაქტურ დასახლებებში თემის მობილიზატორთა მომზადება და რეგიონებში დევნილთა ჯგუფებისათვის ტრენინგების ჩატარება) თეორიოულ გამოკვლევებამდე (კავკასიის რეგიონული უსაფრთხოებისა და ინტეგრაციის პრესკეტივები და სხვ.). ცენტრის აქტივობა კონფლიქტის ზონებთან ჩატარებული ინიციატივები, მათ შორის სამოქალაქო დიპლომატიის ხაზით პირველი ქართულ-აფხაზური და ქართულ-ოსური კონტაქტები, საერთაშორისო პროგრამები მონაწილეობა, რეგიონული და საერთაშორისო კონფერენციების მოწყობა. ცენტრში პირველად შეიქმნა სამეცნიერო მოდელი, რომლის საფუძველზე ყველაზე რთულ რეგიონებში წარმატებით აპრობირებულ იქნა სოციალური კონფლიქტების ადრეული გამოვლენისა და მონიტორინგის ქსელი. ცენტრი კარგადაა ცნობილი საერთაშორისო პროფესიულ წრეებში, აკეთებს საექსპერტო შეფასებებს. ცენტრის მიერ ჩატარებული სამუშაოებისა და გამოცემული პუბლიკციების სია შორს წაგვიყვანდა.

ცენტრის მთელს მუშაობას წითელ ზოლად გასდევს საქართველოში დემოკრატიული რეფორმებისა და სამოქალაქო საზოგადოების მშენებ-ლობის მხარდაჭერა, საზოგადოებაში სამოქალაქო ღირებულაბათა სისტემის, მშვიდობის კულტურის აღზრდის ხელშეწყობა. ამ ამოცანათა მხარდასა-ჭერად, 2000 წლის მიწურულს, საქართველოში აშშ-ს საელჩოსა და ლტოლვილთა დანის საბჭოს მხარდაჭერით, ცენტრთან შეიქმნა სამოქალაქო დიალოგის კლუბი „აკორდი“. ამ ამოცანებს ემსახურება აგრეთვე ცენტრის ახალი ფართომასშტაბიანი პროგრამა „განათლება მშეიდობის მშენებლობის დარგში და კონფლიქტების მოგვარების ტრენინგი“, რომელიც პოლანდიური არასამთავრობო ჰუმანიტარული ფონდის „კორდეიდის“ ფინანსური მხარდაჭერით ხორციელდება. ამ პროგრამის ფარგლებში დაიწყო ახალი პერიოდული გამოცემის, უურნალ „დრო მშვიდობისა“-ს გამოშვება, რომლის პირველი ნომერი თქვენ დაგვდეთ პატივი და გადაშალეთ. ცენტრისა და უურნალის პროფილის გათვალისწინებით, გამოქვეყნებული მასალები მიეძღვნება ჩვენი საზოგადოების ყველაზე აქტუალური და მტკიცნეული პრობლემების გაშუქებას, მკითხველის ინფორმირებას საზოგადოებრივ ცხოვრებაში სიახლეების შესახებ. დაიბეჭდება როგორც პრაქტიკული, ასევე თეორიული მიმართულების მასალები. რა თქმა უნდა, გაშუქდება პროგრამის მსვლელობა, ცენტრისა და კლუბის მუშაობის სხვა მიმართულებები. ამავე დროს, ვეცდებით, უურნალი არ იყოს გადატვირთული და დამძიმებული, მასალები მკითხველს მივაწოდოთ შეძლების-დაგვარად სახალისო და საინტერესო ფორმით, რათა უურნალს თავისი მკითხველი ჰყავდეს.

ცხადია, რომ ახალი უურნალი აღმოჩნდება თავისი მოწოდების სიმაღლეზე მხოლოდ და მხოლოდ იმ შემთხვევაში, თუ იგი გაითვალისწინებს მკითხველის მოლოდინებს, ინტერესებს და თუ მისი სარედაქციო ჯგუფი გამოიჩენს სწრაფად ცვალებადი გარემოს შესაფერის დინამიურობას, მოქნილობას და შეძლებს წინ გაუსწროს მოვლენებს. ამის საწინდარი უნდა გახდეს რედაქციისა და მკითხველთა მუდმივი უკუკავშირი და თანამშრომლობა. ჩვენთვის უდიდესი მიღწევა და ბედნიერება იქნება, თუ უურნალს მაღლე მკითხველთა სტაბილური, აქტიური და მადლიერი წრე ჩამოყალიბდება.

კეთილი მგზავრობა ვუსურვოთ ახალ უურნალს, რათა მაღლე დაგვიდგეს „დრო მშვიდობისა“.

გიორგი ხუციშვილი

ომი და მშვიდობა ჯონ ბარტონის ხედვით



ცნობილი ავსტრალიელი სახელმწიფო მოღვაწე და პოლიტოლოგი, კონფლიქტების მოგვარების დარგის ერთ-ერთი პიონერი, ჯონ ბარტონი გახლავთ ახალი სოციალური მოზღვრების ძირეულ ადამიანურ მოთხოვნილებათა (საჭიროებათა) თეორიის ერთ-ერთი ფუძემდებელი. დოქტორი ბარტონი იყო ავსტრალიის ყველაზე ახალგაზრდა საგარეო საქმეთა მინისტრი 1947-იდან 1951 წლამდე. მას პირადად აქვს მიღებული მონაწილეობა გაერთიანებული ერების ჩამოყალიბებასა და დეკოლონიზაციის პროცესში.

1963 წლიდან ჯონ ბარტონი იწყებს აქტიურ აკადემიურ-პრაქტიკულ მოღვაწეობას დიდ ბრიტანეთსა და ამერიკის შეერთებულ შტატებში. ამ წლების განმავლობაში ის აყალიბებს ძირეულ ადამიანურ ღირებულებათა თეორიას და უსადაგებს მას კონფლიქტების მოგვარების საკითხს. ბარტონს ყოველთვის აინტერესებდა ძალადობის აღტერნატივის პოვნის საკითხი ნებისმიერ სოციალურ წრეში და გარემოში. ის მსოფლიოს ისტორიაში შედის როგორც გამორჩეული ოპტიმისტი, ჰუმანისტი მოღვაწე, რომელმაც პრაქტიკული და თეორიული შრომა დიდი წარმატებით შეათავსა ერთმანეთთან. იგი ითვლება ერთ-ერთ ყველაზე ავტორიტეტულ პრაქტიკოსად საერთაშორისო მოლაპარაკებების წარმოების პრაქტიკაში. ჰერბ კელმანთან ერთად ბარტონს შემოღებული აქვს პრობლემების გადაჭრის თანამშრომლობითი მეთოდის პრაქტიკა, სადაც მესამე მხარე ძალოვან პოზიციას ამჯობინებს ფასილიტაციის და უფრო თანასწორუფლებიან ხელშეწყობის ფორმას. ასეთი მეთოდებით მას მსოფლიოს არაერთ ქვეყანაში ჩაუტარებია თანამშრომლობითი სემინარები, სადაც ის წარმოადგენდა მთავარ დასაყრდენ ძალას დაპირისპირებულ მხარეთათვის საკუთარი კონფლიქტის მოგვარების საქმეში. მისი ქარიზმატიული ფიგურა და მდიდარი პოლიტიკური კონტაქტები, რაღა თქმა უნდა ხელს უწყობდა მის პრაქტიკულ წარმატებას. მაგრამ მთავარი ელემენტი მის წარმატებაში ყოველთვის იყო ის განსხვავებული ხედვა, რომელიც ბარტონს ყოველთვის

აქცევდა ერთ-ერთ ყველაზე პროგრესულ ფიგურად თანამედ-როვეებს შორის. ის შორს იდგა ნებისმიერი იდეოლოგიური და პოლიტიკური დოგმებისაგან და საკუთარ ფილოსოფიას პრაქტიკაზე აგებდა.

ძირულ ადამიანურ ღირებულებათა თეორიას საფუძვლად ბარტონმა აიღო სოციალურ ფსიქოლოგთა, პროგრესულ პოლიტოლოგთა და ბიჭვიორისტთა ერთი ნაწილის პრინციპი: თუკი ძირებული ადამიანური მოთხოვნილებანი არ არის დაკმაყოფილებული, მაშინ საზოგადოება ყოველ-თვის დგას ძალადობრივი კონფლიქტის საშიშ-როების წინაშე. მასლოუს მოთხოვნილებათა იერარქიაზე დაყრდნობით ბარტონმა შეიმუშავა ეგრეთწოდებული ონტოლოგიურ მოთხოვნილებათა თეორია, რომლის საკითხთა დაპაზონი სცილდება ჩვეულ ფსიქო-სოციალურ მოთხოვნილებებს. ასეთ მოთხოვნილებებს შორის ბარტონი ასახელებს უსაფრთხოებას (ფიზიკურს, ფსიქო-ლოგიურს, სოციალურს თუ ეკონომიკურს), იდენტურობას (თვითგამორკვევას), პატივისცემას, ჯგუფთან კუთვნილებას და ასე შემდეგ. ბარტონის ღრმა რწმენით საზოგადოება მუდმივი განვითარების გზაზეა და ისტორიის სხვადასხვა ეტაპებზე შესაძლებელია ამ მოთხოვნილებათაგან მეტის ან ნაკლების დაკმაყოფილება, როგორც ინდივიდუალურად, ასევე კოლექტიურად.

დღევანდელი საქართველოს ასპექტში ძალიან საინტერესოა არსებული პრობლემების და მწვავე კონფლიქტების შეფასება ბარტონი-სეული პრიზმით. ძალიან მნიშვნელოვანია იმის გაგება თუ რამდენად არის დაკმაყოფილებული ჩვენი მოსახლეობის დიდი ნაწილის მატერიალური, ფსიქო-სოციალური და აგრეთვე ონტო-ლოგიური მოთხოვნილებანი. ხდება თუ არა გარკვეული სამთავრობო თუ კორპორატიული ჯგუფების მიერ იმის გააზრება რომ ამ მოთხოვნილებათა დაუკმაყოფილებლობამ შეიძლება მიგვიყვანოს სოციალურ კატასტროფამდე (თუკი უკვე მისული არა ვართ) და მასიური ძალა-დობის ახალი ციკლის დაწყებამდე. ბარტონი ხაზს უსვამს ძალადობის პრევენციის (წინასწარ თავიდან აცილების) დიდ როლს საზოგადოებრივ ცხოვრებაში. ამის აღსანიშნავად მან ახალი ტერმინიც კი შემოიღო, რომელსაც “პროვენ-ცია” უწოდა. მისი მრწამისის თანახმად საზოგა-დოებრივი მექანიზმი ყოველთვის უნდა იყოს პროაქტიური, რადგანაც რეაქცია უკვე მომზდარ უბედურებაზე ხშირად ასეთივე ნეგატიურია. ძალიან ხშირ შემთხვევაში ხომ ამ პრევენციული, კონფლიქტის წინასწარ თავიდან აცილების სამუშაოს არარსებობას მივყავართ იმ დონემდე, რომ მერე მხოლოდ ძალადობის ფაქტის დაფიქსირება გვიხდება.

ლოგიკური კითხვა, რომელიც საქართველოსთან და საერთოდ სამხრეთ კავკასიასთან მიმართებაში ისმება ბარტონული გადონსახედიდან არის, რამდენად მიმდინარეობს ეს პრევენციული სამუშაო დღევანდელ საზოგადოებაში? ჯორჯ ბერნარდ შოუს “პიგმალიონი” კარგ მაგალითად შეიძლება ჩაითვალოს ამ სოციალური მიმართულებების ანალიზისას. სოციალური მდგომარეობისა და სტატუსის გაუმჯობესება ადამიანს ნაკლებად აგრესიულს და შესაბამისად საზოგა-დოებისათვის ნაკლებად საშიშს ხდის. რამდენად მიმდინარეობს დღეს საქართველოში კონფლიქტების გამომწვევი მიზეზების აღმოფხვრაზე მუშაობა? არის თუ არა მეტი სამუშაო ჩასატა-რებელი კონფლიქტების წინასწარ თავიდან აცილებისათვის პროაქტიურად დღევანდელ საქართველოში და ძირითადად რა სფეროებში უნდა მიმდინარეობდეს ეს სამუშაო?

რამდენად არის დაკმაყოფილებული ძირებული ადამიანური მოთხოვნილება უსაფრთხოებისა? ამ შემთხვევაში ლაპარაკია როგორც ინდივიდის, ასევე ჯგუფური იდენტურობის კატეგორიებზე. ეთნიკური საკითხი ბოლო წლებში ძალიან მწვავედ წარმოჩინდა, მაგრამ ამავე დროს ჩვენ

რამდენად დაკმაყოფილებულია იდენტურ-რობის (თვითგამორკვევის) მოთხოვნილება? ამ შემთხვევაში ლაპარაკია როგორც ინდივიდის, ასევე ჯგუფური იდენტურობის კატეგორიებზე. ეთნიკური საკითხი ბოლო წლებში ძალიან მწვავედ წარმოჩინდა, მაგრამ ამავე დროს ჩვენ

არც ისე ხშირად ვლაპარაკობთ კლასობრივ, სქესობრივ, რელიგიურ თუ სხვა იდენტურობაზე. თვითგამორკვევის მოთხოვნილების დაუკმაყოფილებლობაც ხომ უკველად იწვევს სოციალურ კონფლიქტებს.

და ბოლოს რამდენად პატივისცემით ეპირობიან ჩვენს ქვეყანაში მოქალაქეებს? არსებობს თუ არა საქართველოში დღეს მეორეხარისხოვანი, მესამერხარისხოვანი და საერთოდ არასრულფასოვანი მოქალაქის ფაქტორი? და რა მიზეზი აქვს კულტურულად თუ სტრუქტურულად ამ ძირული მოთხოვნილების დაუკმაყოფილებლობას ვთქვათ რეგიონების მაგალითზე. რამდენად აუცილებელი და გარდუგალია სოფლელი-ქალაქელი, ქალი-კაცი, ქართველი-არაქართველი, “კაიტიპი-გომი”, “დევნილი-ადგილობრივი” და ასე შემდეგ დიალექტიკის არსებობა და რამდენად სოციალურად სახიფათო დონეზეა ნებისმიერი ეს დაპირისპირება.

ჩვენ რა თქმა უნდა ჩვენი საკუთარი პასუხები უნდა ვეძებოთ ამ კითხვებზე, მაგრამ ჯონ ბარტონისეული ანალიტიკური ჩარჩოები შესაძლოა გამოსადეგი აღმოჩნდეს ზოგიერთი სწორი სოციალური დიაგნოზის დასმისათვის. ამავე დროს საინტერესოა ბარტონის ხედვის ქართული კრიტიკის მოსმენაც, რადგანაც ყველა უნივერსალურ თეორიას მოეძებნება კრიტიკა ნებისმიერ კულტურაში.

კონფლიქტების მოგვარება როგორც პოლიტიკური ფილოსოფია

ჯონ ბარტონი, ავსტრალია



კონფლიქტების მოგვარება შედარებით ახალი ცნებაა, რომელიც ჯერჯერობით არ არის რომელიმე საყოველთაოდ აღიარებული მსოფლი-ხედველობის ნაწილი. მართლაც რომ, ტერმინები უთანხმოება და კონფლიქტი, ისევე როგორც მოგვარება და გადაწყვეტა ურთიერთმონაცვლებით იხმარება. ახალ ლიტერატურაში კონფლიქტების მოგვარებაზე ამ ტერმინებს განსხვავებული შინაარსი აქვთ. “უთანხმოება” მოიცავს მოლაპარაკებად ინტერესებს, მაშინ როდესაც “კონფლიქტი” ეხება ისეთ საკითხებს, რომლებზეც მოლაპარაკება არ ხერხდება, საკითხებს რომლებიც ადამიანის ონტოლოგიურ მოთხოვნილებებს ეხება და რომლებიც არ ექვემდებარებიან კომპრომისს. შესაბამისად “დარეგულირება” იხმარება უთანხმოების მოლაპარაკებადი შედეგების შემთხვევაში, მაშინ როდესაც “მოგვარება” ეხება კონფლიქტური სიტუაციის შედეგებს, რომელმაც უნდა დააკმაყოფილოს ყველას თანდაყოლილი მოთხოვნილები. ამრიგად არსებობს უთანხმოების დარეგულირება და კონფლიქტის მოგვარება.

ამ ტერმინების ზუსტ გამოყენებაზე კონცენტრირება აუცილებელია, რადგანაც ეს უკავშირდება იმ საკითხს, რომელსაც ჩვენ განვიხილავთ – უთანხმოებების და კონფლიქტების განცალკევებულ, მაგრამ საერთო ბუნებას. რომ არ არსებობდეს უთანხმოებებსა და კონფლიქტებს შორის განსხვავება, ანუ შესაძლებელი რომ იყოს ნებისმიერი ურთიერთობის დარე-გულირება და კონტროლი ავტორიტეტული მესამე ძალის ჩარევით, მაშინ ამისათვის საჭირო სასამართლოებითა და დარეგულირების აღტერ-ნატიული საშუალებებით, ასევე მათი ძალისმიერი გატარების ხერხებით, ჩვენ გვექნებოდა პარმო-ნიული ურთიერთობები სახელმწიფოებს შიგნით და საერთაშორისო არენაზე. თუმცა როგორც ისტორია მიუთითებს ეს ასე არ ხდება: არსებობს სიტუაციები – შიდა-სახელმწიფოებრივი და საერთაშორისო – რომლებიც არ ექვემდებარება ძალისმიერ ან იძულებით დარეგულირებას.

მაგალითად არსებობს ეთნიკური და გაუცხოების კონფლიქტები, რომლებიც საფრთხეს წარმოადგენს კველაზე განვითარებული საზოგადოებებისათვისაც კი, მათ შორის შეერთებული შტატებისათვისაც. ამით მტკიცდება, რომ ინდი-ვიდები ან ჯვუფები, რომელთა ძირითადი ადამია-ნური მოთხოვნილებები არ არის დაკმაყოფილებული, ვერ იქცევიან სოციალური გარემოს ბუნებრივ ნაწილად და არ ექცევიან კანონით ნაკარნახები ქცევის წესების გავლენის სფეროში. მსოფლიო ისტორიაში ყველაზე ძლიერმა ძალა-უფლებამ სამოციან წლებში ვერ შესძლო დაექცემდებარებინა პოსტ-კოლონიალური აზის სახელმწიფო, რომელიც ავტონომისათვის იღწვოდა. ამ ტიპის კონფლიქტები არსებობს ყველა სოციალურ დონეზე, იგულისხმება სიტუაციები, როდესაც იდენტურობისა და აღიარების ონტოლოგიური მოთხოვნილებები და მათთან დაკავშირებული ადამიანის განვითარების მოთხოვნილებები ფრუსტრაციას განიცდიან. ამგვარი კონფლიქტების გაკონტროლება, დათრ-გუნვა ან შეკავება შეუძლებებლია, უნდა მოხდეს მათი მოგვარება ან პრევენცია მოთხოვნილებების დაკმაყოფილებით.

გაურკვევლობა ტერმინების გამოყენებისას და მასში შემავალი კონცეპტუალური გაურ-კვევლობა დაკავშირებულია იმ ფაქტთან, რომ ტრადიციულად საერთაშორისო და საშინაო შეუთანხმებლობა და კონფლიქტები ცალკეულ ფენომენებად განიხილებოდა. მაშინ როდესაც ითვლებოდა რომ არ არსებობს განსხვავება კონფლიქტსა და შეუთანხმებლობას შორის გამართლებულად ითვლებოდა საერთაშორისო სიტუაციის განხილვა, რომელიც ხშირად უფრო დამანგრევები იყო ვიდრე საშინაო კონფლიქტური სიტუაციები. ამ შემთხვევაში საერთაშორისო სიტუაციებს განვიხილავთ როგორც უფრო სერიოზულს და ვიყენებთ ტერმინს კონფლიქტი. მაგრამ ეს ორი ფენომენი საერთო წარმომავლობისაა: არსებობს როგორც, საშინაო ისე, საერთა-შორისო კონფლიქტები და შეუთანხმებლობები.

წანამდგვარი, რომელიც იფარება ტერ-მინების არასწორი გამოყენების უკან, ხშირ შემთხვევაში განაპირობებს სერიოზულ შეცდომებს პოლიტიკაში. ამ წანამდგვარს ლაიტმოტივად გასძევს, რომ ყველა საშინაო კონფლიქტი შეიძლება მოგვარებულ იქნას ცენტრალური ხელისუფლების მიერ (რომელსაც უნდა გააჩნდეს ძალაუფლების მონოპოლია, რომლითაც მშვიდობიან ურთიერთობებს ძალოვანი მეთოდებით დაამკვიდრებს). ამის უკან იმალება დაფარული ტენდენცია, რომ საშინაო კონფლიქტები არ არსებობს ისე, როგორც ჩვენ ეს ტერმინი განვ-საზღვრეთ: რომ არ არსებობს სიტუაცია შიგნით სახელმწიფოში, რომელიც არ ექვემდებარებოდეს ამგვარ იძულებით კონტროლს. ასეთმა აზროვ-ნებამ მართებულად განაპირობა იმის მცდელობები, რომ საერთაშორისო სისტემაში წარმოდგენილიყო ცენტრალური ძალაუფლების რამე ფორმა, რომელიც დაეფუძნებოდა ამ საშინაო მოდელს. გაერთიანებული ერების წესდებამ ასახა ამგვარი აზროვნება. ამის მიხედვით უნდა შექმნილიყო მდგრადი საერთაშორისო ძალა, რომელიც დაექვემდებარებოდა უსაფრთხოების საბჭოს და ძალისმიერად განახორციელებდა მის გადაწყვეტილებებს. საბედნიეროდ, წევრებმა

არ მიიღეს მონაწილეობა საკმარის დონეზე, მაგრამ ამავე დროს დიდმა ქვეყნებმა სცადეს წარემართათ გაერო ამ გზაზე და ამის შედეგად გვქონდა კორეის ომის მაგალითი.

მაგრამ დღეისათვის ჩვენ იმ რეალობის წინაშე ვდგევართ, რომ საშინაო მოდელი იყო ფიქცია, მექანიზმით შეძენილი მცდარი წარამმდვრებისა და უხეშ ძალაზე დაყრდნობილი ცენტრალური ძალაუფლებების ისტორიიდან. დღემდე, თუ კი ხდებოდა კონფლიქტის თავიდან აცილება, ეს ხდებოდა მისი დათრგუნვით დროის შეზღუდულ მონაკვეთში. მსოფლიოში კონფლიქტების უმრავლესობა შიდა ხასიათისაა, მაგრამ ხშირად ეს კონფლიქტები გადმოდიან საერთა-შორისო ურთიერთობებში. ამგვარად ჩვენ იძულებული ვართ მივიღეთ დასკვნამდე, რომ კონფლიქტი არის საერთო ფენომენი, რომელსაც არ გააჩნია სისტემური საზღვრები. არ აქვს მნიშვნელობა რა ტიპის კონფლიქტს ვეხებით - ინტერპერსონალურს, სათემოს, ეთნიკურს თუ საერთაშორისოს, ყველა შემთხვევაში საქმე გვაქვს ერთი და იგივე ონტოლოგიურ მოთხოვნილებებთან, რომლებიც მოითხოვენ კონფლიქტის გადაწყვეტის ანალიტიკურ პროცესს. მართლაც რომ, საერთაშორისო მოდელი ცალკეული საზოგადოებრივი ორგანიზმებისა, რომლებიც თანამშრომლობენ ფუნქციონალურ საფუძველზე, შესაძლოა გახდეს მოდელი მრავალი ისეთი სახელმწიფოსათვის, სადაც არსებობს ცალკეული ეთნიკური ჯგუფები, რომლებიც მიისწრაფვიან ავტონომიისაკენ, ურთიერთობების უფრო ფართე სისტემაში.

განსხვავება კონფლიქტებსა და უთანხმო-ებებს შორის გვამარაგებს ორი კონცეპტუალური ჩარჩოთი: ერთის მხრივ, სიტუაციები რომლებიც მოლაპარაკებადია, და მეორეს მხრივ, სიტუაციები სადაც კომპონმისი შეუძლებელია. ეს განსხვა-ვებული კონცეფციები გულისხმობენ უთან-ხმოებების და კონფლიქტების მოგვარების სრულიად განსხვავებულ მიღომებს. პირველი ექვემდებარება იურიდიულ და არბიტრირებად პროცესებს, მაშინ როდესაც მეორე მოითხოვს პრობლემების ანალიტიკურ გადაწყვეტას. ყოველ-დღიურად გამოყენებული მეტყველება და ტერმი-ნოლოგია არ გვაძლევს იმის საშუალებას რომ მოვახდინოთ ეს დიფერენციაცია. იმის გამო რომ არ გამოგვიკვეთია ეს განსხვავება, ვერ შევძლებთ პრობლემების მართებულად გადაჭრას და იმ პოლიტიკის გატარებას, რომელიც გათვლილია პოტენციური კონფლიქტების წინასწარ თავიდან ასაცილებლად.

ძალაზე დამყარებული პოლიტიკური რეალიზმი ქცევითი რეალიზმის წინააღმდეგ

სასარგებლო იქნებოდა რამდენიმე ათწლეულით უკან გაგვეზდა და გვენახა თუ სად აღმოცენდა ეს კონცეპტუალური ჩარჩოები. ერთ-ერთი ყველაზე ცხადი იყო მაიკლ ბანკსის მიერ დაწერილი სტატია - “საერთაშორისო ურთიერ-თობების დისკიპლინა: კონფლიქტების მოგვარე-ბის მომებებიანობა თუ წამგებიანობა”. იგი აკვირ-დება ქმედებისა და აზროვების განვითარებას ფეოდალიზმიდან აწმყომდე. იგი აღნიშნავს, რომ რასაც ეწოდებოდა “პოლიტიკური რეალიზმი” ბევრად უფრო დაშორებულია რეალობისაგან, ხოლო რასაც ერქვა “იდეალიზმი” აღმოჩნდა, რომ პრაქტიკაში ნაკლებად თვითდამანგრეველია და უფრო რეალისტურია, ვიდრე ტრადიციული ძალოვანი მიდგომა.

რეტროსპექტივისას ცხადია რომ რასაც ერქვა “პოლიტიკური რეალიზმი” რეალისტური იყო მხოლოდ იმდენად რამდენადაც ასახავდა იმდროინდელ ქმედებას. ადრეული ფეოდა-ლიზმიდან დღემდე პრაქტიკაში იყო მმართველობა იძულების მეშვეობით. არ არსებობდა თეორია რომელიც გაამართლებდა ამ პოლიტიკურ რეალიზმს. ასეთი სისტემის იმგვარ ჩავარდნებს, როგორიც არის რევოლუციები და ომები, არ ჰქონდა ახსნა, გარდა იმისა რომ გარკვეული მოსაზრების მიხედვით ძალაუფლება არასაკმარისად იქნა გამოყე-ნებული. თეორიის უქონლობის გამო არ არსებობდა კონფლიქტების გამომწვევი მიზეზების მიკვლევა, ამგვარად

არ არსებობდა მომავალი კონფლიქტების წინასწარმეტყველების საფუძ-ველი. დღეისათვის უკვე ცხადია, რომ პოლი-ტიკური რეალიზმი როგორც საქმიანობის ფორმა ქცევით თეორიაში არარეალისტური აღმოჩნდა პრაქტიკაში კი, თვით-დამანგრეველი.

ტრადიციულ იდეალისტებს ასევე აკლ-დათ თეორია. არსებობდა რწმენათა სისტემა, რომელიც ეფუძნებოდა თანამშრომლობითი ურთიერთობების სურვილს, მაგრამ არ არსებობდა თეორია რომელიც ახსნიდა კონფლიქტს, ან გაამართლებდა აღტერნატიულ პოლიტიკას.

ყოველივე ამის შედეგად შეიქმნა საგან-გაშო სიცარიელე: ძალოვანმა პოლიტიკამ მარცხი განიცადა საშინაო და საერთაშორისო საქმიანო-ბაში, მაგრამ არ მოხდა არანაირი აღტერნატი-ული პოლიტიკის შემოთავაზება ან გამოყენება. ამგვარია ცივილიზაციის გაბან-კროტებული მდგომარეობა მეოცე საუკუნის ბოლოს.

სუბიექტურობიდან თეორიაზე დაფუძნებულ ობიექტურობამდე

ნებისმიერი თეორიის არარსებობა ცხადი ხდება, როდესაც ვამოწმებთ ტერმინების გამოყე-ნებას. ადამიანის ქცევის თეორიის ან ახსნის გარეშე იდეალისტების ისეთ კონცეფციებს როგორიცაა “სამართლიანობა”, “ადამიანის უფლებები”, ან “სოციალური კეთილდღეობა” სუბიექტური დატვირთვა თუ მიეცემა. უფრო მეტიც, ამ სუბიექტური მიზნების მიღწევის ინსტიტუციონალური ხერხები, ასახავენ სამართლის, სოციალური კეთილდღეობის და ადამიანის უფლებების ბუნების სრულ უცოდინრობას. მაგალითად “დემოკრატიას” ჰქონდა “უმრავლესობის მთავრობის” მნიშვნელობა, მაგრამ როდესაც ლაპარაკი იყო კლასობრივ ან ეთნიკურ უმცირესობებზე ამგვარი მთავრობა აღიქმებოდა როგორც უსამართლო, სოციალურად უსარგებლო, ადამიანის უფლებების უარყოფელი და უფრო მეტიც, როგორც კონფლიქტის წარმოქმნის მიზეზი. მხოლოდ ქცევის აღქვატურ თეორიას შეუძლია აღმოფხვრას ეს სუბიექტივიზმი მნიშვნელოვანი კონცეფციების გამოყენებისას.

ოცდაათიან წლებში ჩვენ გავყევით მორგენ-თაუს (1948) და შვარცენბერგის (1964) ძალო-ვანი პოლიტიკის ხაზს, მიმართულებას რომელსაც დღესაც ემხრობა პოლიტიკური მეცნიერებისა და სტრატეგების უმრავლესობა. ამჯერად ჩვენ უნდა ვიპოვნოთ ქცევის ისეთი თეორია რომელიც ხსნის კონფლიქტს და ამ თეორიიდან გამოვიტანოთ კონფლიქტან გამკლავების ეფექტური საშუალებები.

ამ მიმართულებით საწყისი სამუშაო ჩატარდა ბერლინში, 1979 წელს, როდესაც საერთაშორისო სპეციალისტებისაგან შემდგარმა ჯგუფმა განიხილა პოროვნების ბუნება, რომელიც ანალიზის საგანი გახდებოდა, რომ არ არსებობდეს ისეთი ცალკეული კონსტრუქტები როგორიცაა ეკონომიკური ადამიანი, სამართლებრივი ადამიანი, სოციოლოგიური ადამიანი, ფსიქოლოგიური ადამიანი. მათ წიგნს სახელად ეწოდა “მოთხოვ-ნილებათა თეორია”. აქ აღწერილი იყო მთავარი ატრიბუტები ამ რთული ნამდვილი პიროვნებისა, რომლის ონტოლოგიური მოთხოვნილებებიც არიდებენ მას სოციალიზაციას და იძულებით ქცევას, რომელიც მოსახერხებელია პოლიტიკური ლიდერებისათვის ან მეცნიერებისათვის.

ამ კვლევამ ასახა მზარდი ფორიაქი ქცევით მეცნიერებაში. სამოციან წლებში მკვლე-ვარები უნდობლობას უცხადებდნენ საკუთარი დისციპლინების წანამძღვრებს და ეძიებდნენ რეალურ პიროვნებას. ინდუსტრიულ ურთიერთობებში ბლეიკმა, შეპარდმა და მუტონმა (1964) უნდობლობა გამოუცხადეს უფროსი-თანამშრომ-ლის ურთიერთობების უკან მყოფ ძირითად დაშ-ვებებს. სოციოლოგიაში სტივენ ბოქსმა კითხვის ქვეშ დააყენა წანამძღვრები, რომელიც დომინი-რებლნენ განსხვავებული ქცევის ახსნისას. რამდენიმე წლის შემდეგ პოლ საიტსმა (1971) ყურადღება მიაქცია იმ ფაქტს, რომ როდესაც ინდივიდის ძირითადი ადამიანური

მოთხოვნი-ლებები დაუკმაყოფილებელი იყო, იგი იძულებული ხდებოდა აერჩია მოქცევის ისეთი წესი, რომელსაც სხვა სიტუაციაში არ აირჩევდა.

ამის შედეგად აღმოცენება დაიწყო ახალმა კონცეპტუალურმა ორიენტაციებმა, რომლებიც ჯერ კიდევ არ აღიქმებოდა ნათლად და არ წარმოადგენდა საყოველთაო სიბრძნის ნაწილს. გაცნობიერდა ის ფაქტი, რომ საჭიროა ადამიანის ონტოლოგიური ფაქტორების გათვალისწინება. იმის გამო რომ ეს ონტოლოგიური მოთხოვნილებებია, შეუძლებელია ისინი დაეჭვებარონ ავტორიტარულ კონტროლს. არა აქვს მნიშვნელობა ვისთან გვაქს საქმე – ბავშვებთან, ქუჩის ბანდებთან, ეთნიკურ თემებთან თუ მთელს ეროვნებებთან, ყველა შემთხვევაში გადასაჭრელია ადამიანური პრობლემები და ვერანაირი იძულება ან რეპრესია დიდი ხნით ვერ შეაკავებს ადამიანების განვითარებად მისწრაფებებს. შეერთებული შტატების სახელმწიფო დეპარტამენტის საგარეო საქმეთა ინსტიტუტი განიხილავს “მეორე საფეხურის დიპლომატიას”, როგორც ანალიტიკურს და პრობლემის-გადაწყვეტაზე ორიენტირებულს. (მაკონალდი და ბენდამანი). ეს არის პირველი მნიშვნელოვანი ნაბიჯი. მეორე და ყველაზე არსებითი ნაბიჯია, რომ ფოკუსირება მოხდეს მეორე საფეხურის (სახალხო) დიპლომატიაზე, როგორც ყველაზე მნიშვნელოვანზე.

ბოლოს და ბოლოს სულ ახლანახანს დაიწყო ძალისმიერი პოლიტიკის ალტერნატივაზე საუბარი და გააზრება მეცნიერთა იმ ჯერ კიდევ შეზღუდული წრის მიერ, რომელიც დაინტერესებულია კონფლიქტების გადაჭრით – აქცენტი კეთდება ადამიანურ მოთხოვნილებებზე, რომელთა დაკმაყოფილებაც აუცილებელია კონფლიქტის მოგვარებისათვის. იქმნება შესაბამისი ბიბლიოთეკა (ბარტონი, 1990 ა, ბ; ბარტონი და დუკი, 1990 ა, ბ), იკითხება კურსები (მაგისტრატურა და დოქტორნატურა კონფლიქტების მოგვარებისა და ანალიზის ინსტიტუტში ჯორჯ მეისონის უნივერსიტეტში). იწყება პრაქტიკული სამუშაო და ხორციელდება შესაბამისი პროცედურები.

ქცევის ეს თეორია უზრუნველგვყოფს ობიექტური საფუძვლით, რომელზეც შეიძლება კონცეფციების განსაზღვრა. “სამართლიანობა”, “სოციალური კეთილდღეობა” და “დემოკრატია” უკავშირდება ისეთ პირობებს, რომლებიც აკმა-ყოფილებენ იდენტურობის, აღიარების და ავტონომიის ადამიანურ მოთხოვნილებებს, და ყველა მათგანი გულისხმობს თანასწორუფლებიანობას.

თუმცა, როგორც ხშირად ხდება ხოლმე პარადიგმატული გარდატეხის დროს, არსებობს დაპირისპირება თეორეტიკოსებსა და პრაქტიკოსებს შორის. ეს გასაგებიც არის, განსაკუთრებით ამ შემთხვევაში. აյ ჩვენ საქმე გვაქვს ფუნდამენტურ პარადიგმატულ ცვლილებასთან, რომელიც პირდაპირ კავშირშია პოლიტიკური ფილოსოფიის საფუძვლებთან. ეს ახალი პარადიგმა უპირისიპირდება ტრადიციულ ცნებას, რომ შესაძლებელია ინდივიდის სოციალიზაცია ინსტიტუტების მოთხოვნებიდან გამომდინარე და აქცენტს აკეთებს იმაზე, რომ ინსტიტუტები უნდა შეეწყონ თანდაყოლილ და უნივერსალურ ადამიანურ მოთხოვნილებებს.

პოლიტიკური გამოცდილება

უკანასენელმა მოვლენებმა აღმოსავლეთ ევროპაში განაპირობა ჩვენი ყურადღების მიპყრობა ამგვარ რეალობაზე. თუმცა ჯერჯერობით ჩვენ არ ვართ მზად მივუსადაგოთ ეს გაკვეთილი ჩვენს საზოგადოებებს. ჯერ ვერ მოხერხდა იმის გაცნობიერება, რომ ის რაც მოხდა აღმოსავლეთ ევროპაში ისტორიული პროცესების ნაწილია, გამოწვეული მოთხოვნილებათა დაკმაყოფილების ონტოლოგიური ბრძოლით, რომელიც უნდა მოხდეს ყველა იმ საზოგადოებაში, სადაც ავტორიტარული კონტროლი და არათანასწორ-უფლებიანი ინსტიტუტები ვერ უზრუნველყოფენ ადამიანური მოთხოვნილებების დაკმაყოფილებას.

ადამიანის უფლებებზე დაყრდნობილი პოლიტიკის რაციონალიზება, რომელიც მოხერხებულად მორ-გებულია იმაზე, რომ მოხდეს არსებული კულ-ტურებისა და ინსტიტუტების შენარჩუნება, ვერ შეძლებს ადამიანური მოთხოვნილებების დაკმაყოფილების აუცილებლობის თავიდან აცილებას.

ჩვენ გამოვლილი გვაქვს კოლონიალიზ-მისა და იმპერიალიზმის სხვადასხვა ტიპები, მაგრამ საზოგადოებები ჯერ არ არიან მზად იმისათვის, რომ გამოიყენონ ძალაუფლების ჩავარდნის ეს გაკეთილები საკუთარი საშინაო პრობლემების მოსაგვარებლად. ნარკო-ძალადობა და ძველბიჭურ ბანდებს შორის ომები სოცია-ლური დეპრივაციის სიმპტომებს წარმოადგენს; მათთან გამკლავება შესაძლებელია მხოლოდ დეპრივაციის პრობლემის მოგვარებით. ეთნიკური კონფლიქტები აღიარებისა და ავტონომიის ნაკლებლობის სიმპტომებს წარმოადგენს და მათი თავიდან აცილება შეიძლება მხოლოდ კონსტიტუციური ან, შესაძლოა, საზღვრების ცვლილებებით. კიდევ უფრო დიდ პრობლემებს ვაწყდებით იმ ლიდერების პერსონალიებთან მუშაობისას, რო-მელთა კორუმპირებული და ძალადობრივი ქცევა ასახავს ისეთ კომპლექსებს, რომელთაგანაც მოსახლეობას კონსტიტუციური დაცვის მექანიზ-მები სჭირდება. ისეთი მექანიზმები, რომლებიც შეზღუდავენ ძალაუფლების მქონე ელიტების მიერ გადაწყვეტილების მიღების ამპლიტუდას.

კონფლიქტის მოგვარება პრობლემის გადაჭრის გზით

დღეს აკადემიური სამყარო სერიოზული წინაშეა. ჩვენ უნდა დავუბრუნდეთ ბაზისურ დაშვებებს და გადავამოწმოთ ისინი. კერძოდ, როგორც ანალიზის ერთეულზე უნდა გავამახვილოთ ყურადღება ინდივიდზე და არა სოციალურ ინსტიტუტზე, და პოლიტიკური თეო-რიაც ამის საფუძველზე ავაგოთ. ამგვარი პოლიტიკური თეორიიდან, უნდა გამოვყოთ პოლიტიკა და შემდეგ გადავინაცვლოთ მის გამოყენებადო-ბაზე. ამ საფეხურზე, თუ შეგვექმნება პრობლემები, ეს იმას ნიშნავს, რომ არსებობს ახალი მასალა რომელიც უნდა დაემატოს უკვე არსებულ ჰიპოტეტიკურ წინადადებას.

ამგვარია პრობლემის გადაწყვეტის გზით კონფლიქტის მოგვარების გეზი. ამის შედეგად ჩვენ ვიწყებთ თეორიისა და პოლიტიკის ჩამოყალიბებას და პრაქტიკის შემოწმებას.

პროცედურები უკვე მზადა. უპირველეს ყოვლისა უნდა გაკეთდეს მხარეებისა და საკითხების ზედმიწევნითი ანალიზი. შემდგომ აუცი-ლებელია ერთად მოეყაროს თავი იმ ორ მხარეს, რომელთა ურთიერთობებიც გაფუჭებულია, ფასი-ლიტაციის პროცესისას ისეთ ინტერაქტიულ სიტუაციაში, სადაც მათი პრობლემები სიღრმი-სეულად იქნება გაანალიზირებული. დამატებითი მხარეებსა და საკითხებსაც შესაბამისად გამოეყოფათ დროის მონაკვეთი განსაზღვრული პროცედურის მიხედვით. ამ ეტაპზე არ ხდება წინადადებების შემოთავაზება ან რაიმე ვაჭრობა ან მოლაპარაკება. როდესაც, მხარეების მიერ მოხდება შეთანხმება პრობლემის განსაზღვრებაზე და აგრეთვე სრული აღრიცხვა იმ პოლიტიკის დანაკარგებისა, რაც შედეგად მოჰყვა ადამიანური მოთხოვნილებების დაუკმაყოფილებლობას, უკვე შეიძლება დაიწყოს პრზიტიური ალტერნატივების წამოყენება. ეს ნაბიჯები დეტალურად არის აღწერილი სპეციალურად ამ საკითხზე შექმნილ სამაგიდო წიგნში (ბარტონი, 1987).

კონფლიქტის პრევენცია - თავიდან არიდება

აუცილებელია აღინიშნოს რომ ერთი კონფლიქტის მოგვარება არ ახდენს ავტომა-ტურად მომდევნოს თავიდან არიდებას. უთანხმო-ების დარეგულირებისაგან განსხვავებით კონფლიქტის მოგვარების მთავარი მიზანი კონკრეტული შემთხვევით არ მოიწურება. კონფლიქტის

მოგვა-რების პროცესები ანალიტიკურია და პრობლემის გადაწყვეტაზე ორიენტირებული, და ეს მიღება თეორეტიკულ ჩარჩოებში. ამგვარად ამ მიღების მთავარი აქცენტი მხოლოდ კონფლიქტის პრევენციაში (წინასწარ თავიდან აცილებაში) არ მდგომარეობს - ანუ კონფლიქტის წყაროების იზოლირებასა და მოშორებაში - იგი ასევე კონ-ცენტრირ-დება კონფლიქტის “პრევენციაზე”: ისეთი პირობების განვითარებაზე, რომლებიც ქმნი-ან თანამშრომლობით ურთიერთობებს. (ბარტონი, 1990 ა, ბ: ბარტონი და დუკსი, 1990 ა, ბ).

ამ შერივ კონფლიქტის მოგვარება რაღიკა-ლურად განსხვავდება ნებისმიერი დარეგული-რების პროცესების პრაქტიკისაგან: ეს მიღება დაინტერესებულია პოლიტიკურ ფილოსოფიაზე დაფუძნებული წინასწარმეტყველებითა და პოლიტიკის ფორმაციით, რომელიც ხაზს უსვამს იმ ფაქტს, რომ უნივერსალური ადამიანური მოთხოვნილებების დაკმაყოფილება უნდა წარმოადგენდეს საზოგადოებების ძირითად მიზანს.

ავილოთ მაგალითი საამსრეთ აფრიკის, ფიჯის, შრი-ლანკის, კვიპროსის, ჩრდილოეთ ირლანდიის ან ყოფილი საბჭოთა კავშირის სიტუაციებიდან. სამხრეთ აფრიკაში არსებობს თეთრკანიანთა უმცირესობა, რომელიც დაინტერესებულია საკუთარი ავტონომიის შენარჩუნებით, ასევე სხვა ადგილებშიც უმცირესობები ცდილობენ მიაღწიონ საკუთარ განცალკევებულ იდენტურობას. სამხრეთ აფრიკაში საარჩევნო ფორმულა - ერთი ხმა ერთ კაცზე - ჩააყენებდა უმცირესობებს იგივე მდგომარეობაში, როგორშიც იმყოფებიან დანარჩენი უმცირესობები, რომლებიც ცდილობენ გამოყოფას. მაშინ რატომ დაგუშტიროთ მხარი ერთ-ხმა-ერთ-კაცზე საარჩევნო ფორმულას სამხრეთ აფრიკაში შეცვლილი კონსტიტუციური ფორმის ნაცვლად, რომელიც უმცირესობათა მოთხოვნებსაც დაკმაყოფილებდა?

იგივე ტიპის დასკვნები შეიძლება მიუუყენოთ ყველა საზოგადოებრივ დონეს. “ძველბი-ჰურ-ქურური” ჯგუფების წევრების გამოკვლევა აჩვენებს რომ ამ ჯგუფების წევრები არიან ადამიანები, რომლებიც მოკლებულნი არიან ურთიერთობებს და ისინი გამწარებულნი ექვენ ამ ურთიერთობებს სადაც შეუძლიათ. ისეთი სოცი-ოლოგების შრომა, როგორებიც არიან ბოქსი (1971) და საიტსი (1971), განვითარებს, რომ კანონსაწინააღმდეგო და დაუფარავად ანტი-სოციალური საქციელი, ხშირად თუ არა ყოველ-თვის აშკარა ხდება ალტერნატივების არარსებობის პირობებში.

საწარმოო უთანხმოების ალტერნატიული მოგვარება - ADR

ამ მომენტისათვის კარგი იქნებოდა თუ კომენტარს გავუკეთებდით “საწარმოო უთანხმოების ალტერნატიულ მოგვარებას” (ADR) და განვაცალკევებდით მას პრობლემის გადაწყვეტაზე ორიენტირებულ კონფლიქტის მოგვარებიდან.

ამ კონტექსტში “ალტერნატიული” იგულისხმება როგორც სასამართლოების ალტერნატივა. მართლაც რომ ინსტიტუციონალურად (ADR) წარმოადგენს სასამართლოს დანამატს და ხშირ შემთხვევაში სასამართლო მოითხოვს ამ პრაქტიკის განხორციელებას, სანამ საქმეები მივა სასამართლომდე. დაშვება იმაში მდგომარეობს, რომ თუ ვერ ხერხდება უთანხმოების მედიაცია ან არბიტრირება, მაშინ უნდა მოხდეს მისი განსჯა. ამას უკავშირდება მეორე ფარული დაშვება - ნებისმიერი სიტუაცია, უთანხმოება იქნება ეს თუ კონფლიქტი, მოგვარებადია სამართლებრივ ნორმებზე ან რაიმე ტიპის მოლაპარა-კებაზე დაყრდნობით.

მართალია, რომ ძირითადად ADR-ი შეზღუდულია იმ უთანხმოებებით, რომლებიც ფულად კომპენსაციას ან რაიმე მოლაპარაკებად საკითხებს ეხება. მაგრამ ხშირად საქმე გვაქვს ფარულ ელემენტებთან რომელიც მოულაპარაკებად ადამიანურ მოთხოვნილებებს უკავშირდება. არც თუ ისე დიდი ხნის წინ ავსტრალიაში იყო საპარავო პილოტების გაფიცვა. ითვ-ლებოდა რომ ეს გაფიცვა შრომის ანაზღაურებას ეხებოდა. სასამართლოებს,

პოლიტიკოსებს და გაერთიანებებს არ შეეძლოთ ამ ამბის დასრულება. სინამდვილეში ეს სიტუაცია სტატუსს ეხებოდა - პილოტების შეცვლილ სტატუსს. ისინი აღარ წარმოადგენდნენ გამორჩეულ და პატივცემულ კაპიტნებს, როგორც წარსულში. ამ სიტუაციაში ჩართული იყო მოულაპარაკებადი საკითხები, რომლებიც ზედმიწევნით ანალიზსა და მეტად ფრთხილ მიღვომას მოითხოვდნენ. ასე ხდება ხშირად, თუ არა უმეტესწილად, როდესაც ღის მეშვეობით ხდება ინდუსტრიული და სხვა საკითხების მოგვარება. ამიტომაც საჭიროა არა დამატება, არამედ ნამდვილი აღტერნატივა რაც უზრუნველყოფდა ანალიტიკურ პრობლემის გა-დაწყვეტაზე ორიენტირებულ მიღვომას, რომლის შემოთავაზებაც სასამართლოებს არ შეუძლიათ.

არსებობს იმის საფრთხე, რომ ADR-ს ხელში ჩაიგდებენ ისეთი ძალები, რომელთა გავ-ლენა სამართლებრივი სისტემის შექმნაში შემცირდა, და რომლებსაც გაუჩნდებათ ახალი აღტერნატივით მანიპულაციის სურვილი.

ამ დაკვირვების შემდეგ კიდევ უფრო წინ უნდა წავიწიოთ. თუ მოხდება პრობლემის გადაწყვეტის პროცესების ინსტიტუციონალიზაცია მათ უნდა შეუტიონ იურიდიულ პროცესებს. თუ პროცენდენტებზე დაფუძნებულ სამართლებრივ ნორმებს არ შეუძლიათ კონფლიქტის გადაჭრა, მაშინ სამართლებრივ ნორმებში ცვლილებები უნდა განხორციელდეს. სასამართლოებმა ასევე უნდა გადადგან ნაბიჯი და შეიგნონ ადამიანური მოთხოვნილებების არსებობა. სამართლებრივი პროცესები კარგად არის ჩამოყალიბებული და შეუძლებელია საშინაო თუ საერთაშორისო პრობლემების მოგვარება მხოლოდ მათი გვერდის ავლით ან აღტერნატივების ძიებით. თვითონ იურისტების სამმომაც უნდა შეიტანოს საკუთარი წვლილი პარადიგმატულ ცვლილებაში, რომელიც აუცილებელია იმისათვის რომ ცივილიზაციები გაუმკლავდნენ მზარდ კონფლიქტებს და ძალა-დობას. საერთაშორისო საზოგადოებრიოების წევრები, თუნდაც მისი ყველაზე მდიდარი ნაწილისა, ცდილობენ ინსტიტუტებში და პოლიტიკაში ცვლილების შეტანის აუცილებლობის დამტკიცებას პროტესტების, დემოსტრაციების, მათი წევრების ნორმიდან გადახრილი ქცევების, უმცირესობების და არაპრივილეგირებულების დეპრივაციების გამომჟღავნებით. და ეს ცვლილებები უნდა ემყარებოდეს ადამიანთა მისწრაფებებისა და მოთხოვნილებების დაკმაყოფილებას.

თუ სამართლებრივი პროცესები, ADR-ი და სხვები იძულებითი და შემაკვებელი სტრატეგიების ნაცვლად ორიენტაციას აიღებდნენ პრობლემების გადაჭრაზე, მაშინ გარკვეული დროის შედეგ გაჩნდებოდა ცოდნა იმის შესახებ თუ რა ცვლილებებია აუცილებელი. მაგრამ ამგვარი გადანაცვლება ორიენტაციაში მოითხოვს ბევრ დარგში სერიოზულ ცვლილებებს პროფე-სიულ გაწრთვნაში და პრაქტიკაში, ისევე როგორც გრძელვადიანი ინტერესების აღქმაში.

კაპიტალიზმისა და კომუნიზმის კრიზისი

მე მივედი ჩემს საბოლოო დასკვნამდე. ცივილიზაციები კრიტიკულ მდგომარეობაში იმყოფებიან, ალბათ დღევანდელი სიტუაცია უფრო კრიტიკულია, ვიდრე ნებისმიერი სხვა წარსულში. წარსული, ფეოდალიზმით დაწყებული ინდუსტ-რიული საზოგადოებით დამთავრებული შედგე-ბოდა ძალოვანი პოლიტიკიდან. შეერთებულ შტატებშიც კი ჯერ არ ყოფილა მოძრაობა რომე-ლიც აუცილებელია მონობის არსის გასაუქმებ-ლად. ეს მონობა მხოლოდ შეუმჩნევლად იცვლი-და ფორმებს. მწარმოებლებისთვის აღარ არის აუცილებელი, რომ ფლობდნენ მონებს და ჩაკეტონ ისინი. ათასობით ასეთი მონა არსებობს გეტოებში მთელი ქვეყნის მაშტაბით ისეთ დაბალ ანაზღაუ-რებაზე, რომელიც ელგერნტარული კეგბის დაკმაყოფილების საშუალებასაც არ იძლევა. მათ არ შეუძლიათ გაქცევა, რადგანაც არსადაა

წასას-ვლელი. ის ვინც ცდილობს გეტოდან თავის დაღწევას ქურდობით, ან მწარმოებლების მსგავ-სად ნარკოტიკებით ვაჭრობით, ციხეში ხვდება. მნიშვნელოვანია რომ აწმყო პირობები დავინახოთ ადამიანური განზომილებიდან: ბატონიყმობა, თავის ერთ-ერთ გამოვლინებაში ჯერ კიდევ არსებობს ჩვენში. სანამ ჩვენ ამ ბატონიყმობას არ მოვი-ცილებთ თავიდან, ძალადობა და კონფლიქტი მუდმივად იარსებებს.

ამ მხრივ კაპიტალიზმმა ჩვენ დაგვაღალატა. იგი კონსტრუქციულად უზრუნველყოფდა სტი-მულებს პიროვნული მოგებისათვის, და ამან განა-პირობა რესურსების სერიოზული მოხმარება და განვითარება როგორც გამოთვლილია ეროვნული პროდუქციის აღრიცხვის და რესურსების გამოყე-ნების პერიოდში. მაგრამ შეუზღუდვავმა კაპიტა-ლიზმმა მიიყვანა მეწარმეები იქამდე, რომ მათ სათანადოთ ვერ შეაფასეს სოციალური კეთილ-დღეობა: შემოსავლების სერიოზულმა უთანასწო-რობამ გამოიწვია სოციალური და ეკონომიკური პრობლემები. მათ ასევე ვერ შეაფასეს ეკოლო-გიური გარემოს გრძელვადიანი სიჯანსალე: რესურსების ექსპლუატაცია მომავალი თაობების ხარჯზე ხდება. ამ ტენდენციების შეზღუდვის მცდელობა ეწ. “მემარცხენე” მთავრობების მიერ წარუმატებელი აღმოჩნდა, რადგანაც მათი ნების-მიერი წარმატება გაანადგურებდა სისტემას. თა-ვისუფალი მეწარმეობის სისტემაში მთავრობის ჩარევის ტიპი და ხარისხი დღესაც დაძაბულობის გამომწვევ საკითხად ითვლება. თუ გავიხდებით მომავლისაკენ, არანაირი ოპტიმიზმის საფუძველი არ გვაქვს ცხოვრების ხარისხის საკითხებს თუ განვიხილავთ - ეს ეხება ყველაზე განვითარებულ, კერძო საკუთრებაზე დაფუძნებულ საზოგადოებებ-საც. იმ საზოგადოებების მომავალი, რომლებიც ჯერ არ არიან ეკონომიკურად განვითარებული, ისეთივე უსახურია, როგორც პრივილეგირებული საზოგადოებების დაჩაგრული წევრებისა.

ცხადზე ცხადია რომ არც კომუნიზმმა გაამართლა. იდეალისტური მოლოდინი იმისა, რომ მომზდარიყო ადამიანთა მოტივირება არა ჯილდოთი, არამედ სოციალური კეთილდღეობით, შეზღუდული აღმოჩნდა. თუმცა არის მოთხოვნა სამომხმარებლო ნაწარმზე, არსებობს, წინააღმდეგობა შრომის ანაზღაურების თაობაზე, იმ ადამიანთა მხრიდან, რომელთაც მოეთხოვბათ ამ ნაწარმის შექმნა.

ორივე სისტემა ავტორიტარული იყო, ისინი კონტროლირდებოდნენ პრივილეგირებული კლასების მიერ. მათ თანდაცოლილ პრობლემებს თუ გავიაზრებთ, ისინი გარდაუვალია. კაპიტა-ლისტურ საზოგადოებებში უნდა მოხდეს შეწინა-აღმდეგება დაუმსახურებელი სოციალური და ეკონომიკური პრივილეგიების მოთხოვნაზე. ბევრ სახელმწიფოში პრობლემებმა თავისუფალ-საწარმოო სისტემაში გამოიწვია აჯანყებები, რაც ხშირად სრულდებოდა სამხედრო დიქტატურით. კომუნისტურ საზოგადოებებში აუცილებელი გახდა რეპრესირება იმ მოთხოვნებისა რომლებიც მიმართული იყო მომხმარებელთა ნაწარმზე და მომსახურებებზე, და საქმიანობის არჩევის თავი-სუფლებაზე.

ორივე სისტემაში ერთიდაგივე ამოსა-ვალი იგულისხმება: რომ ინდივიდი მთლიანად მანიპულირებადია და შეიძლება მისი სოცია-ლიზაცია ან ქცევითი მოთხოვნების ძალისმიერად მოხვევა. სასამართლოების, პოლიციის ან აღტერ-ნატიული მოგვარების პროცესების რაოდენობრივი ზრდა ვერ მოახდენს ამ სისტემების თანდა-ყოლილი დეფექტების კომპენსაციას.

არცერთ სისტემას არ გააჩნია პრობლე-მებთან გამკლავების საშუალებები ან იმ კონფლიქ-ტების მოგვარების ხერხები, რომლებსაც ქმნიან ქვეყნებს შორის ან ქვეყნებს შიგნით. ეს წარმო-ადგენს ორივე სისტემის საერთო ჩავარდნას, ისევე როგორც ნებისმიერი სხვა სისტემისა, რომლის განხორციელების მცდელობაც არსებობ-და - მაგალითად ფაშიზმის. ეს იმით არის განპი-რობებული, რომ პოლიტიკურ სისტემებს აქამდე არ ჰქონიათ იმის

გამოცდილება, რომ სისტემაში ცვლილებები გამოეწვიათ, გარდა ძალისმიერი მეთოდებით სისტემის დამხობისა. კონფლიქტი წარმოადგენს სისტემის შეცვლის აუცილებლობის სიმბოლოს. კონფლიქტის გადაჭრის და კოფლიქტის პრევენციის პროცესები შეიძლება გახდეს მშვიდობიანი ცვლილებების განხორციელების საშუალება.

კონფლიქტის მოგვარება, როგორც პოლიტიკური სისტემა

შეკითხვა რომლის დასმაც მე მინდა ახლა, არის ის თუ რა ხარისხში შეუძლიათ ანალიტიკურ პრობლემების გადაწყვეტაზე ორიენტირებულ პროცესებს შეუწყონ ხელი განუწყვეტელ ცვლილებასა და ალტერნატიული პოლიტიკური სისტემის შექმნას.

კონფლიქტების მოგვარების კონტექსტში ეს შეკითხვა შეიძლება უცნაურადაც მოგვეჩვენოს, მაგრამ ჩვენ უნდა შევხედოთ კონფლიქტისა და მისი მოგვარების პრობლემის ბუნებას.

უთანხმოებანი მოლაპარაკებად ინტერესებზე ყოველთვის იარსებებენ, ისევე როგორც მენეჯმენტის პრობლემები იმ ადამიანებში, რომელთაც საერთო მიზნები აქვთ. მაგრამ ორთავეს დარეგულირება შეიძლება კონსენსუ-სის ნორმებისა და მენეჯმენტის ტექნიკის გამოყენებით. აქ რა თქმა უნდა ღ-ს შეუძლია მნიშვნელოვანი წვლილის შეტანა. საკმაოდ მარტივ წვრთნას შეუძლია საგრძნობლად გააუმჯობესოს მენეჯმენტის ტექნიკა და მედიაციის შესაბამის ინსტიტუციონალურ ფორმებს შეუძლია დარეგულიროს ინტერესთა უთანხმოებანი თუ ჩვენ საქმე არა გვაქვს სხვა ძირეულ საკითხებთან.

მაგრამ, როდესაც ჩვენ კონფლიქტებთან გვაქვს საქმე, მაშინ სულაც არ არის საკმარისი კონკრეტულ შემთხვევებთან მუშაობა და მათი გადაწყვეტის გზების ინსტიტუციონალიზაცია. აქ საჭიროა პოლიტიკა, რომელიც ხელს შეუწყობს კონფლიქტური სიტუაციის წარმოქმნის თავიდან აცილებას და რომელიც დაგვეხმარება თანამშრომლობითი ურთიერთობების დამკვიდრებაში. “პროვენცია” ხდება ჩვენი მთავარი მიზანი. კონფლიქტების მოგვარება კი, აქედან გამომდინარე, არის პოლიტიკური ფილოსოფიის დარგის ნაწილი. ის მნიშვნელოვანია ყველა სახის სისტემისათვის, კაპიტალისტურის, კომუნისტურის და ნებისმიერი სხვისათვის. პრობლემების გადაჭრის პროცესები და კონფლიქტების პროვენციის პოლიტიკა არის ის ელემენტი, რომელიც აკლია ჩვენს მიერ ნახსენებ არაადეკვატურ და კრიზისში მყოფ, ჩავარდნილ სისტემებს.

ასეთი პრობლემების გადაჭრა ყველა იდეოლოგიურ კონცეფციაზე ზემოთ დგას. ის არც “მემარჯვენეა” და არც “მემარცხენე”. ის მიესადაგება ნებისმიერ სისტემას, და ეს არის პროცესი და ფილოსოფია, რომელიც ყველა სისტემას აერთიანებს.

შეჯამება

წება მიბოძეთ შეჯამება გავაკეთო. მენეჯ-მენტის პრობლემები და უთანხმოებები მოლაპარაკებად ინტერესებზე მთავარ პრობლემას არ წარმოადგენენ. მათთან მიმართებაში ძალიან ცოტა რამ გაკეთდა წარსულში რადგანაც სისტემები ზედმეტად ელიტისტური და ავტორიტარულნი იყვნენ, მაგრამ ამასთან ერთად ამ წლებში უთანხმოებათა დარეგულირების ტექნიკაში დიდი წინსვლა შეიმჩნევა. ამ ტენდენციის თანახმად სასამართლოებმა და იურიდიულმა პროცესებმა მოსალოდნელია რომ შეცვალონ ნორმები და პროცედურები, იმისათვის რომ ბევრად მეტი მხარე ჩართონ უთანხმოებაში.

კონფლიქტების მოგვარება მეორეს მხრივ უგულვებეყოფილი თემაა. ამ საკითხის გადაჭრა დიდი ამოცანაა ყველა არსებული კაპიტალისტური, კომუნისტური, ან სხვა სისტემებისათვის. ამ პროცესს შეუძლია მოაწესრიგოს მეტად რთული სიტუაციები - როგორც საშინაო, ასევე საერთაშორისო. მისი შემადგენელი ინტერაქტიული პრობლემების გადაჭრის პროცესები უკვე გამოცდილია და იძლევა ძალიან დიდ იმედს. მაგრამ

კონკრეტული კონფლიქტების მოგვარება მხოლოდ დასაწყისია. მიუხედავად იმისა რომ ასეთი მუშაობა გვეხმარება კონფლიქტის ბუნების სიღრმეებში ჩაწვდომაში და გამომწვევი მიზეზების დადგენაში, თავისთავად კონფლიქტების საკითხს არ აძოწურავს. კონფლიქტების პროცენცია არის მიზანი. ორივე მათგანი ნაწილია სისტემური ცვლილებისა, და მათი თეორიული ჩარჩოები მიუთითებს პოლიტიკურ სისტემებს საჭირბო-როტო მიმართულებით.


მოთხოვნილებები და ურთიერთგაგების სიძნელეები

დალი ბერეკაშვილი

ამ მცირე წერილს ბიძგი მისცა ჯონ ბარტონის მნიშვნელოვანმა იდეამ იმის შესახებ, რომ თუკი ადამიანთა ძირითადი მოთხოვნილებები არ არის დაკმაყოფილებული, მაშინ ამ საფუძველზე წარმოქმნილი კონფლიქტის მოგვარებას ტრადიციული მეთოდებით დიდი პრობლემები ექმნება და საუკეთესო გამოსავალია კონფლიქტის პრევენცია ამ მოთხოვნილებათა დაკმაყოფილების გზით.

დგება კითხვა: რას წარმოადგენენ ეს ძირთადი მოთხოვნილებები?

რამდენადაც ჩემთვის ცნობილია, ამ საკითხში ბარტონი ეყრდნობა მასლოუს, ცნობილ ამერიკელ ფსიქოლოგს, რომელმაც შეიმუშავა მოთხოვნილებათა იერარქიული სისტემა, ე.წ. “მოთხოვნილებათა პირამიდა”.



მოთხოვნილებათა იერარქიული სისტემა მასლოუს მიხედვით:

პირამიდის საფუძველშია ფიზიოლოგიური მოთხოვნილებები –შიმშილი, წყურვილი, ჰაერის მოთხოვნილება, ორგანიზმისთვის არასაზიანო ტემპერატურა და სხვა; შემდეგ მოდის უსაფრთხოების მოთხოვნილება, რაც გულისხ-მობს უფრო ხანგრძლივვადიანი გადარჩენის მოთხოვნილებას; უფრო ზემოთ მიკუთვნებულობისა და სიყვარულის მოთხოვნილება – ეს არის ადამიანის მოთხოვნილება ვინმეს უყვარდეს და თვით უყვარდეს ვინმე, აგრეთვე ადამიანთა რაიმე – დიდ, ან მცირე – ჯგუფს მიეკუთვნებოდეს; შემდეგ, საკუთარი თავის პატივისცემის მოთხოვნილება; ბოლოს – თვითაქტუალიზაციის – საკუთარი შესაძლებლობების სრული რეალიზაციის მოთხოვნილება.

მასლოუს სქემის საფუძვლად დევს დაშვება, რომ წამყვანი მოთხოვნილებები, რომლებიც უფრო დაბალ დონეს მიეკუთვნებიან მეტ-ნაკლებად დაკმაყოფილებულნი უნდა იყვნენ, რათა

ადამიანმა იგრძნოს და მოტივი-რებული იყოს მოთხოვნილებებით, რომლებიც უფრო მაღალ დონეზე არიან. მაშასადამე, ერთი ტიპის მოთხოვნილებები დაკმაყოფილებული უნდა იყოს, რათა ზედა დონის მოთხოვნილება გამომჟღავნდეს და ამოქმედდეს. ეს ნიშნავს, რომ თუკი, მაგალითად, ადამიანს შია, იგი მხოლოდ საკვების ძიებითა და მისი მოპოვების მცდელობით იქნება დაკავებული, მას სხვა რამით ვერ დააინტერესებ (თუ ამას სხვა, ასეთივე ძირებით, მოთხოვნილება არ დაუპირისპირდა – წყურვილი, სასიკვდილო საფრთხე, უპარობა და სხვა).

მოთხოვნილებათა იერარქიის მეორე საფეხური, მასლოუს მიხედვით, არის უსაფრთ-ხოებისა და დაცულობის მოთხოვნილება. ამაზე ცოტა უფრო დაწვრილებით შევჩერდებით. როცა პირველადი ფიზიოლოგიური მოთხოვნილებები – შიმშილი, წყურვილი, ორგანიზმისთვის არასაზიანო ტემპერეტურა და ა.შ. დაკმაყოფილებულია, მნიშვნელობას იმენს ხანგრძლივვადიანი გადარჩენის მოთხოვნილება. იგი შეიცავს სტაბილური, ორგანიზებული გარემოს, წესრიგისა და კანონის მოთხოვნილებას, მოვლენათა წინასწარმეტყველებადობას და თავისუფლებას ისეთი საშიში ძალებისაგან, როგორებიცაა ავადმყოფობა, შიში და ქაოსი.

უსაფრთხოებისა და დაცულობის მოთხოვნილება ახდენს გავლენას ადამიანებზე, როცა ისინი, მაგალითად, უპირატესობას ანიჭებენ სანდო, სტაბილურ სამსახურს. შემნახველი ანგარიშების შექმნა, დაზღვევა აგრეთვე მოტივირებულია ამ მოთხოვნილებით.

ზოგი ადამიანი, რომელიც ნევროტულ ტიპს განეკუთვნება, ძირითადად მოტივირებულია უსაფრთხოების ძიებით. ის იქცევა ისე, თითქოს მოსახლოდნელია დიდი კატასტროფა და მთელი ძალების დაძაბვით ცდილობს საკუთარი სამყაროს ორგანიზებას სანდო, სტაბილური სტრუქტურის სახით, სადაც ადგილი არ ექნება მოულოდ-ნელობას. ასეთი ადამიანის მოთხოვნილება, მასლოუს თქმით, “ხშირად სპეციფიკურად კლინდება დამცველის: უფრო ძლიერი ადამიანის ან სისტემის ძიებაში, რომელზეც ის იქნება დამკიდებული”.

უფრო გლობალურად თუ მივუდგებით, შეიძლება ითქვას, რომ ისეთ ქვეყნებში, სადაც პოლიტიკური და ეკონომიკური სტაბილურობა არ არის, ან, ნაკლებად არის, მოსახლეობის დიდ ნაწილს არასაკმარისად აქვს დაკმაყოფილებული უსაფრთხოების, ანუ, ხანგრძლივ-ვადიანი გადარჩენის მოთხოვნილება. სტაბილური ქვეყნის მკვიდრის თვალსაზრისით ასეთი ქვეყნის მოსახლეობა მთლიანად ნევროტული ტიპის იქნება. თუმცა, რადგანაც ასეთი ნევროტიზმი ობიექტურად გამართლებულია, იგი სიტუაციის შესაფერისია, ანუ, ნორმაა. მეორეს, მხრივ, ასეთი ნორმა ქმნის ტოტალიტარიზმის საშიშროებას, რადგან უსაფრთხოების მოთხოვნილების დაუკმაყოფილებლობას მოყვება ისეთი ადამიანისა თუ სისტემის ძიება, რომელზედაც ადამიანები იქნებიან დამოკიდებული და რომელიც ამით მათ სტაბილურობის, სანდოობის, ურყევი მდგომარეობის განცდას მიანიჭებს.

ერთ-ერთი ძირებული მოთხოვნილების არასაკმარისი დაკმაყოფილება, გარდა ხსენებული (ტოტალიტარიზმის) საშიშროებისა, აბრკოლებს უფრო მაღალი მოთხოვნილებების გაჩენას. შეიძლება ბევრ რამეში შეეკამათო მასლოუს, მაგრამ შეუძლებელია იმის უარყოფა, რომ ზემონათქვამში ჭეშმარიტების დიდი წილია. ეს ჭეშმარიტემა ასახულია ანდაზებშიც, რომლებიც, ასე ვთქვათ, “აშუქებები” მოთხოვნილებათა იერარქიის სხვადასხვა დონეზე მდგართა ურთიერთგაების სიძნელეებს. ქართული ანდაზა: “მაძღარი კაცი მშიერს პურს წვრილად უფშვნიდა, თან აყვედრიდა, რა ღორულად ჭამო”, აფიქ-სირებს იმას, თუ რა ძნელია ბაზისური მოთხოვნილება-დაკმაყოფილებული ადამიანისთვის ამავე მოთხოვნილების ტყვეობაში მყოფის გაგება. იგივეა რუსული ანდაზა: “რამდენიმე არ მარტივი არ გამოსცდი, თუ რა არის ძირები, საიცოცხლო მოთხოვნილების დაუკმაყოფილებლობა, – რა არის შიმშილი, წყურვილი, უსაზღვრო დაღლილობა,

სასიკვდილო შიში, უსახლკარობა და სხვა, ამაზე რეალურ წარმოდგენას ვერ შეიქმნი.

მეორე ანდაზა: “**შესძი ააშები**” ასახავს, საპირისპიროდ, “**პროლეტარულ**” თვალსაზრისს იერარქიის ზემო საფეხურის მოთხოვნილებებისა და მათი დაკმაყოფილების შესახებ. მართლაც, ძნელია, თუ საერთოდ შესაძლებელი, გააგებინო მშიერ, გაყინულ, ან სასიკვდილო საშიშროებაში მყოფ კაცს, მოცარტის მუსიკის მოსმენის, ან ეკოლოგიურად შეგნებული ქცევის, მაგალითად, ტყის დაცვის აუცილებლობა. თუმცა, ასევე ძნელია გააგებინო ეს ყველაფერი ადამიანს, რომელიც, მართალია, ამ წუთას მშიერი არ არის და არც უშუალო ფიზიკური საშიშროება ემუქრება, მაგრამ სამაგიეროდ, ამის თაობაზე ხვალინდელი დღის იმდედი არა აქვს. სწორედ ამიტომ, როდესაც ბაზისური მოთხოვნილებები მასობრივად ნაკლებად კმაყოფილდება, ხდება საზოგადოების “გასადავება”, კულტურული დეგრადაცია.

ბაზისური მოთხოვნილება-დაუკმაყო-ფილებელი ადამიანი ძნელად იჯერებს, რომ იმათ, ვისაც ამგვარი მოთხოვნილებები სავსებით დაკმაყოფილებული აქვთ, შეიძლება რაიმე სერიოზული პრობლემა ჰქონდეთ – “ნეტაი, თქვენ, რა გადარდებთ?” – გამოხატავს მის დამოკიდებულებას. ამიტომ მაგალითად, აქაური გაჭირვებული კაცი ვერ იჯერებს, რომ მდიდარი ქვეყნის მცხოვრების სიძნელები, რომელსაც “თავზე გადასდის” ყველაფერი, “ყურით მოთ-რეული”, და “ძალად შექმნილი” არ არის, რომ ის ამით უბრალოდ “თავს არ ირთობს”.

არადა, ეს “**ძალად მოგონილი**” პრობლემა ისეთივე სასიცოცხლო მნიშვნელობისაა მისთვის, ვისაც აწუხებს, როგორც ჩვენთვისაა ჩვენი. თუ კონფლიქტების თემას გავიხსენებთ, მაშინ ზემოთქმულიდან მნიშვნელოვანი დასკვნების გამოტანა შეიძლება: კერძოდ, თუ მოთხოვნილებათა იერარქიის მაღალ დონეზე მყოფი ერევა დაბალი დონის მოთხოვნილებათა კონფლიქტში, იგი ვერ, ან, ძნელად გაუგებს მოკონფლიქტე მხარეებს; მეორეს მხრივ, მოთხოვნილებათა იერარქიის დაბალი დონის (საბაზისო) მოთხოვნილება-დაუკმაყოფილებელი მხარე უნდობლად მოეკიდება ნებისმიერ რჩევას, რომელსაც მას “მაძღარი” მხარე მისცემს.

ეს ყველაფერი არ უნდა გავიგოთ ისე, თითქოს საბაზისო და მათი მომდევნო მოთხოვნილებების სრული დაკმაყოფილება ავტომატურად იწვევს მაღალი მოთხოვნილებების გააქტიურებას. ეს რომ ასე იყოს, კეთილდღეობა თავისთავად გამოიწვევდა “კეთილშობილებას”, ანუ, მატე-რიალური სისავსე ზნეობრივ სისრულეში გადავიდოდა, ან სიმდიდრე თავისთავად ბედნიერებას მიანიჭებდა თავის მფლობელს. როგორც ცნობილია, ეს სულაც არ არის ასე (მაგალითად, გამოკვლეულია, რომ ბედნიერი ადამიანების წილი – პროცენტული შემადგენ-ლობა – ერთნაირია ყველა ფენებში, მდიდრებში და ღარიბებში, ჯანმრთელებში და ინვალიდებში); მასლოუ ამას არც ამბობს. მისი აზრით უმაღლესი – თვითაქტუალიზაციის – მოთხოვნილება ყველა ადამიანშია, მაგრამ მოსახლეობის მხოლოდ, დაახლოებით, ერთი პროცენტი ახდენს მის რეალიზაციას. “თვითაქტუალიზაცია” მასლოუს გაებით ნიშნავს საკუთარი თავის სრულ გამოვლენას, სრულ ფუნქციობას; ნიშნავს გაბედონადვილად იყო ის, ვინც ხარ და საკუთარ ცხოვრებას შემოქმედებითად მიუდგე. ეს არ გულისხმობს მაინცდამაინც სურათების ხატვასა და მუსიკის წერას. შეიძლება იყო, მაგალითად, თვითაქტუალიზებული მზარეული. როგორც მასლოუ ამბობს, კარგ სუპში გაცილებით მეტია ხელოვნება, ვიდრე საშუალო ლექსში. თვითაქტუალიზებული პიროვნების ჩამოყალიბებას შესაფერისი პირობები უნდა და ამის მიხედვით არსებობს მეტ-ნაკლებად ხელშემწყობი საზოგადოება. თავისუფლება და დემოკრატია ამ აზრით ხელშეწმყობია.

მოთხოვნილებათა იერარქიის ზემო საფეხურებზე მყოფი ადამიანისათვის თვითაქტუალიზაცია, – მაგალითად, შემოქმედებითი სისავსე – იმდენად მნიშვნელოვანია, რომ შეიძლება სიკვდილ-სიცოცხლის საქმედ იქცეს. და – აქ უკვე იერარქიული სქემის უკუპროცესი მიღის – ასეთ

დონეზე ასული ინდივიდისთვის მცირდება ბაზისური მოთხოვნილებების მნიშვნელობა და წილი: შემოქმედებითი წვის დროს ხელოვანი ვერ გრძნობს შიმშილსა და უძილობას; თავისუფლების იდეისთვის ითრგუნება სიცოცხლის გადარჩენის უძლიერესი ინსტინქტი; შემეცნების მოთხოვნილებით გატაცებული მეცნიერი შეიძლება უგულებელყოფლეს ფიზიკურ კომფორტსა და “ოჯახურ სითბოს”; და – მაქსიმალური გამოვ-ლინება, – ღმერთოთან სიახლოვეს მონდომებული მარტვილი შეგნებულად და სიხარულით ამბობდეს უარს ყოველგვარ “ხორციელ” მოთხოვნილებაზე.

არ ვიცი, რას იტყოდა თვით მასლოუ ასეთ ხატოვან წარმოდგენაზე, მაგრამ სრული შთაბეჭდილებაა, რომ ამ შემთხვევებში პირამიდა ბრუნდება - წვერზე დგება, ძირით კი “ცას ებჯინება”.

ეს შესაძლებელია, მაგრამ, როგორც ცნობილია, ამ მდგომარეობაში წონასწორობის შენარჩუნება ძალიან ძნელია.

ამიტომ, ადამიანთა უმრავლესობა მაინც მოთხოვნილებათა იერარქიის პირამიდის კანონზომიერებას ემორჩილება, მაშასადამე, სტაბილურ, აყვავებულ საზოგადოებაში ბაზისური მოთხოვნილებები მასობრივად უნდა კმაყოფილ-დებოდნენ სწორედ ამ სტაბილობის შენარჩუნებისა და საზოგადოების აყვავების მიზნით. გარდა ამისა, ასეთ საზოგადოებებში, კარგი პირობები იქმნება ბევრი თვითაქტუალიზებული ადამიანის ჩამოსაყალიბებლად, ხოლო ეს უკანასკნელნი, დიდწილად, ხელს უწყობენ თვით საზოგადოების განვითარებას.

სტუდენტის თვალსაზრისი

ნანიკო ბარამიძე

საზოგადოებრივ საქმეთა ინსტიტუტის ასპირანტი

კონფლიქტი - ჩვენი ცხოვრების განუყოფელი ნაწილია, რომელიც ჩნდება ყველგან - ნებისმიერ კულტურაში, ნებისმიერ საზოგადო-ებაში, ადამიანთა ნებისმიერ ჯგუფში. კონფლიქტები განიხილება სამ სხვადასხვა დონეზე - პიროვნებებს შორის, კვალიერებს შორის და საზოგადოებებს შორის.

როგორც წესი, მხარეების მიერ ინტერესები განიხილება როგორც მათი პოზიციების ფუნქციონალური და პრაქტიკული შედეგი. ინტერესები, თავისი მხრიდან მოტივირებულია მოთხოვნილებებით, რასაც სოციალური და ფსიქოლოგიური მოთხოვნილებების “ღრმა ფესვები” გააჩნია. ეს მოთხოვნილებებია:

1. უსაფრთხოება (ფსიქოლოგიური, ფიზიკური, სოციალური, ეკონომიკური);
2. იდენტურობა;
3. ემოციური და ფიზიკური კეთილდღეობა;
4. ღირსება;
5. თვითგამორკვევის უფლება;
6. პატივისცემა;
7. სამართლიანობა.

ამ მოთხოვნილებათა დაუკმაყოფილებლობამ მართლაც შეიძლება მიგვიყვანოს სხვადასხვა სახის კონფლიქტებამდე - ეთნიკური, სოცია-ლური, ფსიქოლოგიური და ა.შ. როდესაც კონფლიქტები წარმოიშვება, მაშინ საჭიროა მათი რეგულირება, მაგრამ როგორ უნდა მოიქცეს მთავრობა, საზოგადოება იმისთვის, რომ არ დაუშვას კონფლიქტი? რამ უნდა შეუწყოს ხელი კონფლიქტის თავიდან აცილებას? რა სახის პრევენციული სამუშაოები არის

ჩასატარებელი იმისაღვის, რომ აგარიდოთ კონფლიქტს თავი, აღარ განმეორდეს სამხრეთ ოსეთის და აფხაზეთის ტრაგედიები. ასეთივე ეთნიკური კონფლიქტები მოსალოდნელია ისეთ რეგიონებში, სადაც ცხოვ-რობენ სხვადასხვა ეთნიკური ჯგუფები. ასეთი სახის კონფლიქტების თავიდან ასაცილებლად აუცილებლად გასათვალისწინებელია, და ეს პირველ რიგში ხელისუფლებას ეხება, ეთნიკური კონფლიქტების პოლიტიკური და ფსიქოლოგიური ფაქტორები. როგორც ვიცით, ეთნიკური კონფლიქტის გაჩენის აუცილებელი პირობაა ერთ ცალკეულ ქვეყანაში ორი ან მეტი სხვადასხვა კულტურული ჯგუფის არსებობა. ამ ჯგუფებს შორის განსხვავებები შეიძლება განპირობებული იყოს რელიგიით, ენით, რასით, ნაციონალური ხასიათით ან ამ ფაქტორების კომბინაციით.

რაც შეეხება იმას, თუ რამდენად მიმდინარეობს დღეს საქართველოში კონფლიქტების გამოწვევი მიზეზების აღმოფეხრაზე მუშაობა, იმის თქმა, რომ საერთოდ არ მიმდინარეობს, არ იქნებოდა ზუსტი. არსებობს ორგანიზაციები და ადამიანები, რომლებიც თავისი შესაძლებლობების ფარგლებში ამას აკეთებენ. იმართება შეზვედრები, ტარდება ტრენინგები, როგორც თბილისში, ასევე რეგიონებში. ხდება ზოგჯერ მთავრობის მიერ დახმარების გაცემაც. საინფორმაციო საშუალებებიც წერენ და საუბრობენ ამ თემაზე. იშვიათად, მაგრამ მაინც ხდება საქველმოქმედო შემოწირ-ვებიც, არასამთავრობო ორგანიზაციები ცდილობენ შეძლებისდაგვარად თავისი წვლილის შეტანას, მაგრამ ისეთ ქვეყანაში, როგორიც დღევანდელი საქართველოა, სადაც ამდენი ლტოლვილია, ამდენი უმუშევარი, სადაც მოსახლეობის უმეტე-სობა სიღარიბის ზღვარს ვერ ასცილებია, სადაც ყოველდღე გესმის როგორ იღლვევა ადამიანის უფლებები, როგორ იკლავენ თავს სასოწარკვე-თამდე მისული ადამიანები, ეს არის წვეთი ზღვაში. სრულდად ბუნებრივია, რომ ასეთ დროს მოსალოდნელია სოციალური კონფლიქტების წარმოქმნა.

იმ კითხვას რომ ვუპასუხოთ, თუ რამდენად არის დაკმაყოფილებელი ძირეული ადამიანური მოთხოვნილებები უსაფრთხოებისა, ლაპარაკია ფიზიკურ, ფსიქო-სოციალურ, ეკონომიკური უსაფრთხოების განზომილებებზე, - ძალიან ცუდად რომ არ ვთქათ, საერთოდ არ არის დაკმაყოფილებული. პენსიონერებს უყინავენ პენსიას, სამსახურში არ არიგებენ ხელფასს. ახალგაზრდები უმაღლესი სასწავლებლის დამ-თავრების შემდეგ ვერ შოულობენ სამსახურს. ავადმყოფი ადამიანი ვერ მიდის ექიმთან. მარტოხელა მოხუცები შიმშილობენ. ქუჩები გატენილია მათხოვრებით. საინფორმაციო საშუალებების სიუჟეტები დაემსგავსა “საშინელებათა ფილმების” სცენარებს. სასოწარკვეთილი ადამი-ანები მეტროს მატარებლებს ბორბლებში უხტებიან. განრისხებული ადამიანები გზებს კეტავენ. არ არსებობს საშუალო ფენა. არ დაადგა საშეელი მრეწველობის ამუშავებას. მოსახლეობის 80% ვაჭრობს - ერთ ადგილას ყიდულობს, მეორე ადგილას ყიდის იმისთვის, რომ შიმშილით არ მოკვდეს. ყველასთვის ცნობილი ფაქტია, რომ იმ ქვეყანაში, სადაც ადამიანებს პირველადი სასიცოცხლო მოთხოვნილებები დაკმაყოფილებული არ აქვთ, იქ სიმშვიდე და ცივილიზებული ცხოვრება არასოდეს არ იქნება. ხელისუფლებამ და მოსახლეობის მდიდარმა ფენამ ე.წ. ელიტა-რულმა, თუ უნდა, რომ თვითონაც საფრთხეს აარიდოს თავი, პირველ რიგში ამ საკითხზე უნდა იზრუნოს. უნდა დაიცვას ადამიანების ძირეული მოთხოვნა უსაფრთხოებისა. შექმნას სამუშაო ადგილები, სადაც ისეთი ანაზღაურება იქნება, რომ ადამიანმა თავისი უსაფრთხოების მოთხოვნილება დაიკმაყოფილოს. სახელმწიფომ უნდა იზრუნოს მოხუცებზე და ავადმყოფებზე.

იდენტურობის მოთხოვნილებამაც შეიძლება გამოიწვიოს კონფლიქტი. ლაპარაკია კლასობრივ, სქესობრივ, რელიგიურ და სხვა იდენტურობაზე. ქალებმა მიხედეს თავიანთ თავს და დაარსეს ქალთა კვლევითი და საკონსულტაციო ორგანიზაციები. სამწუხაროდ, ხდება რელიგიურ უმცირესობათა დევნა, მათი უფლებების შელახვა. გასაგება, რომ მართლმადიდებელი ქვეყანა ვართ და ჩვენი რწმენა არავის არ უნდა

დაგაჩაგვრინოთ, მაგრამ ეს ცოტა ცივილიზაციულად თუ არ გავაკეთეთ, აქაც შეიძლება სოციალურ კონფლიქტს ჰქონდეს ადგილი. (ამის შემთხვევები სამწუხაროდ უკვე რამდენიმე იყო).

ასევე სამწუხაროდ საქართველოში დღეს არსებობს მეორეხარისხოვნი, მესამეხარისხოვანი და რაც ყველაზე სავალალოა, არასრულფასოვანი მოქალაქების ფაქტორი. ამდენი სტრუსგადატანილი ადამიანი, რომელიც თავისი თავისი რეალიზებას ვერსად ვერ ახერხებს, არარაობად გრძნობს თავს. ძლიერ იმატა ფინანსურად დაავადებულ და დეპრესიაში მყოფ ადამიანთა რიცხვმა.

სოფლელი-ქალაქელი, ქალი-კაცი, ქართველი-არაქარათველი, “კაიტიპი-გოიმი”, მე აქ დაგამატებდი თბილისელი-ლტოლვილი. ეს გამოთქმები თავისთავად თითქოს არაფერს განსაკუთრებულს არ ნიშნავს, უბრალოდ ფაქტის კონსტატაციაა, მაგრამ დღეს მათში (უფრო სწო-რედ ერთ-ერთ ორთაგანში) დამამცირებელი და უარყოფითი ელემენტებია ჩადებული, ამიტომ საკმაოდ მტკიცნეულად აღიქმება. მე ვთვლი, რომ ეს გამოთქმებიც ხშირად უაზრო კონფლიქტის მიზეზი ხდება და უკეთესია თავი შევიკავოთ, ისედაც ბევრი პრობლემები გვაქვს გადასაწყვეტი.

ამრიგად, როგორც ჩანს, კონფლიქტები ჩვენი ცხოვრების ის განუყოფელი ნაწილია, რომელიც მოითხოვს პრევენციულ სამუშაოებს, და ასევე საჭიროებს გათვითცნობიერებას საზოგადოების მხრიდან. ბუნებრივია, რომ უპირველეს ყოვლისა ამ თემაზე უნდა იზრუნოს დღესდღობით ქვეყანაში იერარქიულად არსებულმა ყველაზე ძლიერმა საფეხურმა, ანუ სახელწიფო სტრუქტურებმა. თუმცა, ეს არ ნიშნავს იმას, რომ საზოგადოება არ უნდა იქნას ჩართული კონფლიქტის თავიდან აცილების წინასწარ სამუშაოებში. ანუ სიტუაცია ფაქტიურად მოითხოვს მჭიდრო თანამშრომლობას არა მარტო სახელმწიფო სტრუქტურებსა და არასამთავრობო ორგანიზა-ციებს (სამოქალაქო საზოგადოება) შორის, არამედ კერძო სტრუქტურებსა და დარჩენილ საზოგადო-ებას შორისაც. ამ წრის ყველა წევრს თავის როლი გააჩნია ქვეყნის მომავალი მშვიდობიანი კეთილდღეობის მოსაპოვებლად.

ინტერვიუები ბარტონის თემაზე

დათო ტურაშვილი, მწერალი

კონფლიქტს იწვევს უამრავი აგრესია, რომელიც გროვდება იმ გარემოში სადაც ადამიანს არ გააჩნია ნორმალურად არსებობის პირობები, სადაც არ არის დაცული უფლებები და არ არსებობს უსაფრთხოების გარანტიები. აქედან გამომდინარე ადამიანი კონფლიქტური ხდება. ადამიანები ნაკლებად კონფლიქტურები არიან ისეთ გარემოში, სადაც მათი უფლებები არ იღლახება, მითუმეტეს ხელისუფლების მხრიდან. ჩვენთან არსებული კონფლიქტები აღარ არსებობს ისეთ ქვეყნებში, სადაც სახელმწიფო არ უქმნის ადამიანებს ამის გამომწვევ პირობებს. კონფლიქტების მოგვარება ორმხრივი პროცესია – მარტო ქვემოდან რაიმეს შეცვლა შეუძლებელია, ზემოდანაც უნდა განხორციელდეს გარკვეული ცვლილებები. მოქალაქეებმა როგორც არ უნდა მოინდომონ რომ არ იყვნენ კონფლიქტურები, ამის ცალმხრივად გადაჭრა მაინც მნელია. ხელისუფლებისა და გარკვეული ელიტის გარდა ფაქტიურად ყველა კონფლიქტოგენურ სიტუაციაში იმყოფება.

რაც შეეხება ახალ პოლიტიკურ ფილოსოფიას, რომელიც არც მემარჯვენ იქნება და არც მემარცხენე, შესაძლოა ცოტა მოგვიანებით ადამიანები მივიდნენ იქამდე, რომ განხორციელდეს

ამგვარი ცვლილებები. ამას გამოცდილება განაპირობებს. ორივე ტიპის სისტემას პრობლემები მოაქვს, რადგანაც ორივე რადიკალურად გამიჯნული პირობების შემქმნელია, მნიშვნელოვანია რომ მოხდეს გარკვეული სახის სინთეზი. ეს ადრე თუ გვიან მოხდება, და იქნება უფრო მეტი მცდელობა იმისა, რომ შეიქმნას ისეთი სოციალური გარემო, სადაც აღმოიფხვრება ორივე სისტემის სიმახინჯვები. ადამიანი აუცილებლად მივა აქამდე, რადგანაც იგი ნებისმიერ პოლიტიკურ სისტემაზე მაღლა დგას, მისი მოქცევა გარკვეულ ჩარჩოებში ან დოგმებში და მისი ამგვარი დაკმაყოფილება წარმოუდგენლად მეჩვენება.

გიორგი ხუციშვილი, კონფლიქტებისა და მოლაპარაკებების საერთაშორისო კვლევითი ცენტრის დამაარსებელი და დირექტორი

რაც უფრო განვითარდება ქვეყნის რესურსები, ამოქმედდება ქვეყნის პოტენციალი და რაც უფრო გაჯიანსაღდება ქვეყანაში სოციალურ-ეკონომიკური მდგომარეობა მით უფრო მეტი შანსი იქნება კონფლიქტების მშვიდობიანად გადაწყვეტისათვის და ამავე დროს ახალი კონფლიქტების თავიდან ასაცილებლად. კონკრეტული მაგალითი რომ ავიღოთ, ქართულ-აფხაზური კონფლიქტის დარეგულირებისათვის ძალიან დიდი მნიშვნელობა ჰქონდა იმას, რომ საქართველოში ვერ მოწესრიგდა სოციალურ-ეკონომიკური მდგომარეობა. ამის განხორციელება დიდი სტიმული იქნებოდა იმისათვის რომ მოლაპარაკებების შედეგად რეალური გამხდარიყო ფედერალიზმის მოდელის მიღება ორივე მხარის მიერ. მაგრამ პროცესების ასეთი განვითარებას შანსი არ მიეცა ნაწილობრივ იმის გამო რომ საქართველოში გაუარესდა მდგომარეობა, განვითარდა კორუფცია, ეს ყველაფერი ხელზე დაიხვიეს აფხაზეთის დამოუკიდებლობის პროპაგანდისტებმა.

სამოქალაქო ომის პერიოდში ცხადი გახდა რომ საქართველოში ეთნო-ნაციონალისტურმა იდეებმა ფეხი მოიკიდეს, ეს ყველა შემთხვევაში დესტრუქციულ მიმართულებას წარმოადგენს და უნდა ვეცადოთ ამ ტენდენციების თავიდან აცილება. გარდა ამისა აუცილებელია მეტი ყურადღების დათმობა ურთიერთობების გაჯიანსაღებისათვის ყველა დონეზე. ვინაიდან საზოგადოების კლიმატის სიჯანსაღის ხარისხზე იქნება დამოკიდებული ერის კონსილიდაცია, ხოლო ერის კონსოლიდაცია აუცილებელია ყველა დიდი საკითხის გადასაწყვეტად.

რაც შეეხება გენდერულ საკითხებს მოსახლეობის შეგნება ამ საკითხთან დაკავშირებით მეტად დაბალია, რაც ძალიან შემაშფოთებელია. მოუხედავად იმისა რომ საქართველო ქალის კულტის ქვეყანად ითვლება, ქალი რეალურად განიხილება როგორც მეორე რიგის არსება მოსახლეობის ფართო ფენებისა და ჯგუფების მიერ, რაც აბსოლუტურად მიუღებელია ოცდამერთე საუკუნეში ცივილიზებული ერისათვის, რომელიც ცდილობს ადგილი დაიმკვიდროს მსოფლიო ასპარეზზე. კლასობრივ საკითხებზე თუ ვილაპარაკებთ საქართველოში კლასები შექმნის პროცესშია - შეიქმნა ძალიან ვიწრო, მდიდართა კლასი, შეიქმნა დარიბთა კლასი რომელიც დღითი დღე უფრო დატაკდება, ამავე დროს არ შეიქმნა ის საშუალო კლასი რომელიც ჩვენი სოციალური და ეკონომიკური განვითარების საყრდენი უნდა იყოს. ამ კლასის განვითარება უნდა მოხდეს მცირე ბიზნესის, შესაბამისი კანონმდებლობის, სამართალ-წესრიგის დამყარების, ცნობიერების შეცვლის მეშვეობით. ამ ყველაფრის უკან დგას ძალიან სერიოზული საკითხი - სამოქალაქო საზოგადოების ჩამოყალიბება და სამოქალაქო შეგნების და ღირებულებების ჩამოყალიბება ადამიანებში. ყოველივე ეს მოითხოვს განათლების სისტემის რეფორმას, მის თანამედროვე რელსებზე გადაყვანას.

- ჩვენი საზოგადოების გარკვეულ ნაწილს აშინებს, ის რომ კონფლიქტების მოგვარების ფილოსოფია გახდეს ახალი პოლიტიკური აზროვნების საფუძველი, რადგან ითვლება რომ უკონფლიქტო განვითარება და უკონფლიქტო მენტალიტეტი არის სისუსტის მაჩვენებელი,

კომპრომისული სულისკვეთება განიხილება როგორც გამოუსადეგარი და ირჩევენ შეტევის სტრატეგიებს. ერთი მეორეს აბსოლუტურად არ გამორიცხავს. ასერტიული, პრო-აქტიული ქცევა და ამავე დროს კონფლიქტების პრევენცია ანუ უსაფუძვლოდ დამაბულობის არ შექმნა საზოგადოებაში არის აბსოლუტურად ნორმალური და მისაღები სიტუაცია. შეიძლება ითქვას რომ კონფლიქტების მოგვარება და კონფლიქტების თავიდან აცილება არის გარკვეული პოლიტიკური ფილოსოფია, რომელიც შეიძლება გახდეს ქვეყნის ფილოსოფიის საფუძველი.

გიგა ბოკერია, თავისუფლების ინსტიტუტი:

საქართველოში სოციალურ-ეკონომიკური პირობების შეცვლა შეიძლება საკმარისი არ იყოს კონფლიქტების მოგვარებისათვის, მაგრამ ეს უდაოდ აუცილებელია. საქართველო ჯერ-ჯერობით ისეთი ქვეყანაა რომელიც ვერ აქმაყოფილებს საკუთარ მოქალაქეებს, ამრიგად არ არის გასაკირი, რომ იმ ტერიტორიებზე, სადაც კონფლიქტოგენური სიტუაციაა, ნაკლებად არსებობს პრო-ქართული ტენდენციები. აქედან გამომდინარე აფხაზებისა და ოსების პოზიცია შესაძლოა გასამართლებელი არ არის, მაგრამ გასაგებია. დღესდღეობით ომი წაგებულია, არსებობს მტრული განწყობები და შურისძიების მოტივაცია, ხშირ შემთხვევაში საფუძვლიანი შურისძიების, ამ სიტუაციაში სრულიად გასაგებია, რომ ნებისმიერი პატრიოტი აფხაზი შეეწინააღმდეგება ამგვარი საქრთველოს მის ტერიტორიაზე შესვლას - ისინი განიცდიან საფრთხეს ჩვენი მხრიდან. როგორც კი ჩვენ ძალა გვექნება, მათი შანსები იმისა რომ იარსებონ ძალზე პატარა გახდება. თუ საქართველო გახდება ჭეშმარიტად თავისუფალი სახელმწიფო, სადაც ადამიანის უფლებებს და ღირსებას პატივს სცემენ, სადაც არსებობს თამაშის გარკვეული წესები, ეს იქნება ყველაზე მოკლე გზა ტერიტორიული მთლიანობის აღსაღენად და კონფლიქტების მოსაგვარებლად.

რაც შეეხება კლასობრივ კონფლიქტებს, საბედნიეროდ და ამავე დროს სამწუხაროდ მე ვერ ვხედავ ამ ტიპის აფეთქების საშიშროებას. აფეთქება შეიძლება მოხდეს იქ, სადაც არსებობს გარკვეული მოლოდინები, მე კი მგონია, რომ საქართველოში ამ ეტაპზე რეალური მოლოდინები არ არსებობს, თუმცა ეს არ ნიშნავს დაპირისპირების არ არსებობას. ჩემი აზრით, არ არის იმის პირობები რომ ეს ორგანიზებულ მოძრაობაში გადაიზარდოს. მოსალოდნელია კიდევ უფრო დიდი დეზინტეგრაცია არა ტერიტორიული თვალსაზრისით, არამედ საზოგადოებაში, რადგანაც ისიც კითხვის ნიშნის ქვეშ დგას ვართ თუ არა ქვეყანა. სახელმწიფო არა მარტო ხელისუფლების არსებობას ნიშნავს, არამედ გარკვეული ერთიანობის შეგრძნებასაც, რომელიც ხშირ შემთხვევაში არ გაგარინია. საზოგადოება ფაქტიურად იყოფა ორ ნაწილად. ნომენკლატურა, რომელიც სარგებლობს შექმნილი სიტუაციით და მორალურად და მატერიალურად დამკვიდრებული აქვს თავი, და ბევრად უფრო დიდი მასა, რომელიც ვერ ახორციელებს ვერც უფლებებს და ვერც მოვალეობებს. აქედან გამომდინარე სანამ არსებობს ასეთი დაყოფა და დაპირისპირება ერის ან ქვეყნის მთლიანობაზე ლაპარაკი აბსურდია. გამსახურდიას პერიოდში იყო სწორედ იმის მცდელობა, (არანაკლებ მახინჯი ფორმით) როდესაც ხელისუფლებამ სცადა ხალხის უკმაყოფილების გამოყენება, რომელიც ე.წ. ელიტის წინააღმდეგ. ყოველივე ამან ძალიან მძიმე შედეგები მოგვიტანა მაშინ. მე იმედი მაქვს, რომ ეს პროცესები იმდენად ღრმად არ განვითარდა რომ წარმოშობილიყო კლასობრივი ზიზდი, მაგრამ ეს გამქრალი რა თქმა უნდა არ არის.

თუ გვინდა რომ მშვიდობიანი გზებით მოხდეს სოციალური ცვლილებები, მაშინ საქართველო აღარ უნდა იყოს ის ქვეყანა, რასაც დღეს წარმოადგენს – მმართველმა კასტამ უარი უნდა თქვას იმ პრივილეგიებზე, რაც გააჩნიათ. თავისით ისინი ამას არ გააკეთებენ. ერთადერთი შანსი იმაში მდგომარეობს, რომ ეს სისტემა იხუთება, ის ვერ მუშაობს. შესაძლოა ეს გახდეს წინაპირობა იმისა რომ მმართველმა კლასმა მოახდინოს რაღაცებების გადახდვა. წინააღმდეგ შემთხვევაში საძარცვი აღარ დარჩება არაფერი. ჩემი ხედვა იმაში მდგომარეობს, რომ ჩემი ძალიან დიდი დრო დავკარგეთ და კიდევ ერთხელ გადაიდო ამ ქვეყნის ნორმალურ ქვეყანად

ჩამოყალიბება. შეიძლება ისტორიის ამ მონაკვეთში ეს ჩვენი უკანასკნელი შანსი იყოს. რადგანაც არსებობს ქვეყნები რომლებიც ათწლეულებს ატარებენ სისხლისღვრაში და არაფერი იქ არ რეგულირდება. ჩემი აზრით დიდი შეცდომაა იმის ფიქრი, რომ სადღაც ვიღაცას ვჭირდებით, რომ ნავთობსადენი გადაგვარჩენს და ა.შ. ეს არის მხოლოდ ქვეყნის განვითარებისთვის ხელშეწყობი პირობა. თუ თვითონ საქართველო და მისი მოქალაქეები ვერ მივლენ იქამდე რომ შეთანხმდნენ თუ როგორი უნდა იყოს ეს ქვეყანა, თუ რა არის ღირებული, სხვაგან ეს საკითხები ვერ და არ გადაწყდება.

მე მგონია რომ ყველაფერი მიდის იმისაკენ, რომ ჩამოყალიბდეს ახალი ტიპის პოლიტიკური ფილოსოფია, რომელიც არც მემარჯვენე იქნება, არც მემარცხენე, რადგანაც იმ გაგებით პოლიტიკური კონფლიქტი რომელიც არსებობდა მემარჯვენეებსა და მემარცხენეებს შორის თუნდაც 30 წლის წინ ადარ არის ამდენად აქტუალური. მაგრამ ჩვენს წინაშე ბევრად უფრო მარტივი პრობლემები დგას, ადამიანის ღირსება, მისი უფლებები, თანასწორუფლებიანობა. ეს ისეთი იდეებია რაზეც კამათი ადარ მიმდინარეობს. მხოლოდ ამის მოგვარების შემდეგ არის შესაძლო ფიქრი ისეთ საკითხებზე რაც მწვავედ დგას განვითარებულ ქვეყნებში.

სათუნა სანიკიძე, ფსიქოლოგი-კონფლიქტოლოგი:

პირველ რიგში აქცენტი უნდა გაკეთდეს ძირითადი სოციალური მოთხოვნილებების დაკმაყოფილებაზე. როდესაც საზოგადოების დიდი ნაწილი დარჩენილი არის ყოველგვარი სოციალური უზრუნველყოფის გარეშე და ვერ ხერხდება მოთხოვნილებების დაკმაყოფილება ვერანაირ დონეზე ყოველთვის იარსებებს იმის კერა, რომ რაღაცამ გამოიწვიოს აგრძესია და კონფლიქტური სიტუაციები. შესაბამისად მოთხოვნილებების დაკმაყოფილება და პრობლემების მოგვარება უზრუნველყოფს კონფლიქტის თავიდან აცილებას. პირველ რიგში უნდა არსებობდეს სოციალური უსაფრთხოების განცდა, რადგან საზოგადოება აბსოლუტურად დაუცველია და ყველაფრის ეშინია. ასევე ცვლილებები უნდა განხორციელდეს განათლების სისტემაში - განათლების სისტემა ადაპტირებული უნდა იყოს საზოგადოების მოთხოვნებზე. უნდა არსებობდეს იმის საშუალება, რომ საზოგადოებამ მიიღოს განათლება იმ ფორმით, როგორითაც თვლის საჭიროდ, ამ შემთხვევაში განსაკუთრებით ახალ-გაზრდებზე მაქვს ლაპარაკი.

ხელფასების გაზრდა რა თქმა უნდა აუცილებელია, მაგრამ ამის გარდა საერთოდ დასაქმების პრობლემა არის მოსაგვარებელი, რადგანაც საზოგადოების ყველაზე ჯანსაღი და აქტიური ნაწილი, რომელ-საც გააჩნია ფუნქციონირების მოთხოვნილება თვითრეალიზაციას ვერ ახდენს, შესაბამისად ეს ადამი-ანები იმუხტებიან უარყოფითი ემოციებით, ვითარდება აგრძესია რაც დამატებით პრობლემებს წარმოქნის.

მე მთის მწვერვალზე ვიყავი

მასალა მოამზადა ია მერკვილაძე

დღევანდელი ტრავმირებული ქართული საზოგადოება პერმანენტული სტრესებითა და გადაუწყვეტელი პრობლემებით „დახუნძლული“ შეეგება ახალ ათასწლეულს. კრიმინალურ-კორუფციული და პოლიტიკურ-სოციალური ბატალიებით გადაღლილს, ბუნებრივია არ ახსენდება, რომ მსოფლიოს ამ ბატალიების მოგვარების ალტერნატიული გამოცდილებაც აქვს. გზა, რომელიც არაძალადობას, ტოლერან-ტობას და ადამიანთა შორის ადამიანური თუ ღვთიური კავშირის არსებობას მოიცავს. ეს არ არის ფანტაზმი. ეს ადამიანის მიერ შექმნილი რეალობაა. თუმცა სასტიკი კანონზომიერებაც არაა ფანტაზმი. ამგვარ არაორდინალურ

ადმიანებს ... კლავენ.

მაჰათმა განდი, მარტინ ლუთერ კინგი... ეს ის პიროვნებებია, რომელთა შინაგანი სამყარო ვერ, თუ ჯერ ვერ „მოერგო“ პლანეტის მკვიდრთა გონსა და გულს. რამდენად გრძნობს დღევანდელი ადამიანი ცნების „გიყვარდეს მტერი შენი“ აუცილებლობას? მარტინ ლუთერ კინგის სულისკვეთებიდან რა შეიძლება გადმოვიტანოთ ქართულ სინამდვილეში? როგორ აღვიქამთ დღევანდელი სიტუაციიდან გამომდინარე, ჩვენ, ქართველები ლიბერალიზმს, პოლიტიკურ ლიდერობას, ადამიანთა უფლებების უზენა-ესობას? რა არის სამართლებრივი სახელმწიფო? არის თუ არა კრიზისი საქართველოს „ჩვეულებ-რივი“ მდგომარეობა?

ამ და სხვა საკითხებზე საინტერესო დისკუსია გაიმართა „კონფლიქტებისა და მოლაპარაკებების საერთაშორისო კვლევითი ცენტრის“ ბაზაზე შექმნილ კლუბ „აკორდში“.

„აკორდის“ პირველი აკორდი სწორედ მარტინ ლუთერ კინგის დაბადების დღეს მიეძღვნა (19 იანვარი). ამ ადამიანს თანამემა-მულენი „პირველ ამერიკულ წმინდანს“, „მსოფლიოს საჩუქარს“, ტერმინ „ძვირფასი საზოგადოების“ დამამკიდრებელს და იდეურ წინამძღოლს უწოდებენ. სწორედ მისი ცხოვრების და ტრაგიკული აღსასრულის შესახებ გვიამბო სპეციალურად ამ დღისთვის მოწვეულმა სტუმარმა, ამერიკელმა პროფესორმა ბ-ნ ჯონ ჰიკიმ.

მსმენელები და დისკუსიაში მონაწილენი კი გახლდათ არასამთავრობო ორგანიზაციების, მასმედიის წარმომადგენლები. ისინი, ვინც დღეს საზოგადოების სიჯანსაღის პულსს ადევნებენ თვალყურეს.

* * *

მარტინ ლუთერ კინგმა საინტერესო ცხოვრება განვლო საეკლესიო მსახურიდან შავკანიანთა ლიდერადე, ნიცშესა და მარქსის თეორიების კრიტიკიდან ქრისტესა და განდის „ლიტურგიამდე“. იგი იმ პიროვნებათა (ვაშინგ-ტონი და ლინკოლნი) სამეულშია, რომელთა დაბადების დღეს ნაციონალურ დღესასწაულად აღნიშნავენ ა.შ.შ.-ში.

ყველაფერი კი იქიდან დაიწყო, რომ იგი მღვდელმსახურად მონტგომერიში ჩავიდა. ვერც კი წარმოიდგენდა, რომ ნებსით თუ უნებლიერ მოხვდებოდა ისეთ კრიზისულ მდგომარეობაში, სადაც არაძალადობრივი წინააღმდეგობის მეთო-დის გამოყენება მოუხებოდა. იგი მაშინ 26 წლის გახლდათ...

* * *

შავკანიანი ქალის - როზა პარკსის უარმა ავტობუსით მგზავრობისას ზანგისთვის „განკუთვნილ“ ადგილას, ტრანსპორტის უკანა ნაწილში გადასულიყო, რათა თეთრკანიანისთვის ადგილი დაეთმო, საპროტესტო აქციების მთელი ტალღა ააგორა. რაისისტების მიერ იგი დაპატიმრებულ იქნა. ამას კი გაფიცები და ქალაქის ეკონო-მიკური პარალიზება მოყვა. ხალხმა კინგი „მოიხმო“, რათა ამ მოძრაობას სათავეში ჩადგომოდა...

შეძლო კი მან თავისი ნანატრი „ძვირფასი საზოგადოების“ შექმნა? ერთი კია, რომ სოკრა-ტეს, პლატონის, პეგელის, თომას აკვინელის, განდის, წმინდა ავგუსტინეს იდეებით ნასაზრდო-ები ადამიანი მთელი არსით ჩაერთო თავისი ოცნების განხორციელებაში. ოცნება კი გახლდათ ის, რომ შავკანიანებსა და თეთრკანიანებს თანაბარი უფლებები ჰქონოდათ... რომ ადამიანები თავიანთ მაზის სტერეოტიპებს შეწინააღმდეგებოდნენ... რომ ღარიბებსა და მდიდრებს შორის თანასწორუფლებიანობა დამკვიდრებულიყო... „დაბრმავებული“ ხალხისთვის

მშვიდობიანი დაუმორჩილებლობის საშუალებით თვალი აეხილა. თავად იგი წერდა: „განდი, ალბათ, ადმიანთა ისტორიაში პირველი იყო, ვინც ქრისტეს მორალური სიყვარული პიროვნებათა შორის ურთიერთქმედებაზე გადაიტანა და ფართომაშტაბიან ეფექტურ სამოქმედო ძალად აქცია. განდისთვის სიყვარული ყველაზე ძლიერმოქმედი იარაღი გახლდათ სოციალურ-კოლექტიური ცვლილებების განსახორციელებლად. სწორედ სიყვარულისა და არაძალა-დობის განდისეულ გააზრებაში მე ვიპოვნე სოციალური გარდაქმნების მეთოდი. ვიპოვე ის, რასაც დიდიხანია ვეძებდი“...

ოცდაცხრამეტი წლის ასაკში კინგი მოკლეს. მოკლეს მაშინ, როცა მორიგი სამშვიდო-ბო პროტესტისათვის ემზადებოდა. მან იცოდა, რომ მის სიცოცხლეს საფრთხე ემუქრებოდა, მაგრამ ხალხს განუცხადა, რომ ამ „წვრილმანს“ არსებითი მნიშვნელობა არ ჰქონდა. „მე მთის მწვერვალზე ვიყავი და არაფერს ვნანობ... მეც მინდა დიდხანს სიცოცხლე, მაგრამ ახლა ეს ნაკლებად მაღელვებს. მე უფლის ნების შესრულება მინდა. მან კი მწვერვალზე ასვლის უფლება მომცა. მე მიმოვიხედე და ნანატრი მიწა დავინახე... მე არაფრის მეშინია...“

რამდენიმე საათის შემდეგ იგი მოკლეს...

რობერტ კენედიმ, რომელმაც ორ თვეში კინგის ტრაგიკული ბედი გაიზიარა, ამერიკე-ლებს აუწყა: „კინგის სიკვდილი სამუდამო სისხლიან ლაქად დარჩება ჩვენს მიწაზე. ჩვენ უნდა შევეცადოთ ამ ადამიანს მთელი გულითა და გრძნობით გავუგოთ. იქნებ შევძლოთ ადამიანური სიგიჟის მორჯულება და სრულყო-ფილ სამყაროში ცხოვრება...“

* * *

„მე ვერასოდეს ვერ შევეგუებოდი ინდივიდუალური თავისუფლების შეზღუდვას. ახლაც დარწმუნებული ვარ, რომ ადამიანი წარმოადგენს მიზანს, რომ იგი - ღვთის ქმნი-ლებაა. ადამიანი კი არ არის შექმნილი სახელმწიფოსთვის, არამედ სახელმწიფო - ადამიანისათვის. წართვა ადამიანს თავისუფლება - ეს იმას ნიშნავს, რომ იგი საგნად აქციო... ადამიანს არასოდეს არ უნდა მოეპყრო, როგორც სახელმწიფოს მიზნების ასრულების საშუალებას. ადამიანი თავადაა მიზანი.“

„განდის შესწავლისას მე აღმოგაჩინე, რომ ნამდვილი პაციფიზმი არის ბოროტებისადმი არშეწინააღმდეგება კი არა, არამედ ბოროტებისადმი არაძალადობრივი შეწინააღმდეგება. ამ ორ პოზიციას შორის მნიშვნელოვანი განსხვავებაა. განდი ბოროტებას მთელი ენერგიითა და ძალით ებრძოდა, მაგრამ იგი ეწინააღმდეგებოდა არა სიძულვილით, არამედ სიყვარულით. ნამდვილი პაციფიზმი არის სიყვარულის ძალით ბოროტებასთან შეწინააღმდეგება, რომელიც ემყარება იმას, რომ სჯობს ბოროტება აიტანო, ვიდრე თავად იყო ბოროტების წყარო“.

„მოდით, ვიყოთ რეალისტები და ვიკით-ხოთ: როგორ შევიყვაროთ ჩვენი მტრები?

უპირველეს ყოვლისა, ჩვენ ჩვენში პატი-ების გრძნობა უნდა განვავითაროთ. მას, ვისაც პატიება არ შეუძლია, არც სიყვარული შესწევს.

პატიება ეს არ არის იმის იგნორირება, რაც გაკეთდა ან ბოროტების სიკეთედ წარდგენა. უფრო სწორედ ეს იმას ნიშნავს, რომ განხორცი-ელებული ბოროტება ამიერიდან აღარ წარმოადგენს ურთიერთობის დამყარების ბარიერს. პატიება - ეს არის კატალიზატორი, რომელიც ქმნის იმ ატმოსფეროს, რომელიც აუცილებელია ახალი ნაბიჯების გადასადგამად, ახალი ცხოვრების დასაწყებად.“

„რადგანაც არაძალადობის ფილოსოფია მნიშვნელოვან როლს ასრულებს, უპრიანი იქნებოდა

ამ კონცეფციის შინაარსი მოკლედ მიმოვინილოთ.

პირველი: უნდა აღვნიშნოთ, რომ არაძალადობის პოლიტიკა - ეს არ არის ლაჩარ-თა გზა. ეს არის წინააღმდეგობა. თუ ვინმე ამ მეთოდს იმიტომ იყენებს, რომ ეშინია ან არ აქვს საშუალება ძალადობას მიმართოს, ეს კიდევ არ ნიშნავს ჭეშმარიტ არაძალადობას.

შემთხვევით არ ამბობს განდი, რომ თუ სილაჩრე ძალადობის ერთადერთი ალტერნატივაა, სჯობს ვიბრძოლოთ. განდის გაცნობიერებული ჰქონდა, რომ არსებობს სხვა ალტერნატივაც: არც ერთი ადამიანი თუ ადამიანთა ჯგუფი არ უნდა მოიქცეს უსინდისოდ, სამართლიანი საქმისათვის ძალადობას არ უნდა მიმართოს, რადგანაც არსებობს არაძალადობის გზა.

ეს ძლიერი ადამიანების გზაა. ეს არ არის უმოქმედო პასიურობის გზა. ფრაზას „პასიური წინააღმდეგობა“ ხშირად არასწორად იგებენ და მას „სრულ უმოქმედობად“ აღიქვამენ, როცა ადამიანი ბოროტებას შშვიდად ეგუება. ამავე დროს არაფერი არაა ისე შორს სიმართლი-სგან, როგორც ეს ფრაზა. არაძალადობრივი წინააღმდეგობის მიმდევარი იმ სახითაა პასიური, რომ იგი ფიზიკურ ძალადობას არ მიმართავს თავისი მოწინააღმდეგების მიმართ, მაგრამ მისი ტვინი და ემოციები აქტიურია. იგი გამუდმებით ექცევს გზას, რათა დაარწმუნოს მოწინააღმდეგე იმაში, რომ იგი არ იქცევა სწორად. თუ ამ მეთოდში არ არის ფიზიკური აქტიურობა, სამაგიეროდ არის უზარმაზარი სულიერი მუხტი.

მეორე: რით ხასიათდება არაძალა-დობრივი პოლიტიკა? - ეს არის მოწინააღმდეგე ძალის შეურაცხყოფის გამორიცხვა. მიზანი ის კი არ არის, რომ მოწინააღმდეგე გაანადგურო, არამედ ის, რომ მისი სიყვარული და თანაგრძნობა დაიმსახურო. ამ პოლიტიკის მომხრეებს თავიანთი პროტესტი შეუძლიათ გამოხატონ ბოიკოტით ან თანამშრომლობაზე უარის თქმით. მაგრამ თავად ეს მოქმედებები არ წარმოადგენენ თვითმი-ზანს. ისინი მოწინააღმდეგის მხარეში სირ-ცხვილის გრძნობის გამოწვევას ცდილობენ. ნამდვილი მიზანი კი ცოდვის გამოსყიდვა და შერიგებაა. არაძალადობის საბოლოო მიზანია - ღირსეული საზოგადოების შექმნა, მაშინ როცა ძალადობა ტრაგედიასა და სასოწარკვეთილებას შობს.

მესამე: ამ პოლიტიკის თვისებაა ის, რომ მოქმედება ბოროტი ძალების წინააღმდეგაა მიმართული და არა ამ ბოროტების მატარებელი ადამიანების წინააღმდეგ. არაძალადობა ებრძვის ბოროტებას და არა მის მსხვერპლთ, ანუ იმ ადამიანებს, რომლებიც ამ ბოროტებას ატარებენ. მე მინდა ვუთხრა მონტგომერის მცხოვრებთ: „თქვენი კონფლიქტის ფესვებია არა სხვადასხვა ფერის კანის მქონე ადამიანების დაპირისპირება, არამედ უსამართლობის და სამართლიანობის, სიბრძლის და სინათლის დაპირისპირება“.

მეოთხე: ამ პოლიტიკას ახასიათებს ის, რომ შენ შეგიძლია ტანჯვა ისე მიიღო, რომ დარტყმას დარტყმით არ უპასუხო. არაძალადო-ბითი წინააღმდეგობის მომხრე პირობებით შექმნილ ძალადობას იღებს, მაგრამ არასოდეს არ ბადებს ძალადობას. განდი წერდა: „ყველაზე მნიშვნელოვანი ცხოვრებაში მიიღწევა არა მარტო ჯანსაღი აზრით, არამედ ტანჯვით“. და შემდეგ: „ტანჯვა უფრო ქმედითი საშუალებაა, ვიდრე შეცემო მოწინააღმდეგი ჯუნგლების კანონით შეცვალო.“

მეხუთე: ამ პოლიტიკის მახასიათებელია ის, რომ იგი გამორიცხავს არა მარტო ძალადობას გარედან, არამედ შინაგან ძალადობა-საც. არაძალადობის მომხრე არა მარტო უარყოფს თავისი მოწინააღმდეგის ფიზიკურ განადგურებას, არამედ მის სიძულვილზეც ამბობს უარს. ამ პოლიტიკის ქვაკუთხედი სიყვარულია.

მეექვსე: არაძალადობა ამტკიცებს, რომ მსოფლიოს წესრიგი სამართლიანობას ეყრდნობა. აქედან გამომდინარეობს მომავლის რწმენა, მსოფლიოს აღმშენებლობის სული. არა აქვს

მნიშვნელობა, თუ რა სახით არსებობს იგი. მაგრამ ეს აღმშენებლობითი ძალა რეალობის განცალკე-ვებულ ელემენტებს ჰარმონიულ მთლიანობად გარდაქმნის.

* * *

რა შეგვიძლია ჩვენ, საქართველოს მოქალაქეებმა ჰარმონიულ მთლიანობას შევძინოთ? ჩვენი კულტურა და ცნობიერება საკმაო რესურსს გვაძლევს ამისათვის.

შევძლებთ თუ არა?

ეს თითოეული ჩვენთაგანის გადასაწყვეტია.

ქალის და მამაკაცის სხეული XX საუკუნის პერსაექტივიდან

ნანა ბერეკაშვილი

საკუთარი სხეულის მიმართ ადამიანი ყოველთვის განსაკუთრებულ ინტერესს იჩენდა. სელოვნებათმცოდნებს თუ ვერწმუნეთ, მსოფლიო სახვითი ხელოვნების ისტორიაში ადამიანის სხეული საერთო ჯამში ყველაზე ხშირად გამოსახული ობიექტია.

ამავე დროს კაცობრიობის თითქმის მთელი ისტორიის მანძილზე ხელოვნების შემქნელები და მომხმარებლებიც ძირითადად მამაკაცები იყვნენ. რისი გამოსახვა სურდათ, ან არ სურდათ, რისი ეშინოდათ?

თუმცა სხეულებრივი განსხვავებები სქესთა შორის სრულიად ობიექტურია და თვალნათლივი. წარმოდგენები ქალებსა და მამაკაცებს შორის განსხვავებებზე ეფუძნება არა მარტო ანატომიას, არამედ სოციალურ და მასთან დაკავშირებულ ფსიქოლოგიურ ფაქტორებსაც. სხეული, ასევე სიმბოლოა და რაღაც თვალსაზ-რისით „კონსტრუირებული“, ანუ შექმნილი და მოგონილი ობიექტია. ამ კონსტრუქტს ქმნის ყოველი კონკრეტული საზოგადოება თავისი იდეოლოგიის, რელიგიური წარმოდგენების, მოდის, ცხოვრების წესის, იერარქიის და მსგავსი მახასიათებლების საფუძველზე.

გავიხსნოთ, რამდენჯერ შეიცვალა სხეული თუნდაც XX საუკუნის მანძილზე: დროისა და მოდის მოთხოვნების შესაბამისად იცვლებოდა ადამიანების სიმაღლე, ფორმები, თა-ვის ქალა, სახის ნაკვთები. დღევანდელი ქართველი ახალგაზრდა ცოტათი თუ ჰგავს ოციანი წლების ქართველს. იაპონელი ერთ ორმოცი წლის განმავლობაში 30 სანტიმეტრით გაიზარდა.

საზოგადოების მოთხოვნის ანუ „შეკვეთის“ მიხედვით იჭრება ახალი სხეული და ეს ცვლილებები ვერ აიხსნება მხოლოდ საკვების, რა-დიაციის თუ გენეტიკის ოინების საშუალებით.

ამავე გზით საზოგადოება აყალიბებს სქეს-თაშორის გენდერულ განსხვავებებსაც. გენდერი სქესის სოციალური ეკვივალენტია. სქესი დღეს მხოლოდ ბიოლოგიურ კატეგორიას აღნიშნავს. იგი თანდაყოლილია, ხოლო გენდერი ანუ თვისება, როლი, სტატუსი და სქესთან ასოცირებული სხვა ნიშანი კონსტრუირდება, და თანაც ყველა საზოგადოებაში - სხვადასხვანაირად.

ხდება ისეც, რომ ის, რაც ერთ კონკრეტულ საზოგადოებაში სქესისთვის დამახასიათებლად

და ნორმად ითვლება, სხვა საზოგადოებაში მეორე სქესისვის დამახასიათებლად შეიძლება ჩაითვა-ლოს. მარგარეტ მიდი, გამოჩენილი ანტროპო-ლოგი, 40-იან წლებში გაკვირვებული დარჩა, როცა აღმოაჩინა ახალ გვინეაზე ტომი, რომელშიც სქესთან დაკავშირებული ნიშნები და ქცევები ჩვენთვის ჩვეულის სრულიად საწინა-აღმდევო იყო: ქალები იყვნენ საქმიანები, მოქნი-ლები, მოკრძალებულად ეცვათ, ორგანიზებულად და ეფექტურად მუშაობდნენ. მამაკაცები იხატე-ბოდნენ, იპრანჭებოდნენ, როგორც „ჩვენი მაღალი საზოგადოების ქალები“, ჭორაობდნენ, ჭირვეუ-ლობდნენ. ისინი საქმისგან თავისუფლები იყვნენ და მათ მთავარ საზრუნავს ქალებისთვის თავის მოწონება წარმოადგენდა.

ასეთი მაგალითები ბევრია და ისინი სწორედ იმ ფაქტის ილუსტრაციაა, რომ გენდერი არ არის მუდმივი კატეგორია და რომ ადამიანთა წარმოდგენებზე უფროა დამოკიდებული, ვიდრე ბიოლოგიაზე. ადამიანის სხეულიც კი, რომელიც თვალსაჩინოა და დაკვირვებადი, მანც ექცევა გენდერის ანუ კონსტრუირებული შეხედულების გავლენის ქვეშ. მაგალითად, ქალისა და მამაკაცის სხეულების გარშემო, მათი განსხვავებების გარშემო ყოველთვის მრავალი მითი და ცრუ-რწმენა არსებობდა. ისინი აისახებოდა მისტიურ შიშში, აკრძალვებში და სპეციალურ რიტუა-ლებში... დღესაც, ზოგიერთი ტრადიცია და რელიგია კრძალავს სხეულის ცალკეული ნაწილების გამოჩენას. მრავალ კულტურაში გავრცე-ლებულია სხეულის ნაწილების დამახინჯების პრაქტიკა...

უნდა აღინიშნოს, რომ ჩვენს სამყაროში, სადაც მრავალი საუკუნე მამაკაცის თვალსაზრისი ბატონობდა (ამას მეცნიერებაში ანდროცენტრიზმს უწოდებენ, სიტყვიდან „ანდრ“ - მამაკაცი) ქალი და ქალის სხეული აღიქმებოდა როგორც „სხვა“ და არა „მე“, როგორც ობიექტი და არა სუბიექტი, როგორც მამაკაცური ეტალონიდან გადახვევა. თავისი სხეულის კონსტრუირებაში ქალი არ იღებდა მონაწილეობას. ის მხოლოდ პასიური „შემსრულებელი“ იყო. სხვისი თვალით დანახუ-ლი ქალი კი, ცხადია, მნელად შესაცნობია. ხშირად გაიკონებთ გამოთქმას – ქალი საიდუმ-ლოა, მაგრამ ვისთვის არის იგი საიდუმლო? ცხადია, არა თვით ქალისთვის, არამედ იმისთვის, ვინც კაცობრიობის სახელით გამოდიოდა და სინამდვილეში მხოლოდ მისი ერთ-ერთი ნახე-ვარია. ამიტომ ქალის სხეულის გაგებაში ბევრი ბუნდოვანებაა, მითები ერევა ბიოლოგიას და ბიოლოგია ერევა სოციალურ მოთხოვნებს.

ქალის და მამაკაცის სხეულებზე წარ-მოდგენების ისტორიაში ცნობილია ორი განსხვა-კებული თვალსაზრისი ანუ მოდელი: ცალსქე-სიანი მოდელი გვთავაზობს იმ აზრს, რომ ორი სხვადასხვა გენდერი – ქალური და მამაკაცური – თავის საფუძველში ერთსა და იმავე სქესს გულისხმობს. ორსქესიანი მოდელი კი იმ აზრიდან ამოდის, რომ ქალი და მამაკაცი იმთა-ვითვე განსხვავებული და ურთიერთშემავსებელი არიან. საინტერესოა, რომ ცალსქესიანი მოდელი უფრო დიდი ხნის განმავლობაში და ფართოდ იყო გავრცელებული.

ძველი ბერძნების წარმოდგენებში ქალი მამაკაცის შემცირებული ასლია. ამასთან ის, რაც მამაკაცს გარედან აქვს, ქალის სხეულის შიგნით არის მოთავსებული. მაგალითად საშვი-ლოსნო - პენისის ეკვივალენტია, მენსტრუაცია - ეკულაციის. იმას, რაც არ გააჩნდა მამაკაცს და გააჩნდა ქალს, უბრალოდ იგნორირებას უკეთებდნენ. საკვერცხებს, რომლებიც XIX საუკუნიდან ქალურობის სინონიმად გადაიქცა, ადრე საკუთარი სახელიც კი არ ჰქონდა. XVII საუკუნემდე ევროპაში ანატომებს არ გააჩნდათ საშოს აღმნიშვნელი სიტყვა. ყველაფერი მამაკაცური მოდელის მიხედვით იგებოდა და მოიაზრებოდა. იგი უფრო სრულყოფილად მიიჩ-ნეოდა.

საზოგადოებრივ ცხოვრებაში, სადაც მამაკაცები შეუზღუდავად ბატონობდნენ ცალს-ქესიანი მოდელი იმას უჩვენებდა, რაც ისედაც ცხადი იყო მთლიანი კულტურიდან: ყველაფრის საზომი მამაკაცია, ხოლო ქალი, როგორც ცალკე კატეგორია არ არსებობს. იგი უბრალოდ

უფრო ნაკლები, რაღაცების არმქონე, სუსტი, უუნარო, მაგრამ იგივე კატეგორიის არსებაა. ადამიანის სხეულის ეტალონი კი მამაკაცის სხეულია.

მე XVIII საუკუნიდან, ქალებსა და მამაკაცებს შორის განსხვავებების ხაზგასმა იდეოლოგიურად მნიშვნელოვანი გახდა. აქა იქ უკვე „საშიშად“ გაიქცერა ქალთა თანასწორობის თემამ. ამიტომ გახდა საჭირო ახლი თეორია, რომელიც გააძართლებდა სქესთა შორის არსე-ბულ სოციალურ, უფლებრივი და სტატუსურ განსხვავებებს... და ცალსქესიანი მოდელი ორსქესიანი მოდელით შეიცვალა. ამ მოდელის მიხედვით ყველაფერი ქალური და მამაკაცური აბსო-ლუტურ წინააღმდეგობაშია ერთიმეორესთან. ეს ყველა სქესობრივ ნიშნებზე ვრცელდება. ახალა-ხანს ამერიკაში გამოსულ წიგნში „ჩონჩხის ისტორია“, ნაჩვენებია თუ როგორ გამოისახებოდა სხვადასხვა დროში და კულტურებში ადამიანის ჩონჩხი. XVIII საუკუნემდე ანატომები მამაკაცის და ქალის ჩონჩხის ერთნაირად ხატავდნენ, ოღონდ ქალის ჩონჩხი ზომით უფრო პატარა იყო (ცალსქესიანი მოდელი). XVIII საუკუნის გამო-სახულებებში ჩონჩხები იმდენად განსხვავებულად გამოიყურება, რომ ვერც კი მიხვდებით ეკუთვნის თუ არა ორივე ადამიანს. მამაკაცის „ათლეტური“ ჩონჩხი გამოისახება ღირსეულ პოზებში, ხოლო ქალის ჩონჩხი, განუვითარებელი ძვლოვანი სისტემით, გამოისახება მოკრძალებულ პოზაში, დაფარული აქვს უზერხული ადგილები და თავზე ლამაზი ქუდიც კი ახურავს.



პ. პიკასო. „სკულპტორი და მიდელი“

მამაკაცურობის მთავარი პრინციპი შემდეგია: მამაკაცი არ უნდა გავდეს ქალს, ის ყოველთვის და ყველგან უნდა რჩებოდეს სუბიექტად და მდგომარეობის ბატონ-პატრონად. მამაკაცის სხეული ძირითადად ორი მეტაფორის სახით გამოისახებოდა: როგორც ძალაუფლების და ძალის სიმბოლო ან როგორც სიღამაზის და სიამოვნების სიმბოლო - ყველა შემთხვევაში, მისი სხეული მოძრავი და აქტიური უნდა ყოფილიყო.

ქალი (განსაკუთრებით ევროპულ ხელოვ-ნებაში) პასიურ პოზაშია და თავისი მიმზიდველი სიშიშვლის დემონსტრაციას ახდენს პოტენციური მაყურებლის - მამაკაცის წინაშე.

ამდენად, ქალის სხეულზე „შემკვეთი“ და მისი „მომხმარებელი“ - ყველა დროში მამაკაცი იყო. ხოლო მამაკაცის ერთ-ერთი შეკვეთა კი მდგომარეობდა იმაში, რომ ქალის სხეული არ გამხდარიყო მისი კონკურენტუნარიანი. სხეული, რომელსაც უქნებოდა თავისუფლების, ძალაუფ-ლების და სუბიექტად გახდომის ატრიბუტები და შესაბამისად პრეტენზია, მას არ აწყობდა. ქალის სხეული სხვადასხვა მოდიფიკაციებით, მაინც ყოველთვის იჭრებოდა იმ თარგზე, რომ შეექმნა და შეენარჩუნებინა ქალისთვის არასრულ-ფასოვანის, სხვაზე დამოკიდებულის, სუსტის, დაუცველის, მაგრამ ამავე დროს ესთეტიკური და ფიზიკური სიამოვნების მომნიჭებელის სახე. ამიტომ ქალის სხეულის სასურველი ატრიბუტები იყო: წვრილწლილიანი, განიერი მენჯით, დამ-რეცი მხრებით, მამაკაცზე საგრძნობლად დაბალი, დიდი მუცლით (სასურველია ორსული), ფომ-ფლო, თეთრი. ამას ემატებოდა მოძრაობის შეზღუდვი და მოუხერხებელი ტანისამოსი, არა-სტაბილური ფეხსაცმელი, როული ვარცხნილობა და მძიმე სამკაული. ასე კონსტრუირებული ქალის სხეული ძალიან მოგებიანი იყო მამაკაცისთვის. მას შეეძლო წარმატებით შეესრულებინა რეპ-როლუქციული და მომსახურეობითი ვალდებულებები. ის აკმაყოფილებდა გარკვეულ სექსუალურ „ესთეტიკას“ და სექსუალურად მიმზიდ-ველად მიიჩნეოდა. და, რაც მთავარია, რადიკა-ლურად განსხვავდებოდა მამაკაცისგან. ამგვარად მოაზრებულ სხეულს ბუნებრივია თან ახლდა მითები მის (ქალის) უუნარობაზე მთელ რიგ ფიზიკურ, ინტელექტუალურ და სულიერ საქმი-ანობებში: მისთვის დახურული იყო საზოგადო-ებრივი სფეროები, დახურული იყო უნივერსიტეტები და ხელოვნების სფეროები, რომ არაფერი ვთქვათ პოლიტიკაზე და რელიგიაზე. სპორტი უკანასკნელ დრომდე ქალებისთვის უწესო და მძიმე საქმიანობად ითვლებოდა (თუმცა სახლში ქალი ყოველგვარ მძიმე სამუშაოს ასრულებდა). წარმოიდგინეთ კრანახის, ტიციანის ან რუბენსის ქალები ამგვარი „სერიოზული“ საქმეში: მაგალი-თად, უნივერსიტეტის კათედრაზე, პოლი-ტიკური დებატების დროს ან თუნდაც უბრალოდ, მარტოდ მოსიარულე! მართლაც დიდი ხანი არაა, რაც ქალმა დამოუკიდებლად გადაადგილების უფლება მოიპოვა. მისი სხეული იმდენად არასრულ-ყოფილად იყო წამოსახული, რომ ყოველ წუთში შეიძლებოდა გული წასვლოდა, ფეხი ელრძო, წაქცეულიყო და ვერ ამდგარიყო, ვერ მოეხერხებინა სწრაფი რეგარება, ვერ გარკვეულიყო სიტუაციაში და ხიფათისგან თავი ვერ დაქსნა. აი ასეთი არასანდო სხეული უბობა ქალს პატრიარქალურმა სამყარომ.

შეიძლება გვევიქრა, რომ სამაგიეროდ მამაკაცის სხეული კონსტრუირდებოდა ქალის მიერ. ხომ ბუნებრივია, რომ თუ სხეულისთვის მნიშვნელოვანია სქესობრივი მიმზიდველობა, იგი პირველ რიგში მეორე სქესის ინტერესებს აკმა-ყოფილებდეს. მაგრამ ასე არ ხდებოდა. სინამდ-ვილეში ქალებს მრავალ კულტურაში მამაკაცის ყურებაც კი ეკრძალებოდათ. ყურება, მზერა სტატუსური კატეგორიაა. ყურება და შეხება სოციალური პრივილეგიაა უფროსისა უმცროსის მიმართ. ქალი კი, ყოველთვის, ან თითქმის ყოველთვის „უმცროსებში“ გადიოდა. კაცს შეეძლო ეყურებინა, დამტკბარიყო, შეხებოდა, (კიდევ უფრო მეტიც ექნა) და გამოესახა ქალი. პირიქით შეუძლებელი იყო. ქალ მხატვრებს უკანასკნელ დრომდე ეკრძალებოდათ მამაკაცის სხეულის გამოსახვა. XIX საუკუნის საფრანგეთში ქალები არ დაიშვებოდნენ სამხატვრო აკადემიაში. მიზე-ზად მოჰყავდათ ან მათი უუნარობა ზიარებოდნენ მაღალ ხელოვ-ნებას, ან უწესობა, ან კიდევ უფრო სასაცილო არგუმენტი - მათი რეპრო-დუქციული უნარების დაქვეითება. ყველაზე ხშირად კი გაიგონებდით, რომ წესიერი ქალი არ უნდა უყურებდეს შიშველ მამაკაცს.

სინამდვილეში ზრუნავდნენ არა იმდე-ნად ქალის უმანკოებაზე, რამდენადაც მამაკაცი - ნატურის მდგომარეობაზე, რომელიც ქალის მზერის ქვეშ უსუსური ხდებოდა. ასეთივე სიტუა-ცია იყო ანატომიის გავეთილებთან დაკავშირებით.

მამაკაცის სხეულის ეტალონებს ისევ მამაკაცი ქმნიდა. პრინციპი იგივე იყო: მამაკაცი მაქსიმალირად არ უნდა ჰქავდეს ქალს. იმის შიში, რომ არ გამოიყურებოდეს ქალურად

კარგად აისახება მამაკაცის სილამაზის კრიტერიუმებშიც. „ნამდვილი მამაკაცი“ ოდნავ უხეშია, ის არ ზრუნავს იმაზე, რომ თავი მოაწონოს სხვას. ლამაზი მამაკაცის მამაკაცურობა ეჭვს იწვევს. ზოგიერთი ავტორი საერთოდ ერიდებოდა მამაკაცის სილამაზეზე საუბარს.

ინგლისურ ენაში მამაკაცის და ქალის სილამაზე და მიმზიდველობა სხვადასხვა სიტყვით გამოიხატება. თუ მამაკაცის დასახასიათებლად გამოიყენებთ სიტყვა “Beautiful”-ს, ეს ორაზროვნად და შეურაცმყოფელადაც კი გაიჟღერს.

როგორც ვთქვით, მამაკაცის სხეული მამა-კაცების მზერითვე იგებოდა, რომელიც თავისი ბუნებით კონკურენტული და არაეროტულია. ხშირად მამაკაცის სხეული ეტალონები არამიმზიდველი, და შემაშინებელიც კია. მაგრამ მიუხედავად იმისა, რომ მრავალი საუკუნის განმავლობაში ინერგებოდა კუნთებდაბერილი მონსტრის იდეალი, კვლევები უჩვენებს, რომ რეალური ქალი ლამაზ, მგრძნობიარე, მზრუნველ თავის მსგავსს და თავისთვის გასაგებ მამაკაცს ანიჭებს უპირატესობას.

დავუბრუნდეთ ქალის სხეულს. როგორც ავლნიშნეთ, იგი მამაკაცის მზერისა და სურვილი-სამებრ ყალიბდებოდა. მაგრამ XX საუკუნემ მოიტანა ახალი პერსპექტივა ქალის სხეულის ხედვაში. ქალთა უფლებების გაფართოებამ, ქალის საზოგადოებრივი ფუნქციების შეცვლამ, სხვადასხვა პოლიტიკურმა და ეკონომიკურმა კოლიზიებმა ქალის სხეული გამოანთავისუფლა მამაკაცთა აზრის ერთპიროვნული დიქტატისგან. მას გაუჩნდა ილუზია, რომ მისი სხეული მასვე ეკუთვნის. ქალმა მიმართა თვით-რეფლექსიას და მრავალ ცრურწმენებს ფარდა ახადა. მან აღმოაჩინა, რომ მისი სხეული საკმაოდ მოხერხ-ებულია და მოძრავი, ის თვისებები, რომლებიც მიეწერებოდა მას და ბუნებრივად მიიჩნეოდა, გენდერული სტერეოტიპები აღმოჩნდა. სამოცი-ანმა წლებმა, რომლებიც თვისეუფლებისა და თვითგამოხატვის თვლსაზრისით უპრეცენდენტოა, მოიტანა სხეულის ახალი კონცეფცია. გრძელ-ფეხა, ვიწრომენჯიანი, მხარგაშლილი, ნავარ-ჯიშები და მზედაკრული ქალის სხეული ისეთივე ნორმა გახდა, როგორც მისი სრულიად საწინა-აღმდევეო რამდენიმე ათწლეულის წინ. ქალის სხეული მართლაც მიუახლოვდა „ოქროს ეტალონს“ - მამაკაცის სხეულს. აღმოჩნდა, რომ განსხვავება ქალისა და კაცის სხეულებს შორის ხელოვნურად იყო უტრირებული. ეს უტრირება სიმბოლურ ფუნქციას ასრულებდა, ემსახურებოდა მამაკაცთა აზრის ბატონობას და მისი უპირატესობის ჩვენებას. ცვლილებების ოპონენტები მიიჩნევენ, რომ ქალის სხეულმა დაკარგა „ქალურობა“, იგი ისე კარგად ვეღარ შეასრულებს თავის „ძირითად დანიშნულებას“ - რეპროდუქციის ფუნქციას. ესეც ერთ-ერთი გავრცელებული მითია. მიუხედავად ოპონენტების შეშფოთებისა, „ახალი ქალი“ ისევე წარმატებულია რეპროდუქციის უნარში და უფრო გამძლეც. უბრალოდ ხდება ის, რომ ქალს სურს თვითონ განაგოს თავისი სხეული და შესაბამისად მისი ერთ-ერთი ფუნქცია რეპროდუქცია, საბოლოო პერსპექტივაში ქალი თვლის, რომ მისი სხეულით მრავალსაუკუნოვან მანიპულაციას ბოლო უწდა მოედოს. ჰყავდეს თუ არა ბავშვი და როდის - ეს აღარ შეიძლება იყოს მამაკაცების საჯარო განხილვის საგანი ან რელიგიური თუ ტრადიციული ტაბუების ობიექტი. ასევე არ შეიძლება ქალის სხეული გახდეს ვაჭრობის, სექსუალური ექსპლუატაციის, მასობრივი ინფორმაციის საშუალებების ტირაჟის გაზრდის ან ნებისმიერად გაგებული მოხმარების საგანი.

სამწუხაროდ, დღევანდელი მასობრივი ინფორმაციის საშუალებები, განსაკუთრებით რეკლამა და მოდა ქალის სხეულს ახალ კაბა-ლაში აგდებს. ეს ინდუსტრიები ტრადიციულად მამაკაცთა ხელშია. მამაკაცი კვლავ ქმნის ქალის სხეულის ეტალონებს ბაზრის მოთხოვნების შესაბამისად. დღეს მას სხვა ნიშნები აქვს. დღეს იგი მოქნილია და მზედაკრული, მაღალი და წვრილი, მარგამ კვლავ ობიექტი და კვლავ კონსტრუირებული. ქალის სხეული ვერ ეღირსა თავისთავადობას. ეს ჯერ მხოლოდ მამაკაცებისათვის დასაშვები ფუფუნებაა.

თვალსაზრისები

მოამზადა ნათია კურულაშვილმა

მიგელ დარსი დე ოლივერა

“CIVITUS” აღმასრულებელი კომიტეტის თავმჯდომარე, აშშ.

- რას ნიშნავს სამოქალაქო საზოგადოება?

სამოქალაქო საზოგადოება წმინდა იხსენიება როგორც “შესამე სექტორი”. სახელმწიფოს სამოქალაქო საქმიანობისაგან განსხვავდებით, ის ნებაყოფლობითია. დემოკრატიულ საზოგადოებაში მისი დანიშნულებაა უზრუნველყოს კავშირი სახელმწიფოსა და მოქალაქეებს შორის.

მოქალაქები, რომლებიც სხვადასხვა კულტურული ჯგუფის წევრები არიან, იკრიბებიან, ერთიანდებიან და თანამშრომლობენ იმისათვის, რომ განხორციელდეს და მიღწეული იქნას ბედნიერების ძიებისათვის სამართლიანი და თავისუფალი პირობები.

- რა სახის სტრუქტურებისაგან შედგება სამოქალაქო საზოგადოება?

სამოქალაქო საზოგადოება შედგება ყველა ტიპის ნებაყოფლობითი კავშირებისაგან. ესენია: ეკლესიები, სამეზობლო ორგანიზაციები, კომუნალური კარტიები, ინტერეს-ჯგუფები, სოციალური მოძრაობები, საქველმოქმედო დაწესებულებები და ოჯახები.

- რა კავშირია სახალხო პოლიტიკასა და სამოქალაქო საზოგადოებას შორის?

სახალხო პოლიტიკა უფრო მეტს ნიშნავს, ვიდრე კანონის მორჩილება, არჩევნებში მონაწილეობის მიღება და გადასახადების გადახდა. სამოქალაქო პოლიტიკას ქმნიან აქტიური მოქალაქეები, რომლებიც მოქმედებენ, რათა მოიპოვონ მეტი კონტროლი საზოგადოებრივი მდგომარეობის გასაუმჯობელებლად. საზოგადოება არ არის უზენაესობის წმა, არამედ იგია რეალური და საჭირო პოლიტიკური ძალა.

საღამი, რომელიც მონაწილეობს სახალხო პოლიტიკაში, სისტემებს ცვლის. ეს ცვლილება პირადი ინიციატივის გააქტიურებით მიღიღწევა და პოლიტიკის შეზღუდვით. მოქალაქეების მიერ პოლიტიკის შეზღუდვა ნიშნავს, რომ ისინი კონტროლს უწევენ მთავრობის მიერ გატარებული პოლიტიკის ეფექტურობას და აქტიურად ერთვებიან პოლიტიკურ პროცესებში. თუკი ერთ პიროვნებას შეუძლია შეცვალოს სისტემის მუშაობა, ხალხი ვალდებულია იმოქმედოს, რათა არ მოექცეს გავლენის ქვეშ.

* * *

ტომას ბრიჯის

ფილოსოფიის მეცნიერებათა პროფესორი, მინსტკურისის სახელმწიფო უნივერსიტეტი, აშშ.

- რა როლი აქვს ოჯახს სამოქალაქო კულტურაში?

სამოქალაქო კულტურა არის ურთიერთშემავსებელი ცნება; ის შედგება სხვადასხვა კულტურებისაგან. მასში მონაწილეობენ მოქალაქეები რომელებსაც უკვე ჩამოყალიბებული აქვთ მსოფლიო და მიზნები. საზოგადოების, გარემოს მორალური სტანდარტები, რომელსაც ისინი ეკუთვნიან და რომელშიც ცხოვრობენ. საზოგადოების მორალური იდეალების გავლენა პიროვნებაზე იწყება დაბადებისთანავე, ოჯახურ გარემოში. არ უნდა დაგვავიწყდეს, რომ ოჯახი გარკვეული ეთნოსის, კლასის ან რელიგიური ჯგუფის ნაწილია. სწორედ ოჯახურ გარემოში შემძილი ღრმებულებები განსაზღვრავს პიროვნების ჩამოყალიბების პროცესს, მიზნებსა და მსოფლმშედველობას.

იმისათვის რომ პიროვნება გახდეს სამოქალაქო კულტურის სრულყოფილი წევრი, აუცილებელია ისწავლოს პატივისცემა სხვათა მიმართ. ეს მიშნავს, რომ მოქალაქეები უნდა აღიქვამდნენ ერთმანეთს თავისუფალ და თანასწორ პიროვნებებად, ინდივიდუალ. მათ შორის არ უნდა არსებობდეს ეროვნული, რელიგიური ან სხვა სახის სტერეოტიპები. სამოქალაქო კულტურაში მონაწილე მოქალაქეები უნდა შეადგენდნენ ერთ მთლიანობას. ამ დაუნაწევრებელ მთლიანობად ჩამოყალიბიბა ხდება მხოლოდ სამოქალაქო საზოგადოების შექმნის პროცესის გავლის შემდეგ. სამოქალაქო გარდაქმნა არის პიროვნული მისწრაფებებისა და თვითშეგნების გარდაქმნა.

ერთობლივი მუშაობის დროს, ნებისმიერ პიროვნებას უნდა შეეძლოს დროებით გვერდზე გადადოს მისი სტერეოტიპები, ტრადიციები და მსოფლმშედველობა. იგი უნდა მოერგოს იმ ჯგუფურ, საზოგადოებრივ მორალს ვისთანაც მუშაობს და პატივი სცეს თითოეული მინაწილის ეროვნულ თვითშეგნებას და ტრადიციებს, რომელიც ასე განსხვავდება ერთმანეთისგან.

* * *

რანდა სლიმ

საერთაშორისო სამოქასაქო საზოგადოების პრევრამების დირექტორი, “Kettering Foundation”, აშშ.

- რა კავშირია სამოქალაქო საზოგადოებასა და დემოკრატიას შორის?

დღეს ძალიან მნიშვნელოვანია მოქალაქეების გააქტიურება. ეს დემოკრატიის არა მარტო გადარჩენის, არამედ მისი ეფექტურობის გარანტიაც იქნება. ხალხი უკვე აცნობიერებს, რომ მარტო დემოკრატიული პოლიტიკური წყობილება საქმარისი არ არის დემოკრატიული სახოგადოების ჩამოსაყალიბებლად. ასეთი სახოგადოების აშენებისათვის საჭიროა პასუხილმგენელობით სავსე, აქტიური მოქალაქეები. ამის გარეშე, მსოფლიოში უკვე მიღწეული სოციალური, პოლიტიკური და ეკონომიკური რეფორმები დიდი ხანი ვერ იარსებებს.

- რომელ პოლიტიკურ პროცესებში უნდა ჩაერიოს მოქალაქეები?

მოქალაქეთა აქტიურობა ახლა უფრო საჭიროა ვიდრე ოდესმე. ხელისუფლება უკვე ვეღარ შეძლებს მოქალაქეებთან პქონდეს „პატრონ - ქვემევრდომული“ დამოკიდებულება. მოქალაქეებმა თავად უნდა იმოქმედონ საზოგადოებრივი ინტერესების დასაცავად. ინფორმაციული რევოლუცია და ტექნოლოგიური მიღწევები სწრაფად გადაგვაქცევს გლობალურ სახელმწიფოდ, სადაც მოქალაქეები თავს ვეღარ გაიმართლებენ იმით, რომ ეს კონკრეტული საკითხი მათ არ ეხებათ და ამიტომ არ ერევიან პოლიტიკურ პროცესში. ისინი ვალდებული არიან ყველა საკითხი გაითავისონ და მის გადაწყვეტაში მონაწილეობა მიიღონ.

- რას ნიშნავს სათათბირო მეთოდი სამოქალაქო საზოგადოებაში?

ეს მეთოდი ფართოდ გამოიყენება ამერიკაში. ყოველ წელს ათასობით მოქალაქე იკრიბება ადგილობრივ საზოგადოებებში, სამ ან ოთხ საკითხზე სათათბიროდ, რომელიც უროვნული მნიშვნელობისაა. მონაწილეები საუბრობენ სახალხო პოლიტიკის საკითხებზე სპეციალისტის დახმარებით. ასეთი „სათათბირო მეთოდის“ შემოღებაში დიდი წვლილი მიუძღვის „ეტტერინგ ოუნდატიონ“-ს, რომელიც არის ამერიკის ერთ-ერთი წამყვანი კვლევითი ინსტიტუტი სამოქალაქო ორგანიზაციების ტრენინგის სფეროში. ინსტიტუტი ხელს უწყობს „სათათბირო მეთოდის“ განვითარებას. მათ მიაჩნიათ რომ ეს საშუალებას აძლევს მოქალაქეებს იმოქმედონ, ითანამშრომლონ ერთად, არა როგორც ცალკეულმა პიროვნებებმა, არამედ როგორც ერთიანმა საზოგადოებამ.

* * *

სარა მელენდეზ

არაკომერციული ორგანიზაციების, ფონდების და კორპორაციების უროვნული გაერთიანება “INDEPENDENT SECTOR”-ის პრეზიდენტი.

- რა როლი აქვს არაკომერციულ სექტორს სამოქალაქო საზოგადოებაში?

არაკომერციული სექტორის ცდილობს ხალხს დაეხმაროს სხვადა სხვა სფეროში. მათი დახმარება მრავალმხრივია; ეს შეიძლება იყოს როგორც სოციალური უფლებების დაცვა, ასევე ახალგაზრდათა აღზრდის პროცესში მონაწილეობა ან გარემოს დამცავი ღონისძიებების გატარება. არაკომერციული სექტორი ყურადღებას აქცევს ხალხის გაჭირვებას კონკრეტულად იმ შემთხვევაში, როდესაც ხელისუფლებას არ შეუძლია ან უბრალოდ არ ცდილობს ამაში მონაწილეობის მიღბას და მდგომარეობის გამოსწორებას. ეს არის სამოქალაქო საზოგადოებაში მათი საქმიანობის შინაარსი.

როგორ შეიძლება დაიცვას არაკომერციულმა სექტორმა პიროვნება?

ამ სექტორში მოქმედი ორგანიზაციები უსუსურ ადამიანებს საკუთარი ძალების რწმენის სთანერგვა უნდათ, რათა გააღვიძონ მათი პირადი ინიციატივა და ამ გზით აქტიურ მოქალაქეებად გარდაქმნან. შედეგად ეს ხალხი სახალხო პოლიტიკაში აქტიურად ჩარეთვება და შექმნის გავლენიან ჯგუფს, რომელთა მოღვაწეობაც საზოგადოებისათვის სასარგებლო მიზნებს მოემსახურება.

- რა მონაწილეობას იღებს არაკომერციული სექტორი ახალგაზრდობის აღზრდაში?

არაკომერციული სექტორი დაინტერესებულია ახალგაზრდობის ამ სექტორში ჩართვით. ეს განპირობებულია იმით, რომ ამ სფეროში მოქმედი ორგანიზაციების ეფექტურობა სწორედ მიღლიონობით მოხალისეთა ერთობლივ მუშაობასა და თანამშრომლობაზეა დამოკიდებული. ნებაყოფლობით სამოქალაქო ინიციატივას მოზარდები ოჯახში უფლებიან, ხოლო საზოგადოებრივ ღონისძიებებში მშობლების მონაწილეობა მათთვის მაგალითია. ა.შ.შ.-ს ეროვნული გაერთიანების ფონდის “INDEPENDENT SECTOR”-ის მიერ ჩატარებულმა გამოკვლევამ ორი საინტერელო ფაქტი დაადგინა. 1. ის მოზარდები, რომლებიც ადრეული ასაკიდანვე ოჯახის, სკოლის, რილიგიურ ან ახალგაზრდული ჯგუფის საქმიანობებში მონაწილეობენ, სხვებთან შედარებით უფრო სრულყოფილ მოქალაქეებად ჩამოყალიბდებიან. ისინი ზრდასრულ ასაკშიც გააგრძელებენ საზოგადოებრივ საქმიანობას. 2. ახალგაზრდები,

რომლებმაც ოჯახურ გარემოში, მშობლებთან ურთიერთობის დროს ისწავლეს ქველმოქმედება, რაიმეს აღება და გაცემა, მათი მანაწილეობის სურვილი და აქტიურობა მონაწილეობა მიიღონ მოხალისეთა ჯგუფებში, აუნაზღაურებელ საზოგადოებრივ საქმიანობაში უფრო მაღალია.

უკვე რამოდენიმე წელია, რაც ა.შ.შ.-ს მრავალ სკოლაში მოხალისეთა დახმარების პროგრამა ხორციელდება. პროგრამა გულისხმობს შემდეგს: სტუდენტები ნებაყოფლობით, აუნაზღაურებლად მუშაობენ სხვადასხვა სახოგადოებრივ დაწესებულებებში (ბიბლიოთეკება, საბავშვო ბაღი, მოხუცთა საერთო საცსოვრებელი და ა.შ.) და შემდეგ განმარტავენ, თუ რა სასარგებლო შეიძინეს მათ ამ პროგრამიდან.

ამ პროგრამის მიზანია წარმატებული და პუმანური მოქალაქეების აღზრდა. ისეთი პიროვნებების ჩამოყალიბება, რომლებიც ცხოვრებას არა მარტო ბუნებრივად მინიჭებულ უფლებად, არამედ პასუხისმგებლობადაც აღიქვამენ. ამის შედეგი სამოქალაქო საზოგადოებისა და დემოკრატიის განმტკიცება იქნება.

- რა დამოკიდებულებაა არაკომერციულ სექტორსა და ხელისუფლებას შორის?

ხელისუფლება არ ერევა არაკომერციული სექტორის საქმიანობაში და არ ზღუდავს მის თავისუფლებას. ხელისუფლება არ განსაზღვრავს იმ საკითხებსა და პრობლემებს, რომლებზეც ეს ორგანიზაციები დამოქალაქეები მუშაობენ. ის ვერც კონკრეტული საკითხის გადაჭრის ვარიანტებს შეიმუშავებს. ეს ჩაურევლობა და თავისუფლება ორგანიზაციებისათვის აუცილებელია თავისი საქმიანობის ნაყოფიერი განხორციელებისათვის. სხვა პირობებში ვერ მოხერხდება ხალხის სათანადო დაცვა და პრობლემის გადაჭრა. დრო და დრო ეს ხელისუფლების კრიტიკას და გავლენის გავრცელებას, ჩარევის მცდელობას იწვევს. სიტყვისა და გაერთიანებების გარანტირებული თავისუფლება, რომელიც ადამიანის უფლებების ნაწილია, ორგანიზაციებს ამგვარი ჩარევის მცდელობისაგან იცავს და სწორედ ეს უწყობს ხელს არაკომერციული სექტორის მნიშვნელოვან მიღწევებს მთელი მსოფლიოს მასშტაბით.

გამონათქვამები მშვიდობისა და სამართლის შესახებ

“ღმერთო, მოჰედე ტანჯულთა,
უშველე, შაიწყალეო!
კარგი კარგია მაინცა, -
ბეჩავი შაიყვარეო!
ტანჯულთა ლოცვა-მუდარა
გულს ვარდად დაიყარეო!
თუ არ უშველი, საწყლების
სულები მიიბარეო!..
გეყო მაგდენი მუქარა,
ღრუბელი გადიყარეო!”

ვაჟა-ფშაველა, “სტუმარ-მასპინძელი”

“ჩვენი ძირითადი რწმუნა ყოველ-თვის ისა ყოფილა და არის, რომ ერის წარმატება, ქონებრივი თუ გონებრივი შესაძლებელია მხოლოდ მაშინ, როცა ერი წოდებათა დაუ-ყოფელად, დიდპატარაობის გაურჩევლად და გამოუკლებლივ ერთიანის მეცადინეობითა და გარჯით ჰცდილობს ცხოვრების გზა გაიკალოს და ბურთი ბედისა გაიტანოს წუთისოფლის მოედნიდამ ყველამ ერთად და საყოველთაოდ. ცალ-ცალკე წევა ცხოვრების უღლისა, ცალ-ცალკე ხვნა და მკა, ცალ-ცალკე თლა ღხინისა თავისაკენ და ჭირისა სხვისაკენ, მარტო თავის-თავის ხსოვნა და სხვისი დაგიწყბება მომაგვ-დინებელია კაცთა საურთიერთო ცხოვრებისა და საცა ეგ ურთიერთობა არ არის, იქ არც იგი კრებულია, რომელსაც ერი ჰქვიან.

ტყუილად პფიქრობენ, ვითომც კაცთა ურთიერთობაში შესაძლებელი იყოს რომელმამე წოდებამ ცალკე ბინა გაიკეთოს, ცალკე ინტერე-სები შემოიღობოს, შემოიფარგლოს და ამით რაიმე ხეირი და სიკეთე ჰნახოს საბოლოოდ. ამისთ ნა წყობა და აგებულება საზოგადოებისა, თუ ერისა დიდხანს თავს ვერ დაიჭერს და, ვითარცა ქვიშაზე აგებული სახლი, პირველ ქარის შემობერვაზედვე დაიფუ-შება. ამისი მაგალითი და საბუთი ისტორიაში ერთი და ორი არ არის. ქვეყნაზედ მარტო იმ ერს გაუძლია, მარტო იმ ერს გამოუტანია თავი ათას გვარ განსაც-დელისგან, მარტო იმ ერს წარუმატნია და გაძლიერებულა, რომელსაც თავის დროზედ შეუტყვია და მოუგნია, რომ ერთის რომელსამე წოდე-ბის წინ წაწევა არაფრის მაქნისია, თუ დანარჩენი ერიც წინ არ წაწეულა, პირიქით, ერთის წოდების წინ წაწევა დანარჩენის უკან დაწევა მოჰყოლია.”

ილია ჭავჭავაძე, “წოდებათა თანასწორობა”

არაძალადობის ფიცი

“არ არის საკმარისი მხოლოდ ცოცხალი არსების სიცოცხლის წართმევაზე უარის თქმა. ის ვინც არაძალადობას შეჰქიცებს, ვალდებულია რომ არ მოკლას ისინიც კი, ვიზეც იგი ფიქრობს რომ არ არიან სამართლიანნი; იგი არ უნდა იყოს გაბრაზებული მათზე, მას უნდა უყარდეს ისინი; მაშასადამე, ის ყოველთვის შეეწინა-აღმდეგება მშობლების, მთავრობების ან სხვათა ტირანიას, მაგრამ არასდროს მოკლავს ან მიაყენებს ტკივილს ტირანს. არაძალადობისა და სიმართლის მიმდევარი გამოიყენებს სატიაგრაპას ტირანიის წინააღმდეგ და ტირანს მოუგებს ბრძო-ლას სიყვარულით; ის არ დაჰყვება ტირანის ნებას და მიიღებს დას-ჯას თუნდაც სიკვდილის სახით ტირანისადმი დაუმორჩილებლობისათვის. ეს გაგრძელდება მანამ, სანამ ის არ გაიმარჯვებს ტირანზე”

მაპათმა განდი, “სატიაგრაპაშრამას წესები”

“ნამდვილი მშვიდობა - ეს არა უბრა-ლოდ დაძაბულობის არქონაა, ნამდვილი მშვიდობა - ეს მშვიდობაა, სადაც სამართლიანობა და მმობა მეფობს”.

მართინ ლუთერ კინგ ჯუნიორი

“ანგელოზს ეჭირა გრძელი პერგამენტი,

მწუხარე თვალებით მიწას დაჰყურებდა.
მშვიდობით, მშვიდობით! ამაოდ დაგენდე,
ელვარე საღამოვ ალმას საყურეთა!
ბაგეთა ლოცვაო, დიდება და ძეგლო,
უთუოდ მახსენებ ოდესმე.. ოდესმე!
გრალის კოშკები, ლიდიის სამრეკლო
შენს ფეხრთქვეშ დაიმსხვრა და გლოვა მომესმა.
ოპ! როგორ გაფიტრდა ცოურთა თანადი
ოცნება, ნახაზი საგანთა უარით,
ღრუბელი ფერადი და ალვა ტანადი,
რომელსაც აზიის ცით გადაუარეთ.
ანგელოზს ეჭირა გრძელი პერგამენტი
და ფოთლებს ისროდა სიფიტრე ბარათის.
ამაოდ დაგენდე, და ჩვენ ერთმანეთი
ამაოდ გვინდოდა! მშვიდობით მარადის!”

გალაკტიონ ტაბიძე

“მშვიდობა არ გულისხმობს ომის არარსე-ბობას, არამედ ის არის სიქველე, ადამიანის არსების ისეთი მდგომარეობა, რომელიც განწყობილია ხელგაშლილობის, დარწმუნებისა და სამართლისაკენ”.

ბარუხ სპინოზა

“პრობლემების გადაჭრის პროცესები და კონფლიქტების პროვენციის პოლიტიკა არის ის ელემენტი, რომელიც აკლია ჩვენს მიერ ნახსენებ არაადეკვატურ და კრიზისში მყოფ, ჩავარდნილ სისტემებს.
ასეთი პრობლემების გადაჭრა ყველა იდეოლოგიურ კონცეფციაზე ზემოთ დგას. ის არც “შემარჯვენეა” და არც “შემარცხენე”. ის მიესადაგება ნებისმიერ სისტემას, და ეს არის ის პროცესი და ფილოსოფია, რომელიც ყველა სისტემას აერთიანებს”

ჯონ ბარტონი

“ სწორედ სიცოცხლის დაცვისთვისაა, რომ ჩვენს მოქალაქეებს ჯარში ვიწვევთ. ჩვენი მოქალაქეების სიცოცხლის დაცვისათვის ჩვენ ვსარჯავთ უდიდეს სახსრებს თვითმფრინავებსა და ტანკებში, და აგრეთვე სხვა ტიპის იარაღებში. და მიუხედავად ამ უდიდესი დანახარჯებისა, ჩვენ მაინც ვერ ვახერხებთ ჩვენი მოქალაქეებისა და ჯარისკაცების სიცოცხლის დაცვას. მთელს მსოფლიოში მოფენილი სამხედრო სასაფლაოები უსიტყვო მტკიცებაა ადამიანის სიცოცხლის დაცვის საქმეში ეროვნულ ლიდერთა სრული უსუსურობისა.

ადამიანის სი-ცოცხლის განწმენდის მხოლოდ ერთი რადი-კალური გზა არსე-ბობს. ეს რადიკა-ლური გზა არის ნამ-დვილი მშვიდობა.”

იცხაკ რაბინი

“მირეული მოთხოვნილებები გვეხმარება იმაში რომ ვუპასუხოთ იმ კითხვას თუ რატომ არის კონფლიქტები ასეთი რთული და ასე გაგრ-ძელებული, ასეთი ძირეული და ასეთი შეუვალი. პასუხი მეტად მარტივია: რადგანაც ეს მოთხოვ-ნილებები ბევრად უფრო ძირეულია, ვიდრე ძირი-თადი მიზნები, ღირებულებები და ინტერესები”.

იოჰან გალტუნგი

ვინც ახშობს მშვიდობიან რევოლუციას, გზას უხსნის ძალმომრეობას.

ჯონ ფიცჰერალი კენედი

“მხოლოდ ერთი რამის თქმა მინდა: მიეცით მშვიდობას შანსი”

ჯონ უინსტონ ლენონი

დემოკრატია თუ კონსტიტუციური ლიბერალიზმი

რუსუდან მშვიდობამე

დასრულდა XX საუკუნე. ადამიანები ცდილობენ გასული ასწლეულის მნიშვნელოვანი მოვლენები შეაფასონ. მოვლენები, რომლებმაც პროგრესული როლი ითამაშა კაცობრიობის განვითარების ისტორიაში. ჩამონათვალი, ალბათ, საზოგადოების მიერ განვლილ გზასავით გრძელი იქნება. სხვა მოვლენებს შორის ამ სიაში ერთ-ერთი წამყვანი ადგილი დემოკრატიის აღზევება-საც ეკუთვნის.

დემოკრატიული მმართველობის ფორმებ-ზე დღეს ბევრს კამათობენ. ჩვენ გვინდა წარმოგიდგონოთ ორი თვალსაზრისი, რომლებმაც ამ ბოლო დროს თავი იჩინა და ჩვენი აზრით, დემოკრატიის ახლებურ გაზრებას წარმოადგენს. ეს თვალსაზრისები ეკუთვნის ნობელის პრემიის ლაურეატს ამარტია სენსა და პოლიტოლოგ ფარიდ ზაქარიას.

დემოკრატიის იდეა, რა თქმა უნდა, ძველ საბერძნეთში ჩაისახა, მაგრამ მისი, როგორც მმართველობის სისტემის საბოლოო ჩამოყალი-ბებაზე, მრავალმა ფაქტორმა იქნია გავლენა: „მაგნა ქარტამ“, საფრანგეთისა და ამერიკის რევოლუციებმა, მე-19 საუკუნეში საარჩევნო უფლებების გაფართოებამ. მაგრამ მხოლოდ XX საუკუნეში მოხდა დემოკრატიის საყოველთაოდ მიღებულ, მმართველობის „ნორმალურ“ ფორმად გადაქცევა. საყოველთაო არჩევნებიც მხოლოდ XX საუკუნეში გახდა შესაძლებელი. მართლაც, „საყოველთაო“ მონაწილეობა ყველამ მიიღო: ქალმაც და კაცმაც. სწორედ XX საუკუნეში დაიბადა დემოკრატიის მომავლის უნივერსალური ფასეულობის იდეა, რაც ამარტია სენის აზრით, დემოკრატიისათვის ერთ-ერთი უმნიშვნელოვანეს ცნებას წარმოადგენს. რაში მდგომარეობს ეს იდეა?

XIX საუკუნეში ჩვეულებრივი მოვლენა იყო მსჯელობა იმაზე, თუ რამდენად მზად არის ესა თუ ის ქვეყანა დემოკრატიული წყობის გასათავისებლად. XX საუკუნეში თვით საკითხის ასე დასმის სისწორე ეჭვქვეშ დააყენა. ქვეყანას დემოკრატიის მისაღებად მზადყოფნა არ მოეთხოვება. დემოკრატიულ წყობას თავად მოაქვს ქვეყნისათვის დადებითი შედეგები. ამის გაცნობიერება ძალზე მნიშვნელოვანი იყო დემოკრატიის უნივერსალურ ღირებულებად ცნობისთვის. თუმცა ჯერ კიდევ ბევრი წინააღმდეგობა დარჩა გადასალახი.

რას ეყრდნობა ის, ვინც დემოკრატიული სისტემის უნივერსალობის იდეას ეწინააღმდეგება?

პირველ რიგში საკმაოდ გავრცელებულ შეხედულებას, რომ არადემოკრატიული სისტემები უფრო ეფექტურია ეკონომიკის განვითარებისათვის. თუმცა, ავტორის აზრით, არც ზოგადი სტატიისტიკური სურათი იძლევა ამის საფუძველს და არც არანაირი სისტემური ემპირიული შესწავლა არ მიანიშნებს იმაზე, რომ არსებობს ძირეული განხეთქილება პოლიტიკური უფლებების დაცვასა და ეკონომიკურ წარმატებებს შორის. პირიქით, ის „ხელშემწყობი ღონის-ძიებები”, რომლებიც ქვეყნის ეკონომიკურ ზრდას განაპირობებენ, სწორედ დემოკრატიული მართველობისათვის არის დამახასიათებელი. ეს პირობებია: კონკურენცია, საერთაშორისო ბაზარზე გასვლა, სახელმწიფოს მიერ ინვესტი-რებებისა და ექსპორტის სტიმულირება, მიწის რეფორმა, განათლების მაღალი დონე.

ეკონომიკური და სოციალური კატას-ტროფების თავიდან აცილება სწორედ დემოკრატიული მმართველობის დროს არის შესაძლებელი, რადგანაც იგი ხალხს სიტყვისა და ინფორმაციის თავისუფლების დაცვის პირობებში საშუალებას აძლევს საზოგადოების ყურადღება უმნიშვნელოვანების საკითხებზე გაამახვილოს და მოითხოვოს შესაბამისი ზომების მიღება.

კიდევ ერთი საბუთი, რომელიც დემოკრატიის, როგორც უნივერსალური ღირებულების წინააღმდეგა მიმართული, არის „კულტურათა განსხვავებულობის” არგუმენტი. აქ კველაზე ცნობილია თეზისი “აზიურ ფასეულობათა” შესახებ. ამტკიცებენ, რომ აზიულები ტრადიციულად უფრო მეტ პატივს სცემენ წესრიგსა და დისციპლინას, ვიდრე პოლიტიკურ უფლებებს და პიროვნების თავისუფლებას. ამ მოსაზრებას მხარს უჭირს ის თეზისიც, რომ თითქოს „დასავლეთის ძირითადი მახასიათებელი, რაც მას სხვა ცივილიზაციებისაგან განასხვავებს, ქონილობიურად წინ უძღვოდა დასავლეთის მოდერნიზაციის პროცესს” და ამ მახასიათებლად დემოკრატიული მმართველობაა მიჩნეული.

„კულტურათა განსხვავებულობის” არგუ-მენტი არ გამოდგება დემოკრატიულ ღირებულებათა უნივერსალურ ფასეულობად გამოცხა-დების საწინააღმდეგო საბუთად, თუნდაც იმიტომ, რომ დემოკრატიული მმართველობის ის არაქ-ტიკა, რაც დღესდღეობით თანამედროვე დასავლეთშია გაბატონებული, ძირითადად, განმანათ-ლებლობის ეპოქისა და ინდუსტრიული რევოლუციის შედეგად მიღებულ კონსენსუსს ეყრდნობა და მან ფაქტიურად XX საუკუნეში იჩინა თავი.

დემოკრატიის უნივერსალური ფასეულობა მის მრავალფუნქციურობაშიც ვლინდება. ადამიანთა ცხოვრებაზე დემოკრატიის დადებითი ზემოქმედების სამი ასპექტი შეიძლება გამოვყოთ:

- პოლიტიკური თავისუფლება, რაც ზოგადად ადამიანის თავისუფლების უშუალო შემადგენელი ნაწილია. პოლიტიკური და სამოქალაქო უფლებების გამოყენება პირდაპირ კავშირ-შია პიროვნების, როგორც სოციალური არსების, კეთილდღეობასთან. ამგვარ თანამონაწილეობას პოლიტიკურ და სამოქალაქო პროცესებში თავისთავადი ღირებულება აქვს, რადგან საზოგადოებრივი ცხოვრებისაგან ჩამოცილება ერთი უმძიმესი აკრძალვათაგანია

ინდივიდუ-მისათვის.

- გამოყენებითი მნიშვნელობა. დემოკრატიული წყობა საშუალებას აძლევს ხალხს გამოხატოს და გაიტანოს კიდეც საკუთარი მოთხოვნები.
- კონსტრუქციული მნიშვნელობა. საკუთარი შეხედულებებისა და მოთხოვნების ირგვლივ გამართული თავისუფალი დისკუსია საშუალებას აძლევს საზოგადოებას საკუთარი ფასეულობანი და მიზნები ჩამოიყალიბოს.

* * *

ჩვენ შევეხეთ იმ პრობლემებს, რაც ამარტია სენის აზრით, დემოკრატიის უნივერსალურ ღირებულებაზე პრეტენზიას უკავშირდება. ეს მოიცავს მის თავისთავად ფასეულობას ადამიანთა არსებობისათვის, მის გამოყენებით როლსა და კონსტრუქციულ ფუნქციას. ეს ყველაფერი არ არის რეგიონალური ხასიათის. აქედან გამომ-დინარე დემოკრატიას ალტერნატივა არ გააჩნია.

მართლაც დემოკრატიის, როგორც სახელმწიფოებრივი მოწყობის საუკეთესო ფორმაზე დღეს ნაკლებად კამათობენ. დისკუსიის საგანი, როგორც ზევით აღვნიშნეთ, არის ხოლმე დემოკრატიული მმართველობის ფორმები. კერძოდ, რას უნდა მიეკუთვნოს უპირატესობა: კონსტიტუციურ ლიბერალიზმს თუ ჩვეულებრივ დემოკრატიას?

სწორედ მეორის სასარგებლოდ წყვეტს საკითხს ფარიდ ზაქარია, თუმცა მისივე თქმით, განსხვავების დანახვა ამ ორ ფორმას შორის მნელი აღმოჩნდა, რადგან მთელი საუკუნის განმავლობაში დასავლეთში დემოკრატია ლიბერალური დემოკრატიის სინონიმი იყო. მისი მახასიათებელი იყო არა მარტო თავისუფალი და სამართლიანი არჩევნები, არამედ კანონის უზენაესობა, ძალაუფლების დაყოფა, სიტყვისა და სარწმუნოების თავისუფლება და საკუთრების ძირითად თავისუფლებათა დაცვა.

ფარიდ ზაქარიას აზრით, დემოკრატიის ზემოთ ჩამოთვლილ მახასიათებელთა ნაკრებს კონსტიტუციური ლიბერალიზმი შეიძლება ვუწოდოთ. თეორიულად და ისტორიულად იგი განსხვავდება დემოკრატიისაგან. თუმცა პოლიტი-კური თავისუფლებისა თუ ეკონომიკური პოლი-ტიკის დოქტრინა შეიძლება ემთხვეოდეს დემოკრატიის გამოჩენას, მაგრამ არ არის მისგან განუყოფელი.

დემოკრატიული მმართველობების ნაირსა-ხეობათა დიფერენციაციის აუცილებლობა განსაკუთრებით გაიზარდა ბოლო წლებში. რამ გამოიწვია ეს?

დღეს მსოფლიოში 193 ქვეყნიდან 118 დემოკრატიულია. დემოკრატიის უნივერსალურ ფასეულობად აღიარების ფონზე ეს ფაქტი სასიხარულო უნდა იყოს, მაგრამ თანდათან მატულობს დემოკრატიის სამომავლო განვითა-რებასთან დაკავშირებით შეშფოთება. ავტორის აზრით, ეს გამოიწვია სამხრეთ ცენტრალურ ევროპაში, აზიაში, აფრიკაში და ლათინურ ამერიკაში სწრაფად გავრცელებულმა მრავალ-პარტიული არჩევნების შედეგებმა.

საყოველთაო დემოკრატიული არჩევნების შედეგად ქვეყნის სათავეში მოვიდნენ პოპულა-რული ლიდერები, რომლებიც ქვეყანას მართავენ საპრეზიდენტო ბრძანებულებებით და გვერდს უვლიან პარლამენტს. ირლევა ხელისუფლების გადანაწილების პრინციპი. რა თქმა უნდა, არალიბერალურ დემოკრატიებს შორისაც განსხვავებათა დიდი სპექტრია, მაგრამ ერთი რამ უტყუარია: საყოველთაო და სამართლიანი არჩევნები, რაც დემოკრტიის მთავარ პრინციპს შეადგენს, აუცილებელი, მაგრამ არასაკმარისია ქვეყნაში დემოკრატიის დასამყარებლად. თუ მინიმალისტურ განსაზღვრებას გაცდებით და ქვეყნას დემოკრატიულს მხოლოდ მაშინ

გუწილებთ, თუ ის სოციალური, პოლიტიკური და რელიგიური უფლებების საყოველთაო დაცვას უზრუნველყოფს, მაშინ საქმე გვექნება ლიბერალურ დემოკრატიასთან და სწორედ დემოკრატიის ეს ფორმა არის რიგი პოლიტოლოგებისათვის ყველაზე მისაღები.

კონსტიტუციური ლიბერალიზმი უკავშირდება არა იმდენად მთავრობის არჩევას, რამდენადაც მის მიზნებს. ასეთი სისტემა იძულებისაგან პიროვნების დამოუკიდებლობისა და ღირსების დაცვას ცდილობს. მნიშვნელობა არა აქვს ვისგან მოდის ეს იძულება - სახელმწიფოსგან, ეკლესიასა თუ საზოგადოებისგან. კონსტიტუციური ლიბერალიზმი თავის თავში აერთიანებს ინდივიდუალურ თავისუფლებასა და კანონის უზენაესობას, რაც თავისუფალ და საყოველთაო არჩევნებთან ერთად ლიბერალურ დემოკრატიას აფუძნებს.

ის, ვინც ლიბერალიზმს დემოკრატიული მმართველობისათვის წამყვან პრინციპად მიიჩნევს, თვლის, რომ ლიბერალური დემოკრატია მჭიდრო კავშირშია არა მარტო კონსტიტუციურ ლიბერალიზმთან, არამედ ლიბერალურ აკტოკრატიასთანაც კი. ამის მაგალითია ყოფილი ავსტრო-უნგრეთის იმპერია, რომელიც ლიბერალური დემოკრატიის კლასიკურ მოდელს წარმოადგენდა.

დემოკრატიულად არჩეულ მთავრობებს აქვთ ტენდენცია წარმოიდგინონ, რომ მათ აბსოლუტური ძალაუფლება ეკუთვნით. ამან კი შეიძლება ძალაუფლების ცენტრალიზაცია გამოიწვიოს. ეს რომ არ მოხდეს უნდა არსებობდეს ალტერნატიული ცენტრები და კანონის უზენაესობა საყოველთაოდ უნდა იყოს აღიარებული. ადამიანებს აქვთ ბუნებრივი და განუყოფელი უფლებები და მთავრობებმა უნდა მიიღონ ძირითადი კანონი, რომელიც საზღვრავს მათ ძალაუფლებას და სხვათა უფლებებს იცავს. „დასავლური სისტემის“ საუკეთესო სიმბოლო არის არა სახალხო პლებისციტი, არამედ მიუკერძოებელი მოსამართლე.

როგორც ვხედავთ, გამოიკვეთა ორი პოზიცია. ერთ-ერთის მიხედვით დემოკრატია, იმ სახით როგორითაც იგი უმრავლეს ქვეყანაში არსებობს უნივერსალური ფასეულობაა და მას ქვეყნების განვითარებისათვის მხოლოდ დადგებითი შედეგები მოსდევს და მეორე - დემოკრატია კონსტიტუციური ლიბერალიზმის გარეშე, ორიენტირებულია მხოლოდ თავისუფალ და სამართლიან არჩევნებზე, ზიანის მომტანიც კი შეიძლება გახდეს. საკითხი დასმულია და ამ თემის გარშემო დისკუსიის გამართვა მკითხველის პრე-როგატივაა.

ქართული საზოგადოება დღეს: ადაპტაციური კრიზისი

გაგა ნიუარაძე

თანამედროვე კროს-კულტურულ ფსიქო-ლოგიაში კულტურების ერთ-ერთ ძირითად მახასიათებლად ითვლება ინდივიდუალიზმი - კოლექტივიზმი (ოფსტედე, 1980). ინდივიდუალისტურ კულტურებში საზოგადოების ძირითადი ერთეულია ინდივიდი. სოციალური ცხოვრების მთავრი რეგულატორია აბსტრაქტული ნორმა (კანონი, რელიგიური მცნება და მისთ.). თანას-წორობისა და ინდივიდუალური თავისუფლების ხარისხი მეტია.

ინდივიდუალიზმის ინდექსი ყველაზე მაღალია ანგლო-საქსურ, ჩრდილო ევროპულ კულტურებში, ოდნავ ნაკლები - სხვა ევროპულ კულტურებში.

კოლექტივისტურ კულტურებში საზოგადოების ძირითადი ერთეულია ჯგუფი, დიდი (ერი, “ხალხი”, რელიგიური ერთობა და მისთ., ანუ ისეთი ჯგუფები, რომელთა წევრებიც არ იცნობენ ერთმანეთს პირადად) ან მცირე (გაფართოებული ოჯახი, სანათესაო, სამეცნიერო, სამეზობლო და ა.შ., ანუ ჯგუფები, რომელთა წევრებიც ერთმანეთს პირადად იცნობენ).

ჯგუფის ინტერესები პრევალირებს ინდივიდუალურზე; ინდივიდი რიცხვით ნაკლები სოციალური ჯგუფის წევრია, მაგრამ მათ მიმართ მეტი ვალდებულება აქვს; ჯგუფის წევრობიდან გამომდინარე ვალდებულებების პირნათლად შესრულების შემთხვევაში ჯგუფი იცავს თავის წევრს და ზრუნავს მასზე. სოციალური ცხოვ-რების რეგულატორია ჯგუფში არსებული ნორ-ტები, ზოგჯერ კი ავტორიტარული პიროვნების ნება. დიდ ჯგუფებზე ორიენტირებული კოლექტივისტური კულტურის მაგალითია რუსეთი, ხოლო მცირებზე – საქართველო.

საქართველოში მცირე ჯგუფი არა მარტო ძირითადი, არამედ თვითქმარი ერთეულია. სხვა სიტყვებით, მცირე ჯგუფის ფარგლებში შესაძლებელია ძირითადი სოციალური მოთხოვნილებების დაკამაყოფილება (ურთიერთობა, ძალაუფლება, პრესტიჟი და სხვ.). საზოგადოების ყოველი წევრის ატრიბუცია ხდება იმ მცირე ჯგუფების (თანამედროვე ტერმინოლოგით, ინ-ჯგუფების) მიხედვით, რომელთა წევრიცაა იგი (ამის ნაცნობი, იმის მეზობელი და მისთ.). ის ინ-ჯგუფები, რომელებშიც შედის საშუალო ქართველი, პრაქტიკულად სრული შემადგენლობით იკრიბებიან თავისი წევრის პანშვიდზე, ყველაზე ახლობ-ლები ან პატივცემულნი კი – ქელებზე. ქართული პანშვიდი როგორც რიტუალი პირველ რიგ-ში ემსახურება ინ-ჯგუფის სიდიდის, სიძლიერის, გავლენიანობის დემონსტრაციას და ამ ჯგუფის შეკავშირებას.

ქართული ინ-ჯგუფი, როგორც ქალაქად, ისე სოფლად, შეიძლება შევადაროდ სოფელს, სადაც ყველა ყველას იცნობს, ენათესავება ერთმანეთს, მეტ-ნაკლებად ხშირი ურთიერთობა აქვს ერთმანეთთან, იცის სოფლის ნორმები და ტრადიციები („სოფლის“ ქალაქური შესატყვისია უბანი). სასიცოცხლო ინტერესები პრინციპში „სოფლით“ შემოიფარგლება, თუმცა, რა თქმა უნდა, სხვა „სოფლებიც“ არსებობენ. ჩვენი „სოფლელი“, რომელიც სხვაგან წავიდა და იქ გაითქვა სახელი, ანდა „სოფლელი“, რომელიც აქაურობას გარეთაცაა ცნობილი, პირველ რიგში მოცემული სოფლის „სახეა“, მის პრესტიჟს ემსახურება სხვა „სოფლებთან“ მიმართებაში.

ქართული სოციუმის ამგვარი სტრუქტურა განსაზღვრავს პორიზონტის სივიწროვეს როგორც სივრცეში, ისე დროში. სივრცე ძირი-თადად შემოიფარგლება „სოფლით“, დრო კი წარსულით, აწმყოთი, მაგრამ არა მომავლით. ქართული კულტურის „ქცევითი სივრცე“ აწმყო-ზეა ორიენტირებული. გრძელვადიანი დაგეგმა-რება, შორს გათვლილი სტრატეგია ქართული კულტურისათვის უცხოა როგორც ინდივიდუალურ და ინ-ჯგუფის, ისე სახელმწიფოს მართვის დონეზეც (საგულისხმოა, რომ საქართველოს ხელისუფლებას არ მიუღია არც ერთი პროგრამა, რომელიც რამდენიმე ათწლეულზე ყოფილიყო გათვლილი; მაგრამ რომც მიეღო, საჭიროა, რომ იგი შესრულებულიყოს).

რაც შეეხება წარსულს, ესაა ერთ-ერთი იმ ღირებულებათანი, რომელიც საერთო ქართული იდენტიფიკაციის მნიშვნელოვანი შემადგენელი ნაწილია, თუმცა ყოელდღიურ ქცევაზე დიდ გავლენას არ ახდენს. დავით აღმაშენებლისა და, განსაკუთრებით, თამარის ეპოქა ეროვნული ღირსების, თვითშეფასების დასაყრდენს შეადგენს. ამავე დროს, მითოლოგი-ზებული წარსული დიდება კომპენსატორულ როლს თამაშობდა და თამაშობს ეროვნული არასრულფასოვნების კომპლექსისაგან თავის დასაცავად: ამ კომპლექსის საფუძველი კი რუსულ და საბჭოთა იმპერიის შემადგენლობაში ყოფნისას იყო დაქვემდებარებული სტატუსი, ხოლო ახლა - ღრმა სოციალურ-ეკონომიკური კრიზისი.

ყოველი ცოცხალი კულტურა მეტ-ნაკლებად შეგუებულია მასზე მოქმედ პოლიტიკურ, ეკონომიკურ, ეკოლოგიურ და სხვა ფაქტორებთან. როდესაც ამ ფაქტორების მოქმედება იცვლება, კულტურამ უნდა მოახერხოს ამ ცვლილებებზე ადექვატური „პასუხის“

გამომუშავება. თუ ეს არ მოხერხდა, კულტურა კნინდება და შეიძლება გადაგვარდეს ან მოისპოს კიდეც.

ქართული კულტურის აღწერილი თავისებურებებიც ადაპტაციურ “პასუხებს“ წარმოადგენს, ამასთან, არცთუ ურიგო პასუხებს: ჩვენმა ხალხმა შეძლო საუკუნეების მანძილზე შეენარჩუნებინა ენა, თვითმყოფადობა, რელიგია, კულტურული და სულიერი ფასეულობები.

ქართული კულტურული მოდელი განსაკუთრებით წარმატებული აღმოჩნდა პოსტ-სტალინური საბჭოთა რეჟიმის პირობებში. ამ ეპოქაში ძალაუფლების მწვერვალზე უშიშროების ორგანოები შეცვალა პარტიულმა ნომენკლატურამ, რომელიც, ამის საფასურად იმულებული გახდა გარკვეული ლიბერალიზაცია დაქვა1 . სისტემამ ხელშეუხებლად და ტაბუირებულად დატოვა იდეოლოგია და პოლიტიკა, სამაგიეროდ არაფორმალურად დაუშვა კანონით აკრძალული ეკონომიკური საქმიანობა. სახელმწიფომ მოქალაქეებთან თითქოს დადო დაუწერელი ხელშეკრულება, რომლის მიხედვითაც მოქალაქეს ეძლეოდა, გარკვეულ ფარგლებში, არალეგალური ეკონომიკური საქმიანობის წარმართვის საშუალება (მაგრამ რასაკვირველია, არა უფლება), ხოლო პოლიტიკა და იდეოლოგია სახელმწიფოს მფლობელობაში რჩებოდა.

ჩემის აზრით, თამაშის ახალი წესები ყველაზე ადრე საქართველოში შეითვისეს. სწორედ 60-იანი წლებიდან რუსეთში ჩნდება ქართველის სტერეოტიპი – სპეცულანტი, მდიდარი, მფლან-გველი, რომელიც არასაბჭოთა (თუმცა არა ანტისაბჭოთა) ნორმებით ცხოვრობს. რუსეთში არ უყვართ, როდესაც ვინმე არ ერიდება სიმ-დიდრის დემონსტრირებას; ქართველისათვის კი ფული სწორედაც რომ მისი პატრონის ხელგაშლილობისა და სოციალური წარმატების წარმოჩნდის საშუალებაა2 . აღნიშნული სტერეოტიპის გაჩენა იყო რუსული კულტურის პასუხი მისი ერთ-ერთი ბაზური ლირებულების “ხელყოფაზე“, ლირებულებისა, რომელიც ისტორიკოსმა იაკო-ვენკომ ასე ჩამოაყალიბა: ყველა თანაბრად დარიბი უნდა იყოს იაკოვენკოს აზრით, ოქტომბრის გადატრიალება ამ ლირებულების ნგრევის საფრთხეში განსაზღვრა.

“არასაბჭოთა ნორმების“ მიმართებაში რუსული კოლექტიური ცნობიერება მართალი იყო: სტალინის შემდეგ საქართველოში მოხდა პრაქტიკულად სრული გაუცხოება კომუნისტური ლირებულებისაგან; სოციალიზმი საქართველოში უყვარდათ მხოლოდ იმდენადაც იგი თანამემატულის, ‘ხალხთა მამის’ პირმშო იყო. საბჭოთა “პანთეონიდან“ სტალინის გამოძევებამ და მისმა დადანაშაულებამ კი საბჭოთა ლირებულებებს ძალა დაუკარგა; ისინი გადაიქცნენ ფუტურო კერპებად, რომლებიც რიტუალურ თაყვანისცემას საჭიროებდნენ, მაგრამ მათი რწმენა გაქრა.

ახალგაზრდობაში ამ დროს გაჩენილი ‘მორალური ვაკუუმი“ შეივსო კრიმინალური სუბკულტურის ნახესხები ნორმებითა და “გაგებით“ (საგულისხმოა, რომ 70-იანი წლების ბოლოს წარმოქმნილი ანალოგიური “ვაკუუმი“ რუსულ ახალგაზრდობაში შეივსო არმიული მორალით).

შეიძლება ითქვას, რომ 60-80 წლები ერთ-ერთი ყველაზე უდარდელი პერიოდი იყო საქართველოს ისტორიაში. სისტემამ შექმნა ისეთი პირობები, როდესაც მაღალი სოციალური სტატუსისა და საბჭოთა კვალობაზე სერიოზული სიმდიდრის მოპოვება შესაძლებელი გახდა, თუ შეიძლება ითქვას, აღექვატური ძალისხმევის გარეშე (განათლების დონე, პროფესიონალიზმი, გაწეული შრომა). თუ სტალინის პერიოდში ერთადერთი, თანაც არასაკმარისი, პირობა არათუ კარიერისათვის, არამედ თვით სიცოცხლის შესანარჩუნებლად, იყო რეჟიმისადმი აქტიურად გამოხატული ლოიალობა, შეცვლილ პირობებში გაჩნდა ახალი “კონვერტირებადი“ ლირებულებები: ფული, თანამდებობა, გავლენიანი ნაცნობობა. გამოიკვეთა

კარიერის კეთების სამი გზა. პირველი იყო ნომენკლატურული; ნომენკლატურის სისტემაში მოხვედრით გვარდებოდა მატერია-ლური რესურსების მიღება და იხსნებოდა გზა ამ რესურსების გასანაწილებლად, რაც ნოყიერ ნიადაგს ქმნიდა კორუფციისათვის. მეორე გზა იყო ჩრდილოვანი ეკონომიკა – გამდიდრება სახელმწიფოსა და თანამოქალაქეების ხარჯზე. ჩრდილოვან ეკონომიკას არაფერი საერთო არ ჰქონდა კაპიტალიზმთან, ვინაიდან მისთვის უცხო იყო კონკურენცია; ეს იყო საბჭოთა რეჟიმის ნაშიერი და მის გარეშე პერსპექტივა არ აქვს. ბოლოს, კიდევ ერთი გზა იყო “შავი” - კრიმინალურ სამყაროში ავტორიტეტის მოპოვება, რაც არცთუ ურიგო სოციალურ სტატუსს ნიშნავდა; მაღალი რანგის ქურდი უკვე “საქმეზე” აღარ დადის, მაგრამ კარგი შემოსავალი აქვს, რომლის საკმაო ნაწილს შეადგენს “მედიაციური სამსა-ხური” - კონფლიქტური სიტუაციების მოგვარება “გაგების” კანონების მეშვეობით.

აღნიშნული სამი სფერო – ნომენკლატურა, ჩრდილოვანი ეკონომიკა და კრიმინალური ელიტა – მჭიდროდ იყენებს ერთმანეთთან გადახლართუ-ლი და, ფაქტობივად, ერთ სისტემას ქმნიდნენ. ეს ადაპტაციური სისტემა, ასე ვთქვათ, წამგებიანი იყო: იგი მოიხმარდა იმპერიის რესურსებს, ქმნიდა კი ძალზე ცოტას. ამასთან, იგი გამომუშავდა დამოკიდებული ქვეყნის სტატუსში ყოფნის პირობებში; ეს ნიშნავდა, რომ ნებისმიერი ქვეყნის წინაშე მდგარ ფართომასშტაბიან პრობლემებს (უსაფრთხოება, სოციალური დაცვა, მომარაგება და სხვ.) აგვარებდა, ცუდად თუ კარგად, ცენტრი.

დღევანდელი საქართველოს უმნიშვნელოვანების პრობლემას შეადგენს სწორედ ის, რომ სოციალური, ეკონომიკური და პოლიტიკური სიტუაცია შეიცვალა რადიკალურად, ქცევითი მოდელები კი პრაქტიკულად იგივე დარჩა. ხელისუფლებაში დიდია ძველი ნომენკლატურის ხვედრითი წილი, რომელსაც სხვანაირად, თუ არა საბჭოურად, აზროვნება და ქცევა, უბრალოდ, არ ძალუს. რახან მოიშალა არაეფექტური, მაგრამ მაინც რაღაც ფუნქციის მქონე საბჭოთა მაკონტროლი-რებელი მექანიზმები, კორუფციამ და ალიანსება ჩრდილოვან სექტორსა და კრიმინალურ სამყაროსთან მმართველ და ძალოვან სტრუქტურებში კიდევ უფრო ფართო მასშტაბი მიიღო. ჩრდილო-ვანები, სახელმწიფო რესურსების დეფიციტის პირობებში, ძირითადად კონტრაბანდითა და შემო-სავლის დაფარვით ირჩენენ თავს და ამ პირო-ბებშიც კი ჩრდილოვანი ეკონომიკის ხვედრითი წილი მთლიანად ქვეყნის ეკონომიკაში ნახევარზე მეტს შეადგენს. რაც შეეხება კრიმინალურ “ავტორიტეტებს”, მათი სოციალური სტატუსი კვლავაც არცთუ დაბალია; “შავი” გზა ახალგაზრ-დობის გარკვეული ნაწილისათვის სასურველ ორიენტირს წარმოადგენს.

ზემოთქმულის გათვალისწინებით შეიძლება ითქვას, რომ დღეს ქართული კულტურა ადაპტაციურ კრიზისს განიცდის, რაც იმაში გამო-იხატება, რომ საზოგადოების პრაქტიკულად ყველა ფენაში გაბატონებული ქცევითი მოდე-ლები, სტილი არ შეესაბამება რეალობის მოთხოვნებს. რეალობა კი იმაში მდგომარეობს, რომ ქართველები უკვე ათი წელია დამოუკიდებელ სახელმწიფოში ცხოვრობენ.

არ შეიძლება ითქვას, რომ ბოლო ათი წლის განმავლობაში ქართულ საზოგადოებაში არავითარი ცვლილება არ მომხდარა. ემპირიული გამოკლვლევები აჩვენებენ, რომ წლიდან წლამდე მცირდება ფატალიზმის დონე, იზრდება საკუთარი ძალების რწმენა. ეს – ფსიქოლოგიის დონეზე. მეორეს მხრივ არასამთავრობო სექტორის გაჩენა, არასრულყოფილი, მაგრამ მაინც დემოკრატიულ ყაიდაზე აგებული ინსტიტუტები, მეტ-ნაკლებად თავისუფალი მას-მედია, თუნდაც ჩანასახოვან მდგომარეობაში მყოფი კერძო საკუთრება და საბაზრო ეკონომიკა გარკვეულ პოზიტიურ როლს მაინც თამაშობენ, და ეს იმედის მომცემია. მაგრამ ზოგადად ბატონობენ ძველი ღირებულებები და სტერეოტიპები; უკვე ხსენებული, სივრცითი და დროითი პორიზონტის სივიწროვე განსაზღვრავს მოქალაქეობრივი შეგნების დეფიციტს

საზოგადოების ყველა ფენაში. საზოგადოებრივი ვალდებულებები ძირითადად სიტყვაზე სრულ-დება. ამის ილუსტრაციას წარმოადგენს ის გარემოება, რომ დამოუკიდებლობის წლებში არ განიცადა რაიმე შესამჩნევი ცვლილება ქართული კულტურის ერთ-ერთმა ბაზურმა რიტუალმა – სუფრამ.

როგორც დაასაბუთა ლ. ბრეგაძემ, ქართული სუფრა დღევანდელი სახით (სადღეგრძელო-ების მეტ-ნაკლებად რეგლამენტირებული რიგით, თამადის ინსტიტუტით) ჩამოყალიბდა სადღაც 19-ე საუკუნის 30-იან წლებისათვის. ამ რიტუალის ჩამოყალიბება აგრეთვე კულტურის პასუხი იყოვ რუსეთის შემადგენლობაში შესვლაზე. თუ ადრე, მუსლიმან დამპყრობლებთან მიმართებაში, ეროვნული თვითმყოფადობის შემანარჩუნებელი ღირებულების როლში (იდენ-ტიფიკატორად) რელიგია გამოდიოდა, ამ შემთხვევაში იგი ამგვარ ფუნქციას ვეღარ შეასრულებდა. კულტურამ “იგრძნო“ თვითმყოფადობის დაკარგვის საშიშროება და შესაბამისი პასუხი გასცა – შეიმუშავდა სუფრის რიტუალი, რომლის მსვლელობისას ყოველმა ‘ნამდვილმა ქართველმა“ სადღეგრძელოების რეგლამენტირებული რიგის წარმოთქმით უნდა თაყვანი სცეს ეროვნული ღირებულებების “დაკონსერვებულ“ სისტემას (ჩვენი ჯგუფი, ოჯახი, სამშობლო, წინაპრები და ა.შ.). სხვა სიტყვებით, ეროვნული ღირებულებების სისტემისადმი სიტყვიერად გამოხატული ლოიალობა ჩაენაცვლა სოციალურ ქმედებას. თუ ინ-ჯგუფების წევრობიდან გამომდინარე ვალდებულებები რეალურად სრულდებოდა და სრულდება, უფრო ფართომასშტაბიანი ერთობის (“ჩვენი პატარა საქართველო“) საკეთილდღეოდ მიმართული აქტივობა პრაქტიკულად მთლიანად შემოიფარგლებოდა და შემოიფარგლება შესაბა-მისი სადღეგრძელოების გამუდმებული რიტუალური გამეორებით.

შეიძლება ითქვას, რომ სუფრის რიტუალმა თავისი ფუნქცია, ასე თუ ისე, შეასრულა. ეროვნული თვითმყოფადობა და თვითცნობიერება შენარჩუნდა. დღეს, დამოუკიდებელი სახელმწიფოს სტატუსით არსებობის პირობებში, თითქოს სუფრის რიტუალი უნდა ნელ-ნელა დავიწყებას მიცემოდა როგორც ფუნქციადაკარგული, მაგრამ ასე არ მოხდა; სუფრა რჩება ყველაზე სასურველ სოციალურ აქციად, რაც იმის მანიშნებელია, რომ კულტურის მასშტაბით ორიენტაციის შეცვლა სიტყვიდან საქმისაკენ არ შეიმჩნევა.

ამრიგად, შეიძლება ითქვას, რომ ქართული საზოგადოების სტრუქტურა და გავრცელებული ქცევითი სტერეოტიპები უზრუნველყოფენ სასიცოცხლო პრობლემების მოგვარებას „სოფლის“ დონეზე. უნდა აღინიშნოს, ქართული კულტურის ზოგიერთი თვისების უვექტი სცილ-დება „სოფლის“ ფარგლებს და უფრო ფართო სოციალურ ჯგუფებს მოიცავს. მაგალითად, ურთიერთობაზე ორიენტაცია და აქედან გამომ-დინარე ურთიერთობის ნორმების არსებობამ განსაზღვრა ის, რომ 1992-94 წლებში, ანარქიისა და კრიმინალის აღზევების პერიოდში, საქართველოში არ დამყარებულა რუსული სიტყვა “აბან-იბანაშე“-ით აღნიშნული სიტუაცია, რეკეტმა არ მიიღო ფართო მასშტაბები (თუ არ ჩავთვლით სახელმწიფოსა და მოხელეების რეკეტს), ხოლო დაქირავებული მკვლელი, ქილერი, არ იქცა სოციალურად აღიარებულ „პროფესიად“, როგორც ეს, მაგალითად, რუსეთში მოხდა.

მიუხედავად ამისა, ეროვნული სახელ-მწიფოს შენარჩუნებისა და მართვისათვის აუცილებელი უნარ-ჩვევებისა და ქცევითი მოდელების დეფიციტი, ანუ ადაპტაციური კრიზისის არსებობა, სრულიად ცხადია. მომავალი გვიჩვენებს აქვს თუ არა ქართულ კულტურას როგორც რთულ სისტემას ახალი პირობებისადმი ადექვატური პასუხების გამომუშავების პოტენციალი.

რა არის მედიაცია

ზოგადი მიმოხილვა

თამუნა ციხისთავი


მედიაცია კონფლიქტების მოგვარების საკმაოდ ცნობილი მიმართულებაა დასავლეთის რიგ ქვეყნებში. იგი ფართოდ გამოიყენება კონფლიქტების მოსაგვარებლად როგორც ოჯახებში, სკოლებში, საქმიან წრეებში, ასევე საზოგადოების სხვა ფენებში.

ამ შემთხვევაში, ჩვენ ვისაუბრებთ ა.შ.შ.-ში, კერძოდ Eastern Mennonite University-ში დანერგილი მედიაციის ტრადიციებზე, რომლებიც ბალტიმორის მედიაციის ცენტრის გამოცდილებაზეა დაყრდნობილი.

ბალტიმორის მედიაციის ცენტრში დაგროვილი გამოცდილება შემდეგ ფილოსოფიას ეყრდნობა - კონფლიქტის მიმდინარეობისას მედიაციის საშუალებით დაპირისპირებულ მხარეებში შეიძლება გამოინახოს ის ჯანსაღი პოტენციალი და სურვილი, რომელიც ხელს შეუწყობს კონსტრუქციული დიალოგის დაწყებას და მედიატორის დახმარებით შეთანხმების მიღწევას.

სწორედ ეს არის მედიატორის ფუნქცია - დაპირისპირებული მხარეების მიყვანა მოლაპარაკების მაგიდასთან, მოლაპარაკების წარმართვა სპეციალური ტექნიკის გამოყენებით და მხარეების შეთანხმებამდე მიყვანა შემდეგი საწყისი აუცილებელი წესების დაცვით - კონფიდენციალურობით, მხარეების მიმართ ნეიტრალური პოზიციის გამოვლენით, არ გასამართლებითა და საკუთარი აზრის არ გამოთქმით, რჩევების არ მიცემით. ეს ყოველივე საკმაოდ ზოგადი აღწერაა იმ რთული პროცესისა, რასაც მედიაცია ქვია. იმისათვის, რომ თვალნათლივ წარმოვიდგინოთ, თუ რა განსხვავებაა ჩვეულებრივ მოლაპარაკებასა და მედიაციის ტექნიკით გამართულ მოლაპარაკებას შორის, განვიხილოთ ჩვეულებრივი მოლაპარაკების პროცესი, რომელიც ძალიან ხშირია ჩვენს რეალობაში და, შემდეგ შევადაროთ იგი მედიაციის საშუალებით წარმართულ მოლაპარაკებას. ჩვეულებრივი მოლაპარაკება შემდეგნაირად ვითარდება: მოლაპარაკებისას მხარეები აფიქსირებენ თავიანთ პოზიციებს, საუბრობენ მხოლოდ მათზე და ნაკლებად ეხებინ თავიანთ ინტერესებს, საჭიროებებს და იმ მთავარ პრობლემას, რომელიც მოითხოვს დაუყოვნებლივ გადაწყვეტას.

ჩვეულებრივი მოლაპარეკების პროცესი:



მედიაციის საშუალებით წარმართული მოლაპარაკება კი შემდეგნაირად ვითარდება - მოლაპარაკებისას მხარეები საუბრობენ თავიანთ საჭიროებებზე, ინტერე-სებზე და განვიხილავენ პრობლემას, ეძებენ მისი მოგვარების, გადაჭრის გზებს.

მედიაციის საშუალებით წარმართული პროცესი:



როგორც ვხედავთ, საქმაოდ დიდი განსხვავებაა ჩვეულებრივი გზით წარმართულ მოღვაწარაკებასა და მედიაციის გამოყენებით გამართულ მოღვაწარაკებას შორის.

პირველ შემთხვევაში მხარეები მხოლოდ პოზიციების დაფიქსირებას ანდომებენ დროს და არ საუბრობენ თავიანთ საჭიროებებსა და ინტერესებზე და ამის გამო უჭირთ პრობლემის გადაჭრა. ეს ყოველივე კი ლოგიკურად, უშედეგო მოღვაწარაკებით სრულდება.

მეორე შემთხვევაში, როდესაც საუბარია მედიაციის გამოყენებით მოღვაწარაკების წარმართვაზე, ჩენ ვხვდებით მოღვაწარაკების იმ სახეობას, რომელიც მხარეებს აძლევს იმის საშუალებას, რომ ისაუბრონ თავიანთ საჭიროებებზე, ინტერესებზე და იმუშაონ პრობლემის მოგვარებაზე მედიატორის დახმარებით.

ამ შემთხვევაში ნათელია, რომ მხარეების შეთანხმებამდე მისვლა უფრო ადვილია, რადგან ისინი არა მხოლოდ პოზიციებს აფიქსირებენ, არამედ დიად საუბრობენ თავიანთ ინტერესებსა თუ საჭიროებებზე.

როგორც უკვე აღვნიშნეთ, მედიაცია ის ტექნიკაა, რომლის გამოყენებისას კონფლიქტის მოგვარება მოღვაწარაკების შედეგად სავსებით შესაძლებელია. ეს ის პროცესია, რომლის სწორად წარმართვისას ორი დაპირისპირებული მხარე იწყებს დიალოგს, გამოთქვამს თავის მოსაზრებებს, ეძებს გზებს პრობლემის გადასაჭრელად და ბოლოს, კონფლიქტის მოგვარებაზე თავად მუშაობს. შორიდან ყველაფერი ისე გამოიყერება, რომ მხარეები თვითონ ეძებენ გამოსავალს შექმნილი სიტუაციიდან, მუშაობენ კონფლიქტის მოგვარებაზე. სინამდვილეში კი მედიატორი უძღვება ამ პროცესს და სწორედ მისი დამსახურებაა, თუ ყველაფერი ასე გამოიყერება შორიდან.

მედიაცია დაპირისპირებულ მხარეებს სთავაზობს, თავად გადაწყვიტონ თავიანთი კონფლიქტი იმის მაგივრად, რომ სხვა ინსტიტუტსა თუ პიროვნებას მისცენ მისი მოგვარების საშუალება, მათ ნაცვლად გადაწყვეტილების მიღების უფლება.


მედიაციის საშუალებით დაპირისპირებული მხარეები მიღიან მოღვაწარაკების მაგიდასთან იმისათვის, რომ მოუსმინონ ერთმანეთს. ამასთანავე, ერთმანეთს გაუზიარონ ის იდეები, რომლებიც პრობლემის მოგვარებას დაეხმარება და თუ მოისურვებენ, დადონ ხელშეკრულება, რომელიც დაწვრილებით აღწერს მათ მოთხოვნებსა და საჭიროებებს.

მედიატორი არ არის მოსამართლე, რომელიც გამოავლენს დამნაშავეს და შემდეგ უფლებამოსილია, რომ გამოიტანოს განაჩენი. მედიატორმა მხარეები უნდა გაამხნევოს მოღვაწარაკების პროცესში აქტიური მონაწილეობის მისაღებად და მათ გადასცეს პროცესის განვითარებისათვის ხელშემწყობი ძალაუფლება. მან უნდა აგრძნობინოს მხარეებს, რომ

სწორედ ისინი არიან მთავარი მონაწილეები პრობლემის მოგვარებაში და მედიატორი კი დამხმარეა, რომელიც ხელს უწყობს ორივე მხარეს იმაში, რომ საუკეთესო გამოსავალი მოძებნონ. ეს გამოსავალი კი, საბოლოო ჯამში, ორივე მხარისათვის მისაღები და მომგებიანი უნდა იყოს.

მედიაციაში არ არსებობს წაგება-მოგება ან მართალ-მტყუანი. ეს ის პროცესია, რომელშიც ორივე მხარის საჭიროება და თვალსაზრისია გათვალისწინებული და, საბოლოო ჯამში, ორივე მხარე მოგებული რჩება მოლაპარაკების შედეგად.

მედიაციის პროცესში ხუთი საფეხურია: პროცესის მშენებლობა, საკუთარი ხედვის გაზიარება, სიტუაციის გარკვევა, იდეების განვითარება და გადაწყვეტილების მიღება. ეს საფეხურები იმის მიხედვითაც შეიძლება განიხილობოდეს, თუ კონკრეტულად რა არის მხარეების საჭიროება და თავად სიტუაცია როგორ განვითარებას მოითხოვს. ზოგადად კი ეს ყველაფერი ასე გამოიყერება.



განვიხილოთ თითოეული საფეხური ცალ-ცალკე.

1. პროცესის მშენებლობა: მედიატორი ორივე მხარეს უხსნის თავის (მედიატორის) როლს მოლაპარაკების პროცესში და დაწვრილებით აცნობს პროცესის მიმდინარეობის წესებს. ამის შემდეგ იგი უხსნის ორივე მხარეს პროცესის მსვლელობის წესებს და იღებს უკუკავშირს (მხარეების აზრს) იმასთან დაკავშირებით, თუ რამდენად გაიგეს და გაიზიარეს მხარეებმა მის მიერ შეთავაზებული წესები. მედიატორი ჯვეუფის მუშაობის ნორმებს ადგენს და იწყებს დღის წესრიგის შემუშავებას ორივე მხარესთან ერთად.

2. საკუთარი ხედვის გაზიარება: ამ დროს მხარეები ჰყვებიან მომხდარი კონფლიქტის შესახებ, ანუ გადმოსცემენ თავიანთ ხედვას მომხდარ კონფლიქტზე - ხდება ინფორმაციის

გადმოცემა და მხარეების დაცლა ემოციებისა და ფაქტებისაგან, რაც მათ მომხდარი კონფლიქტის შედეგად დაუგროვდათ.

მედიატორი ორივე მხარეს ეხმარება, რათა მათ აღიარონ ერთიმეორის სინამდვილე, სუბიექტური რეალობა, ხედვა მომხდარი კონფლიქტისა. ამის შემდეგ, მედიატორის მხრიდან, ხდება ახალ ინფორმაციაზე ყურადღების გამახვილება. ხშირად, თითოეული მხარის მონაყოლში ახალი ინფორმაცია იკვეთება მომხდარი კონფლიქტის შესახებ, რაც ერთმანეთის მოსმენის შემდეგ იჩენს ხოლმე თავს. ამის შემდეგ იწყება დისკუსია, რომლის დროსაც ყურადღება მახვილდება ახალ ინფორმაციასა და მხარეების მიერ მოყოლილ ფაქტებზე, ანუ მხარეების სუბიექტურ რეალობებზე, მათ მიერ აღწერილ კონფლიქტზე.

3. სიტუაციის გამორკვევა: ამ დროს მედიატორი ცდილობს მიღებულ ინფორმაციასა და საკითხებზე მუშაობას, საკითხების გამორკვევას, საერთო ინტერესების გამონახვას და მათ მნიშვნელობაზე ხაზგასმით საუბარს.

4. იდეების განვითარება: ამ დროს მედიატორი აფიქსირებს მხარეების მიერ გამოთქმულ აზრებს, მათ მიერ მიგნებულ გამოსავალს კონკრეტული სიტუაციიდან. იგი ხელს უწყობს მათი იდეების განვითარებას. იწყება გამოსავლის ძიება შექმნილი მდგომარეობიდან, რაზედაც ორივე მხარე მედიატორის დახმარებით მუშაობს.

5. ბოლო საფეხური გადაწყვეტილების მიღებაა, როდესაც ორივე მხარე იწყებს ფიქრს კონფლიქტის შედეგად შექმნილი პრობლემის გადაჭრაზე. მედიატორი აფიქსირებს პრობლემის მოგვარების სხვადასხვა ვარიანტებს, რომლებიც მხარეების მიერ მოფიქრებული და დასახელებულია. მედიატორი მხარეებთან ერთად ეძებს ოპტიმალურ ვარიანტს ჩამოთვლილთაგან და მათთან ერთად ადგენს დაწვრილებით შეთანხმება - ხელშეკრულებას.

მედიატორის მუშაობა მოლაპარაკებისას შემდეგ ასპექტებზე უნდა იქნეს დამყარებული.

1. მედიატორმა უნდა შექმნას გარემო, რომელშიც მხარეები იგრძნობენ, რომ ისინი თავად არიან გადაწყვეტილების მიმღები, რომ ძალაუფლება მათ ხელშია და თავად უნდა გადაწყვიტონ, თუ რა გზებით შეიძლება მოგვარდეს მათი პრობლემა;

2. მედიატორი ეხმარება მხარეებს იმ ბარიერების დანგრევაში, რომლებიც მათ ხელს უშლის თავისთვის პრობლემაზე კონცენტრირებაში. ამის შემდეგ მხარეები უფრო ნათლად დაინახვენ და გაანალიზებენ საკუთარ პრობლემას და იფიქრებენ მის მოგვარებაზე.

3. მედიატორი ეხმარება მხარეებს, რომ მათ კარგად გაიგონ ერთმანეთის საჭიროებები, ინტერესები და პერსპექტივები. ეს კი მათ მისცემს საშუალებას, რომ ისაუბრონ პრობლემის საკუთარ ხედვაზე და ასევე მეორე მხარის ხედვასაც კარგად ჩაწვდნენ.

თუ მივადევნებთ თვალყურს მედიაციის ტექნიკით შემდგარ მოლაპარაკების პროცესს და ჩვეულებრივ მოლაპარაკებას, რომელიც ასე ხშირია ჩვენს ცხოვრებაში, ჩვენ აღმოვაჩინთ, რომ ის სტრატეგია, რაც მოლაპარაკებისა და პრობლემის გადაჭრისათვის სასარგებლოა, სრულად არის გამოყენებული მედიაციაში; ხოლო ის სტრატეგიები, რომლებიც მოლაპარაკების განვითარებისათვის დამღუპველია და პრობლემას არ ჭრის, ხელს უშლის შედეგის მიღებას და მეტ-ნაკლებად იმ მოლაპარაკებებში გამოიყენება, რომლებიც მედიაციის ტექნიკის გარეშე მიმდინარეობს.

განვიხილოთ სქემა, რომელშიც მოლაპარაკების ორი პერსპექტივაა წარმოჩენილი:

- პრობლემის გადაჭრისათვის სასარგებლო სტრატეგია, რომელიც მედიაციაში გამოიყენება;
- პრობლემის გადაჭრისათვის წარუმატებელი სტრატეგია, რომელიც ხშირად დამახასიათებელია ჩვეულებრივი მოლაპარაკებებისთვის.

1. პრობლემის გადაჭრისათვის სასარგებლო სტრატეგია: კომუნიკაცია: 1. გახსნილობა, გულწრფელობა; 2. პირდაპირობა; 3. დამაჯერებლობა. განწყობები: 1. ნდობა; 2. მომავალზე ორიენტირება; 3. ასერტიულობა (პოზიტიური სიმტკიცე).	2. პრობლემის გადაჭრისათვის წარუმატებელი სტრატეგია: კომუნიკაცია: 1. ჩაკეტილობა, გულჩათხრობილობა; 2. არაპირდაპირობა; 3. იძულება. განწყობები: 1. უნდობლობა და ეჭვი; 2. წარსულზე ორიენტირება; 3. აგრესიულობა, თავდაცვა.
პროცესი: 1. პრობლემის “შეტევა“; 2. ინტერესებზე ფოკუსირება; 3. საერთო ვერსიების გამომუშავება.	პროცესი: 1. ერთმანეთის შეტევა; 2. პოზიციებზე ფოკუსირება; 3. მხოლოდ საკუთარი პოზიციების გამხატველი ვერსიების გამომუშავება.
შედეგი: 1. მოგება-მოგება; 2. საჭიროებების დაკმაყოფილება; 3. ურთიერთობა.	შედეგი: 1. წაგება-მოგება; 2. კომპრომისი პოზიციებს შორის; 3. გაუცხოება.

ამ სქემიდან ჩანს, რომ მედიაციაში გამოყენებული სტრატეგიები წარმატებული მოლაპარაკების მეტ ალბათობას იძლევა, ვიდრე ის სტრატეგიები, რომლებიც ნაკლებად ორიენტირებულია შედეგზე.

მედიატორის დახმარებით წარმართული პროცესი საშუალებას იძლევა:

- მხარეებმა მხოლოდ საკუთარი პოზიციების დაფიქსირებით არ წარმართონ მოლაპარაკება;
- მხარეებმა საერთო პრობლემის გადაწყვეტაზე ერთმანეთის ინტერესებისა და საჭიროებების გათვალისწინებით იმუშაონ;
- მხარეები თავად მივიღნენ შეთანხმებამდე.

ამ პროცესის შედეგი მოგება-მოგებაა, ე.ი. ორივე მხარე მოგებული რჩება. მედიაციის გზით წარმართული მოლაპარაკების პროცესისას გათვალისწინებულია თითოეული მხარის საჭიროება, ინტერესი. თავად პრობლემა ორივე მხარის მიერ ერთობლივადაა გადაწყვეტილი და არა მესამე მხარის მიერ, რომელმაც შეიძლება ვერ გაითვალისწინოს მხარეთათვის მნიშვნელოვანი დეტალები, რაც კონფლიქტის ესკალაციის მიზეზი შეიძლება გახდეს მომავალში. მხარეებს საშუალება ეძლევათ, თითოეული დეტალიც კი შეათანხმონ ერთმანეთთან და მედიატორის საშუალებით საბოლოო ზელშეკრულებაზე იმუშაონ.

ძირითადი დამახასიათებელი ნიშნები, რომლებიც მედიაციის პროცესისას უნდა იქნას შენარჩუნებული, შემდეგში მდგომარეობს: მედიატორი აბსოლუტურად ნეიტრალური უნდა იყოს მხარეების მიმართ. მან არასოდეს უნდა მისცეს თავს უფლება, რომ გაამართლოს ან გაამტკიცოს ერთი ან მეორე მხარე, გაასამართლოს ისინი. მედიატორს არა აქვს უფლება, მხარეებს რჩევა მისცეს და ამით საკუთარი აზრი დააფიქსიროს, თუნდაც თვლიდეს, რომ იცის გამოსავალი კონკრეტული სიტუაციიდან. მედიატორის ძირითადი დანიშნულებაა, ხელი შეუწყოს ორ დაპირისპირებულ მხარეს მოლაპარაკებაში და თავად მათ მოაძებნინოს გამოსავალი კონკრეტული სიტუაციიდან, ამუშაოს პრობლემის გადაჭრასა და შემდეგ ხელშეკრულების დადებაზე. ამასთანავე, მედიატორმა განსაკუთრებული გარემო უნდა შექმნას ნდობის მისაღწევად. ამ პროცესში ერთ-ერთი ნიშვნელოვანი მოთხოვნაა კონფიდენციალურობა - მედიატორმა არ უნდა გაახმაუროს მხარეებს შორის მომხდარი კონფლიქტი და საერთოდ, მედიაციის პროცესის მსვლელობის ამბავი. როგორც ზემოთ აღვინიშნეთ, მედიაცია დღეს-დღეობით ერთ-ერთი ეფექტური ფორმაა კონფლიქტის მშვიდობიანი გზით მოგვარებისა. მედიაციის გარდა, პრობლემის გადაჭრის სხვადასხვა მეთოდები არსებობს - ფასილიტაცია, კონსულტაცია, არბიტრაცია. მედიაციის შესწავლა და დანერგვა საშუალებას იძლევა, რომ ჩვენს ცხოვრებაში მომხდარი კონფლიქტები წარმატებული მოლაპარაკებით მოვაგვაროთ. ამასთანავე, აღსანიშნავია, რომ მედიაცია პოლიციის, სასამართლოს, არაოუიციალური მრჩევლების-მომრიგებლების აღტერნატივაა. ეს აღტერნატივა კი მართლაც ბრწყინვალე საშუალებაა, რომ კონფლიქტი გასამართლების, გამტკიცება-გამართლებისა და რჩევების მიცემის გარეშე მოვაგვაროთ. მოლაპარაკებებისა და კონფლიქტის მოგვარების ნეიტრალური ტექნიკა - მედიაცია, მშვიდობის მშენებლობის პროცესის განუყოფელი ნაწილია.

შემოქმედება, თანაგრძნობა, არაძალადობა

მხატვრული რუბრიკის წინასიტყვაობა

რედაქტორი მოხარულია რომ შემოგ-თავაზოთ ხელოვნების ნაწარმოებები. კონფლიქტების მოგვარებაში მეტად მნი-შვენელოვანია შემოქმედებითი აზროვნება და ამიტომაც ხელოვნების როლი ძალიან დიდია გამოივალი კონფლიქტებიდან ახალი გზების პოვნაში. ჩვენ აუცილებლად უნდა შევუწყოთ ხელი არაორდინარულ აზროვნებას, ისეთ აზროვნებას, რომელიც ახალ პარადიგმებს შემოგვთავაზებს და ცხოვრების ახალ გზებს დაგვანახებს. რა თქმა უნდა, ყოველი მათგანი ვერ გაუძლებს ისტორიის გამოცდას, მაგრამ დარწმუნებული ვართ რომ ზოგიერთი მათგანი ძალიან ბევრს შესძენს არა მხოლოდ ქართულ სინამდვი-ლეს, არამედ მსოფლიო კულტურასაც.

პირველ ნომერში გთავაზობთ ორ საკმაოდ საინტერესო ნაწარმოებს. ერთ-ერთი მათგანი არის ნინო ციხისთავის მეტად ორიგინალური ნარატივი ქალისა და მის ირგვლივ არსებული მოლოდინების შესახებ. დისკურსი რომელსაც ავტორი გვთავაზობს მეტად უჩვეულოა ჩვენი მკითხველისათვის, თემაც საკმაოდ მარგინალური, მაგრამ თავისთავად მეტად საინტერესოა ხედვა. შესაძლებელია თუ არა რომ ჩვენ ასეთი თვალით დავინახოთ დღევანდელი რეალობა? შესაძლებელია თუ არა რომ გადავაბიჯოთ იმ დოგმატურ ჩარჩოებს, რომელშიაც დღევანდელი საზოგადოებრივი ნორმები გვაქცევს და ქალისა და კაცის ურთიერ-თობებს სხვა თვალით შევხედოთ?

მეორე ნაწარმოები, რომელსაც გთავაზობთ, არის უკვე კარგად ცნობილი ახალაგაზრდა მწერლის, ლაშა ბუღაძის მოთხოვნა თამარ მეფის ქმრის, ჩვენში ავადხსენებული გიორგი რუსის შესახებ. აქაც ავტორი მეტად არაორდინალურ ფორმასა და ხერხს გვთავაზობს. მოთხოვნა იკითხება ბოლოდან. იგი ასე ვთქვათ ამოტრიალებულია. მკითხველმა ბოლოდან უნდა წაიკითხოს ეს ნაწერი. იმედია ეს ლიტერატურული ნოვაციები საინტერესო იქნება ჩვენი მკითხველისათვის. ახალ საუკუნესთან ერთად შემოდის კომუნიკაციის ახალი ფორმები. დეკონსტრუქციის მოჰყვება რეკონსტრუქცია. ეს არის რეკონსტრუქციის გარკვეული მცდელობა ქართულ რეალობაში.

ამ კონტექსტში ძალიან მნიშვნელოვანია რომ კრიტიკული თვალით შევხედოთ აქამდე არსებულ დოგმებს ცხოვრების, სექსუალობის, ძალადობის გარდუვალობის, რესურსების უკმარისობის თუ სხვა საკითხების შესახებ. ჩვენ ხომ ვლაპარაკობთ აზროვნებაში ახალი პარადიგმის შემოტანა-ზე, რომელიც ალტერნატივა იქნება სტრუქტურული ძალადობისა თუ უთანასწორობისა. აი, ამ ახალი პარადიგმის მოძებნისათვის აუცილებელია შემოქმედებითი აზროვნება. გასაგებია რომ ყველასათვის მოსაწონი შემოქმედებითი ნაშრომი ჯერ არ შექმნილა, მაგრამ რისკი ყოველთვის საჭიროა პროგრესის მისაღწევად.

შეიძლება თუ არა შეიცვალოს დღევან-დელ და გუშინდელ დღეს გავრცელებული მეტა-ნარატივები (ანუ გაბატონებული თხრობის სტილი)? ვფიქრობთ რომ ეს ნამდვილად შესაძლებელია, თუმცა ადვილი არ არის. ადვილი არ არის ის, რომ ამ მეტა-ნარატივების შეცვლას არ მოჰყვეს კიდევ უფრო მეტი ძალადობა, ვიდრე ჩვენ გვაქვს დღეს. ამისათვის სწორედ საფუძვლიანი შრომაა საჭირო. და ამავე დროს საზოგადოების მზაობა, იმისათვის რომ მიიღოს ახლებური ხედვა და კულტურას ახალი სისხლი შემატოს.

“ქალის სუბიექტივიზმი მოლოდინების დისკურსში”

ნინო ციხისთავი

14 ოქტომბერი 1999 წელი

წინასიტყვის მაგიერ:

მოდი, ვიმეგობროთ:

ასე ვიწყებ კომუნიკაციას, ჩემი მოლოდინი განსაზღვრულია და იმპულსური. ასე მივმართე გოგონას ბავშვობაში. მაშინ მოლოდინიც შესაბამისი მქონდა: დამეწყო მეგობრობა თქმისთანავე, თუმცა არაფერი გამოვიდა, ის მე არ მელოდებოდა საერთოდ.

მოდი, ვიმეგობროთ:

უკვე მოგვიანებით ასე მივმართე ახალ-გაზრდა კაცს და მან სექსი შემომთავაზა.

“ღრმა მიზეზი ქალის დამარცხებულობის განწყობისა მდგომარეობს იმაში, რომ გოგონა-მოზარდი არ გრძნობს პასუხისმგებლობას საკუთარ მომავალზე და არც თვლის საჭიროდ, საკუთარ თავს წაუყენოს დიდი მოთხოვნები. სრულიადაც არა იმიტომ, რომ იგი გადაეცემა მამაკაცს ხორცითა და სულით და თავის თავს უფრო მდაბლად აღიქვამს. პირიქით, აზრი

მამაკაცის უმაღლესობაზე მას უჩნდება და უმკვიდრდება იმიტომ, რომ ის განწირულია მის მომსახურებაზე. თუ გოგონებს უნდათ მეგობრობის ან ფლირტის დაწყება ვაჟთან, მათ ინიციატივა ისე უნდა გამოიჩინონ, რომ ეს ვერავინ “შეამჩნიოს”. სიმონა დე ბოვეარი, “მეორე სქესი” 1949 წ. გვ. 373; Simone de Beauvoir, “Le Deuxieme Sexe”, p.373, Gallimard, 1949.

გავიდა დრო და ის ყველაფერი, ჩემი გამოცდილება დამავიწყდა. დამავიწყდა, რომ ორჯერ მივიღე უარი ჩემთვის მნიშვნელოვან მოქმედში. ან, შეიძლება იმიტომაც გახდნენ მნიშვნელოვანი ზემოაღნიშნული შემთხვევები, რომ უარი მივიღე. დამავიწყდა, როგორ გადავწყიტე, აღარავისთვის შემეთავაზებინა მსგავსი სისულელე: “მოდი, ვიმეგობროთ”. რას ნიშნავს ეს? რა არის აქ წარმმართველი: პროცესი თუ ყაბულის მოლოდინი, იქნებ რეზულტატი? თუ მეორე მხარე დათანხმდება, იქნება კი ეს თუნდაც რაიმე, მცირე გარანტია, მეგობრობისთვის საკმარისი? ან, მერე კი, ოდესმე, ვიტყოდი, რომ არ ჰქონდა რაიმე კონკრეტული უსამართლობის ჩაღენის უფლება, მხოლოდ იმიტომ, რომ ჩვენ დავთქვით, გვემეგობრა. და მაინც, მიუხედავად ყველაფრისა, რა იყო ჩემი მოლოდინი ორივე შემთხვევაში? რას ველოდი? რა იყო ზოგადად მოლოდინი? ეს იყო მხარში ამოდგომის მცდელობა ან ყურადღების მიბყრობა, სიახლე?

ქალის მოლოდინი კომპრომისულია, თუმცა ამით სრულიადაც არ მცირდება მისი ინტენსიობა და ღირებულება.

დიდი ხნის შემდეგ მე, 33 წლის ქალი ვეუბნები საკუთარ შვილს: “მოდი, ვიმეგობროთ”. გამახსენდა ეს ფრაზა, მისი სიყალბე. მისი, ფრაზის, არასიცოცხლისუნარიანობა. და ამასთან, ჩემი მოლოდინების კორელაცია შედეგებთან. გამახსენდა, რომ ეს არის ზემოქმედება, ან მცდელობა ზემოქმედებისა, ადამიანის მოლოდინებზე შენდამი. ჩემი შვილი სამი წლისაა და მე მინდა, რომ ყველაფერი მიაბიოს, ყველაფერი ვიცოდე და ამ “ყველაფერში” ჩემი მშობლების იდეოლოგიის ფრაგმენტალურ კოპირებას ვახდენ, მაგრამ ამის შენიდგვა “მეგობრობით” მინდა.

* * *

ერთი ასეთი ანეგდოტი:

რა განსხვავებაა დიპლომატისა და ქალს შორის:

Åñëè ïóæ÷éíà áïâîðèò “ää”, òî ýòî íçíà÷àåò “ää”. Åñëè ïóæ÷éíà áïâîðèò “íåò”, òî ýòî íçíà÷àåò “íåò”. Åñëè ïóæ÷éíà áïâîðèò “íïæåò áûòü”, òî íí íå ïóæ÷éíà.

Åñëè äèïëíàò áïâîðèò “ää”, ýòî íçíà÷àåò “íïæåò áûòü”. Åñëè äèïëíàò áïâîðèò “íïæåò áûòü”, ýòî íçíà÷àåò “íåò”. Åñëè äèïëíàò áïâîðèò “íåò”, òî íí íå äèïëíàò.

Åñëè äåâåóøêà áïâîðèò “íåò”, ýòî íçíà÷àåò “íïæåò áûòü”. Åñëè äåâåóøêà áïâîðèò “íïæåò áûòü”, ýòî íçíà÷àåò “ää”. Åñëè äåâåóøêà áïâîðèò “ää”, òî ííá íå äåâåóøêà.

აქ წარმოდგენილია ნათელი, მყარი სურათი სრულყოფილი ადამიანისა (კაცი), პროფესიონალის (დიპლომატი) და სავაჭრო საქონლის (ბ.ა. ბიაბა) – ქალი, რომელსაც შეიძლება ჰქონდეს ან არ ჰქონდეს ხარისხის ნიშანი – ქალწულობა.

ქალის მოლოდინი არის წინასწარი, გლობალური შიში ყველაფრისა, რომ მერე შემცირდეს შიშის ხარისხი, რისკის ფაქტორი დანარჩენთათვის.

ქალის მოლოდინი არის შიშის გამოცდილება. ელოდება ყველას, ყველაფერს და არა საკუთარ თავს. ამიტომ ზრუნვის ობიექტი შეიძლება იყოს ყველა და ყველაფერი, მხოლოდ არა საკუთარი თავი, სხეული, სული.

ქალის მოლოდინის ფენოტიპი სექსუალობაა (მარკირებული ან ფარული, იმის მიხედვით, თუ როგორ საზოგადოებაში უხდება ცხოვრება).

ქალის სექსუალობა არის მუდმივი მზაობა, როგორც ობიექტისა და მისი მოლოდინი კი -

შეგუება მისთვის, ობიექტისთვის რომელიმე ფუნქციის მინიჭებაზე, რაიმე პასუხის მიღებაზე: ჰო, არა.

ქალის ზომბირება მოლოდინებით

ერთი ასეთი “ანეგდოტი”: (თუ, საერთოდ, მოლოდინი ანეგდოტზე - სიცილია (!)).

ქალის საშო ჰერცება:

რა უცნაური ცხოვრება მაქვს, ან სისხლი გამდის, ან ვიღაც უცხო შემოდის, შემომაფურთხებს და მიღის.

გინეკოლოგიის კლასიკურ (საბჭოთა პერიოდის) სახელმძღვანელოში მენსტრუაცია ხატოვნადა აღწერილი/ახსნილი და გულისხმობს: (თურმე) საშვილოსნო “ისხლის ცრემლებით ტირის”, რომ არ განაყოფიერდა, უფრო სწორად, არ გაანაყოფიერეს.

პირველი მაგალითი, ასახავს რა ქალის ცხოვრების პროზას, მისი (ქალის) ზოგადი მოლოდინი შეიძლება აღიწეროს, როგორც ძალადობის მოლოდინი: დეფლორაცია, მუდმივი მოლოდინი ვერტიკალური ძალადობისა. რატომ ვერტიკალური ძალადობა? პატრიარქალური საზოგადოების მოდელი წარმოდგენილია მამაკაცის პატრონაჟით. აქ ქალის ადგილი მთლიანად დაქვემდებარებულია პატრიარქალური საზოგადოების და ან მისი ერთი უჯრედის სტრუქტურაზე.

მეორე მაგალითში, “სისხლის ცრემლებით”, არის ობიექტის (საშვილოსნოს, ქალის) სქესის იდენტიფიცირება მის ფუნქციასთან და, კონკრეტულად, ქალის სქესთან (საკუთარ სქესთან), როდესაც “ტყუილად” მოსული მენსტრუაცია ხშირად არის მიზეზი და საბაბი იმისთვის, რომ ქალმა კიდევ ერთხელ დააფიქსიროს თავისი დანაშაული ოჯახის, ერის, ქვეყნის წინაშე, რომ არ განაყოფიერდა და, შესაბამისად, არ არის “იესას ეს თუ მარტინი და ამავე დღეს გადასახლდებოდა და ხაზგასმული რიგი გარემოებებით.

(რეკლამა ჰიგიენურ პაკეტებზე, მათზე დადგებულია ტექსტი ქალების გამონათქვამებით: ახლა ვიგრძენი სისუფთავე, თავისუფლება, კარგი სუნი, და შემიძლია ჩავიცვა თერო... (აქ სხვა არაფერია ჩადგებული, თუ არა ის, რომ მენსტრუაცია ქალში ანუ ქალი მენსტრუაციაში, არის ბინბური, სუნიანი, არათავისუფლი, შავით შემოსილი, ფრიად ჭუჭყიანი რაიმე)).

ქალი, როგორც მოლოდინის სუბიექტი და ობიექტი, მატარებელია მუდმივი მზაობისა - დანაშაულის მონანიების (ერთს ფრომის მიხედვით, დაუმორჩილებლობით ჩადენილი ცოდვა გადასული დანაშაულის გრძნობაში, გადასული დამორჩილებაში (დასჯა), შემდეგ კი - პატიებაში), და შეფურთხების გარდაუვალობისთვის; ე.ი., სხვაგვარად რომ ვთქვათ, მან, ქალმა სისხლის ცრემლებით მოინანიოს გაუნაყოფიერებლობის დანაშაული, საკუთარ სხეულში მუდმივად შეუშვას პენისი, რათა განაყოფიერდეს, ან მუდმივად ელოდოს მას (განაყოფიერებას, პენისს).

საქმე გვაქვს მოლოდინებით ქალის ზომბირებასთან.

მოლოდინები: - საერთაშორისო ჰიბრიდი თუ გიტრო ნაციონალური სტერეოტიპი?

“ჩემს განცდაში ყოველთვის იყო დაძაბულობა, რომ მთელი გროვა ნაკისრი ვალდებულებებისა შემესრულებინა. და დაძაბულობის განცდაც სწორედ იმაში მღვიმეარეობდა, რომ ეს ვალდებულებანი ჩემს დაუკითხავად ამჟიდეს და მატვირთებინეს. ეს არის სწორედ ის მოლოდინები, უსასრულო მოლოდინები, რომელიც ახდენენ ძალადობას პიროვნებაზე და ამის

შედეგად ჩემი თავისუფლების ხარისხი ადვილი განსასაზღვრია”. (“მოლოდინები და შეფასებები” 1999 წლი, გაზაფხული, 6. ციხისთავი)

მოლოდინები როგორც ზოგადის ცნება

მოლოდინის ცნების განსაზღვრა, შინაარსი

განვსაზღვროთ მოლოდინების ცნების შინაარსი და მისი მოცულობა. იმთავითვე, ყველა ცნება კონკრეტული განსაზღვრების ფორმულირებაა, ხოლო მოლოდინების “ხმარების”, გამოყენების შემთხვევაში იმდენად ბევრი იგივეობაა სხვა სიტყვებთან, რომ ისინი ხშირად სინონიმებათაც არის აღქმული. მაგ: მოლოდინი – იმდი, მოლოდინი – არსებობა; მეგონა და სხვა.

არის მოლოდინების ზოგადი გაება: ზოგადი მოლოდინები.

მოლოდინები უფრო შემოქმედებაა თუ იდეა? თუმცა, ალბათ, უფრო მართებულია, განვიხილოთ, როგორც ორივე ერთად და არა ცალცალკე. თუ მოლოდინები ზოგადად?

/ლიტერატურა/ ვაჟა ფშაველა: მთანი მაღალი “სდგანან, ელიან, უსაზღვროა მთების მოლოდინი. ან რა დააშრობს იმათ გულში მოლოდინის ზღვას? არა აქვს იმას ბოლო, არც დასასრული, როგორც ღვთაებას.. სდგანან და ელიან. გული სტკივათ, ძალიან სტკივათ, მაგრამ არ იხოცებიან, არც ჭლექდებიან. ელიან ვის? ან რას? რაღაცას, დიახ, რაღაცას. ის რაღაცა უნახავის დანახვაა.” ვაჟა ფშაველა, თხზ., ტ. V. გვ., 317-318.

რა არის მოლოდინი

მოლოდინი არის ფილოსოფიური, ფიზიოლოგიური, ფიზიოლოგიური კონსტრუქტი, სტრუქტურულ, ზღვრულ პერიოდთა ერთობლიობის კონსტანტური პროცესი. მოლოდინების ანალიზმა ცხადყო მათი გენდერული არანეიტრალობა. მოლოდები არ არის გენდერულად ნეიტრალური და შესაბამისად, განსხვავებულია ორივე სქესის მოლოდინები ე.ი.

საზოგადოებრივ, კულტურულ, ეთნიურ, რელიგიურ დისკურსებში მოლოდინები განიხილება ქალის და კაცის სუბიექტივიზმის განმსაზღვრულ და შემადგენელ ერთეულად, სადაც ორივე სქესი არის როგორც მოლოდინის სუბიექტი, ისე ობიექტი და ერთმანეთისგან განსხვავებულია.

მოლოდინის ვექტორი მიმართულია მომავლისკენ და შედეგობრივ კატეგორიაში ის შეიძლება იყოს ბივალენტური (დადებითი რეზულტატით ან უარყოფითით). თუმცა, ზოგადად მოლოდინის შინაარსი დადგებითი ვალენტობისაა და უარყოფითი იმთავითვე მოულოდნელობას ვეძახით (ესეც ყოველთვის ცალსახად არ ვლინდება ლექსიკაში, ეს ძირითადი ტენდენციაა). მოლოდინის წმინდა კატეგორია, ზოგადი მოლოდინი, როგორც პერიოდთა პროცესი თავისთავადია და გენდერული. რას ვგულისხმობ მოლოდინის გენდერულობაში: თავისთავად მოლოდინი განსხვავებული აქვს როგორც სუბიექტს, ორივე ბიოლოგიური სქესის ადამიანს და, ამავე დროს, როგორც მოლოდინის ობიექტი, ადამიანები ხვდებიან, განიხილებიან და მიიღებიან ზოგადი მოლოდინის სტერეოტიპის ზემოქმედების ქვეშ.

“უაკ ლაკანის ცნობილი ანეგდოტი სარდინებიან კონსერვის ქილაზე, რომელიც წყალში მოცურავს. ის უყურებს მას, ქილას, მაგრამ ქილაც უყურებს მის ნავს. თავისთავად არაპრეზენტაბელური, სარდინებიანი ქილა ხდება “დანახული” ხედვის (Âçâëëÿ) გამო, რომელიც მომდინარეობს მისგან, ქილასგან. ეს ხედვა “ეკრანის” ხაზზე ნაწილობრივ ხდება ლაკანისეული ხედვა: აქ ხორციელდება მისი რეპრეზენტაციული მოლოდინები. სხვა სიტყვებით რომ ვთქვათ, სწორედ ამ ხაზზე ლაკანი ხედავს ობიექტს და ახდენს მის იდენტიფიკაციას, როგორც ქილისას, ამგვარად ხდება რეპრეზენტაციის სუბიექტი. რას ვხედავთ ჩვენ, როცა ვუცქერით კაცის ტანს? ჩვენ ვხედავთ არა თვითონ ტანს, მთელი მისი

ანატომიური ატრიბუტებით, არამედ სარკესავით არეკლილ ხედვას, რომელიც ჩვენი ხედვაც არის. ჩვენ “ვუცქერით” ხედვას, რომელიც წინასწარ არსებობს ჩვენი წარმოდგენების, შიშებისა და სურვილების დონეზე. ჩვენ “ვხედავთ” რაღაცას, რომელშიც, გამომდინარე ჩვენი საკუთარი მოლოდინებისგან, ჩვენ ვაფიქსირებთ, როგორც კაცის ტანს. ჩვენ მტკიცედ ვიცით, რა იქნება რეპრეზენტირებული ცქერის პროცესში კიდევაც უფრო ადრე, ვიდრე მივმართავთ, მივაძყრობთ საკუთარ ხედვას ობიექტზე. ჩვენ ვხედავთ იმას, რისი მოლოდინიც გვქონდა. ჩვენი ხედვა ტანის მარკრად გვივლინება.

მოლოდინის ფუნქცია

მოლოდინის ფუნქცია განისაზღვრება, როგორც ზოგადი, წმინდა მოლოდინის ფუნქცია და როგორც მატერიალიზებული (შედეგობრივი კატეგორია) მოლოდინის ფუნქცია. მოლოდინების ფუნქცია სხვადასხვაა, როგორც განსხვავებული სქესის წარმომადგენელთავის, ისე კონკრეტული სქესის ორივე როლისთვის (ქალი, ქაცი), როგორც მოლოდინის სუბიექტისა და ობიექტისთვის.

პერიოდულობა

ქალის ფეხმბიმობა არის მოლოდინების მატერიალიზებული პერიოდი, რომელიც განსაზღვრულია ცხრათვიანი ვადით. ეს არის მოლოდინი ზოგადი და ამავე დროს მოლოდინი ზღვრული. ეს ძეგლომარეობა არ შეიძლება, განიხილებოდეს ლაკანისეულ სამკუთხედში, როგორც “დედა, ბავშვი და სურვილები”, არამედ, როგორც დედა, ბავშვი და მოლოდინი. და მით უფრო ვერ განვიხილავ მას, როგორც დედის განწყობას, სურვილს, დაიმორჩილოს და წარმართოს ბავშვი საკუთარი “სურვილების” მიმართულებით. ლაკანისეულ თეორიაში დედა გამოიყენება, როგორც კალკი, ბავშვთან მიმართებაში განზე მდგომი სუბიექტი თავისი

“სურვილებით”, მათზე დაქვემდებარებული ბავშვით. დედა იმ შემთხვევაში გამოიყურება, როგორც პირველადი უზურპატორი ბავშვისა, ან მხოლოდ ფაქტიური მატარებელი ნაყოფისა, როდესაც მას, დედას, აქვს თავისი, ბავშვისაგან დამოუკიდებელი ფიზიოლოგია, ფსიქოლოგია, სურვილები და ბავშვი კი, იძულებულია, ამას ყველაფერს “დაემორჩილოს”; უაკ ლაპანის ასეთი დამოკიდებულება ფეხშიმე ქალისადმი არ არის გასაკვირი, რადგან ის ნასაზრდოებია მასკულინური, გაცნობიერებული თუ გაუცნობიერებული ტრადიციით: ქალი განისაზღვროს მამაკაცთან მიმართებაში, მამაკაცთან შედარებით და დიდი სურვილით, სწრაფვით ფალოსისაკენ. ჩემი აზრით, ფეხშიმობის პერიოდი მთლიანად, უფრო გამძაფრებულად და ინტენსიურად კორელაციაში მოდის დედის ზოგად და ზღვრულ, კონკრეტულ მოლოდინებთან. ლაკანისეული თეორიით, ბავშვი “მთელი ძალებით ცდილობს, დაემორჩილოს დედისეულ “სურვილს”. სინამდვილეში, უფრო ბუნებრივია, ეს “სურვილები” განვიხილოთ დედისეული მოლოდინების ერთ-ერთ სტრუქტურულ ელემენტად. და ბავშვის სწრაფვაც, მოხდეს მათი (ბავშვისა და დედის) მოლოდინების გლობალიზაცია, ინტეგრაცია, ხსნის ბევრ ფიზიოლოგიურ თუ ფსიქოლოგიურ პროცესთა მსვლელობის ბუნებას.

პერიოდულობა - მოლოდინების ციკლურობა (მენსტრუაცია, ფეხშიმობა, ქალწულობა) მიუხედავად მოლოდინების ვალენტობისა არის ქალის სუბიექტივიზმის მამორავებელი ლოკომოტივი, მით უფრო, რომ მოლოდინები და ქალის სექ्सუალობა კონსტანტურია და ურთიერთგანმსაზღვრელი.

მოლოდინების სახეები, სტრუქტურა

სიურპრიზი - მოულოდნელობები. შეიძლება იყოს დადებითი და უარყოფითი. ყოველი პოზიტიური თუ ნეგატიური რეაქცია შეიძლება ასოცირებულ იქნას არასაკმარისად განხორციელებულ მოლოდინთან ან ზედმეტადგანხორციელებულ მოლოდინთან with undermet expextations or with overmet expectations.

მოლოდინების სამი სტადიაა: არასაკმარისად განხორციელებული მოლოდინი, განხორციელებული მოლოდინი, ზედმეტად განხორციელებული მოლოდინი; undermet, met, overmet expectations.

J. S. Black & H.B. Gregersen, "Expectation, Satisfaction, and Intention".

Intercultural Relations, Vol. 14, 1990.

არქემოლოდინი ქალის სუბიექტივიზმის სპირალის სტრუქტურული ერთეული.

კაზიონალური მოლოდინები ირღვევა კონფლიქტების დროს. შედეგად ქალი უერთდება ახალ დინამიკას მოლოდინისას. ლტოლვილებთან დაკავშირებით კი დასამატებელია მათი მოლოდინები ახალ ტერიტორიაზე + ძველი როლი.

ჯარი, ომი, - ქალის მოლოდინების ინსტიტუციონალური ზომბირების სტრატეგიაა, მიჯაჭვულობა სახლზე, კომუნიკაციაზე, კომუნიკაციაზე.

ისტერიკა არის მოლოდინების ფუნქცია, ჰგავს სწრაფ ამოსუნთქვას. იძლევა საშუალებას, ზედაპირზე ამოაგდოს არამატერიალიზებული მოლოდინებისგან მიღებული უარყოფითი ენერგია.

ფანტაზია არის მოლოდინების სტრატეგია. მოლოდინის მატერიალიზაციისთვის სცენარის დეფორმაცით მიღებული სტრესი შერბილდეს წარმოსახვისთვის აღსაქმელად. ანუ ფანტაზია ემსახურება მოლოდინით მიღებული ფრუსტრაციის წარმოსახვით ფიქსაციას, რომ მოხდეს მოლოდინების ფსევდომატერიალიზაცია. აქაც კარგად სჩანს ქცევითი ან წარმოსახვითი სიხშირე და გენდერული არანეიტრალობა. გენდერულ იდენტურობის სტერეოტიპი, მოლოდინის ფუნქციასთან მიმართებაში, იმთავითვე განწირულია შეხედულებათა ათვლის

წერტილზე, მათ მიჯაჭვულობაზე.

რა იგულისხმება:

/ლინგვისტიკა/ ფანტაზიორი ქალი, (არ აღიქმება, როგორც რისკფაქტორი, პირიქით, ხშირ შემთხვევაში მისასალმებელია), ხოლო ფანტაზიორი კაცი - ასოციალური შემთხვევაა, არ არის ქაცური.

/ტრადიცია/ ქალი - ფანტაზიორი - დადებითი ატიტუდი; კაცი - ფანტაზიორი - საეჭვო, არასტაბილური პიროვნება.

/სქესის იდენტიფიკაცია/ გაჭირვებისას ქალი აქტიურად ასრულებს ნებისმიერ სამუშაოს, შეუძლია სხვადასხვა სახის შრომა, მოერგოს სიტუაციას და ამავე დროს არ იყოს ფრუსტრირებული. მას აქვს დიდი გამოცდილება ფანტაზიაში და წარმოდგენებში. ამიტომ რელალუობასთან მორგება, კომპრომისი, დაქვემდებარება ქალისთვის ჩვეული საქმეა. ამის ერთ-ერთი ყოფითი მაგალითად შეიძლება განვიხილოთ იძულებით გადაადგილებულ პირთა ლტოლვილთა (მხედველობაში მყავს ქალი წარმომადგენლები) უფრი სწრაფი აღაპტაცია მამაკაცებთან შედარებით.

/ლიტერატურა/ სიზმარი და დამოკიდებულება სიზმრისადმი.

/სექსუალობა/ მოლოდინების მუდმივობა გაპირობებულია ქალის სექსუალობით. ქალის სექსუალობა არის ქალის მუდმივი მზაობა. მზაობა ქალისა, როგორც ობიექტის ისე სუბიექტის.

შეგუება არის ძალადობა მოლოდინებზე.

სქესის მეტაფიზიკური პერიოდის გავლენა მოლოდინებზე

მეტაფიზიკური პერიოდი ქალის სუბიექტივიზმის ონტოგენეზში.

ფუნქცია, როგორც მოლოდინის ბივალენტური მატერიალიზაცია.

იდენტიფიკაცია სქესთან.

რა განსაზღვრავს პრიორიტეტულად მოლოდინის სტრუქტურას მეტაფიზიკურ (თრანს ატურამ – ლათინური გამოთქმა, შეესაბამება ბერძნული – მეტაფიზიკა – “ბუნების ზღვარს იქნეთ”. თუ ბუნებაში ვგულისხმობთ მატერიას, მეტაფიზიკად განისაზღვრება ყველაფერი ის, რაც არ არის მატერიალური), და სქესთან იდენტურ პერიოდთან მიმართებაში მოლოდინის, როგორც თავისთავადობის სტრუქტურულ ერთეულს ქალის სუბიექტივიზმთან მიმართებაში? მეტაფიზიკური პერიოდი სხვადასხვაგარადა განაწილებული ქალისა და კაცის ონტოგენეზში. მეტაფიზიკურ მდგომარეობა გენდერული იდენტიფიკაციის წლებში იწყება დაბადებიდან მენსტრუალური ციკლის დაწყებამდე. აღსანიშნავია, რომ საქართველოს სინამდვილეში ეს პერიოდი გაიგივებულია და იდენტურია მდგრადითი სქესის ინდივიდის დეფლორაციასთან. ეს ის პერიოდია, როცა ქალობა და ქალის სქესი სოციალურად მიკუთვნებული როლია.

კაცისთვის კი მეტაფიზიკური მდგომარეობა/პერიოდი იწყება დაბადებიდან, გრძელდება სასქესო ორგანოების მომწიფებამდე. ეს არის სქესის მეტაფიზიკური პერიოდის პირველი ეტაპი. მეორე ეტაპი, პისტიტეტიზიზიკური პერიოდი, იწყება კაცის, მამრობითი ინდივიდის

კლიმაქსის პერიოდიდან და გრძელდება სიცოცხლის ბოლომდე. თუ მეტაფიზიკური პერიოდი, ორივე სქესის შემთხვევაში, თავიდან არის ბავშვობის პერიოდთან იდენტური მაშინ, კაცებთან მიმართებაში ამ პერიოდის ხელახალი შემოსვლა, მართალია უკვე პოსტმეტაფიზიკური პერიოდის სახით, შეიძლება იწვევდეს ინფანტილიზმის გამოვლენას. ეს უკანასკნელი თავისთავად კორელაციაში შეიძლება იყოს მოლოდინის ვექტორის შებრუნებასთან ვექტორით უკან. ეს, თავისთავად, შეიძლება იყოს მიზეზი ბევრი ფიზიოლოგიური და ფსიქოლოგიური პროცესების გაუარესების, პესიმისტური ან აგრესიული გამოვლინებების; შეიძლება იწვევდეს მნიშვნელოვან უარყოფით ატიტუტს. ქალებთან მიმართებაში კი, მოლოდინების ვექტორის ინერცია გვაძლევს საფუძველს, ვიფიქროთ, რომ მოლოდინების ბივალენტობა, ხშირ შემთხვევაში, სრულიადაც არ არის ქალის სუბიექტივიზმის დამანგრეველი ძალა (განსაკუთრებით, მატერიალიზებული მოლოდინის მინუს ნიშნით მიღება). ზოგადი მოლოდინები არის ქალის სუბიექტივიზმის მამოძრავებელი ლოკომოტივი. ქალის მეტაფიზიკური პერიოდი აღარ მეორდება ინდივიდის სიცოცხლეში და ე.ი. ქალებთან მიმართებაში არ გვაქვს პოსტმეტაფიზიკური პერიოდი, რომელიც ერთგვარად დააუბრუნებდა მას ბავშვობის პერიოდში. მაშინ, როგორ ახერხებს პატრიარქალური კულტურა, ტრადიცია, რომ ქალი და ბავშვი დააყენოს მამაკაცზე დაქვემდებარებულ ერთ ხაზზე? რაში მდგომარეობს მმართველთა “მოგება” ამ შემთხვევაში? სწორედ ის ქვეცნობიერი მოლოდინი კაცისა, რომ მას თვითონ ელოდება პოსტმეტაფიზიკური პერიოდი, აძლევს საფუძველს, რომ ქალი გააიღოვოს ბავშვთან კულტურულ, ტრადიციულ, რელიგიურ დისკურსში და ამით - დაიქვემდებაროს.

“როგორ დალაგდა სქესის პრობლემა კლასიკურ მეტაფიზიკაში? და თუ ის საერთოდ არ გამოვლინდა (პრობლემა) არა იმიტომ, რომ მეტაფიზიკა თავისი მიმართულებებით შეგნებულად მასკულინური იყო, არამედ იმიტომ, რომ ის აცხადებდა პრეტენზიას, ესაუბრა ნეიტრალური წერტილიდან, რომელიც აღიმართება სქესთაშორის განსხვავებათა ზევით. მაგრამ სქესი იმ ტექსტებში მაინც მონაწილეობს, განსაკუთრებით თუ ყერადღებას მივაპყრობთ მათ პერიფერიას, მეტაფორებს, რომლითაც ეს ფილოსოფია სარგებლობდა. თავის არსები ის სამუშაოები ტარდებოდა და ტარდება როგორც დეკონსტრუქცია, რომელიც, თავის მხრივ თანამედროვე ფერინიზმის ერთ-ერთი სათავეა”. ჰემატეტიკური მოლოდინი, თავის მხრივ თანამედროვე ფერინიზმის ერთ-ერთი სათავეა. მისი მოლოდინი კაცისა, რაც თავისთავად იწვევს მოლოდინის გადინების ილუზიას და ფრუსტრაციას.

ფრუსტრაცია = მოლოდინი - რეალობა.

ტაპი (არ იგულისხმება ქალი), წავიდა ფეხბურთზე; მოლოდინი იყო მოგება, რეალობა - წაგება. (მაიერსი, “სოციალური ფსიქოლოგია”).

მაშინ მოლოდინი = ფრუსტრაცია + რეალობა

დევიაციის (დევიანტური პიროვნება) სამი ძირითადი კომპონენტი: ადამიანი, რომელსაც ახასიათებს გარკვეული ქცევა, მოლოდინი, ან ნორმა, რომელიც არის დევიანტური ქცევის შეფასების კრიტერიუმი, და სხვა ადამიანი, ადამიანთა ჯგუფი ან ორგანიზაცია, რომელიც რეაგირებს ამ ქცევაზე. (ნეილ სმელზერი - სოციოლოგია - გვ. 210 მოსკოვი, 1994).

ქალის აქტიურობა, პატრიარქალურ საზოგადოებებში, ჩათვლილია, როგორც დევიანტური ქცევა, ხოლო საზოგადოების/ინდივიდის მოლოდინები ქალზე იმთავითვე გულისხმობს მის

პასიურობას. მაგალითად, ჩვენს საზოგადოებაში ნორმალურად ითვლება კაცისგან, თუ ის ტელეფონით ურეკავს ქალს, ხოლო საპირისპირო შემთხვევაში, ქალის ქცევა დევიანტურად არის მიჩნეული, (თუ ქალმა არ მიმართა რაიმე ხერხს, მაგალითად არ მოიმიზება გადაუდებელი საქმე და სხვა).

დევიანტური ქცევის ტიპოლოგია რ. მერტონის მიხედვით: ტოტალური კონფორმიზმი (არადევიანტური ქცევის ერთადერთი ტიპი); ინოვატური ქცევა (რეკეტი); რიტუალიზმი (ბიუროკრატი); რეტრეატიზმი (გაქცევა სინამდვილიდან, რეალობიდან); ბუნტი (მოაქცს ძველი მიზნებისა და საშუალებების შეცვლა ახლით).

გამოცდილება

ჰიპოთეზები:

1. რეალისტური მოლოდინები აადვილებს, წინ სწევს ადაპტაციას. ჭეისსმან ანდ ურნკამ 1987.

მოლოდინები და გამოცდილებები დროებითი მაცხოვრებლების (სოჯოურნერს) თუმცა, კვლევის შედეგებში (კვლევა ჩატარდა ახალი ზელანდის 20 სკოლაში) აღინიშნა, რომ რეალისტური მოლოდინები (დაფიქსირდა სრული სხვაობა მოლოდინებსა და გამოცდილებას შორის) არ არის დაკავშირებული, არ ახდენს გავლენას ფსიქოლოგიურ ადაპტაციაზე. ასევე გამოკვლეულ იქნა განსხვავებები, რომ როცა გამოცდილება უფრო რთული იყო, ვიღრე მოლოდინი (ვიღრე მოელოდნენ), დროებითი მაცხოვრებლები უფრო მეტად ასოცირებულნი იყვნენ ფსიქოლოგიურად დისტრესსთან, განცდასთან, უბედურებასთან.

კორელაცია - მოლოდინების სირთულეებთან, გამოცდილების სირთულეებთან, ფსიქოლოგიურ ადაპტაციასთან. იმავე დროს, რეალისტური მოლოდინები იყო აღებული როგორც აბსოლუტურად სხვა, ცალკე ერთეული მოსალოდნელ და გამოცდილ სირთულეებთან ერთად. Joy Rogers & Collen Ward - "Expectation-Experience Discrepancies and Psychological Adjustment during Cross-Cultural Reentry", International Journal of Intercultural Relations, Vol. 17, pp. 185-196, 1993.

მოლოდინები და ღირებულებები

მოლოდინები არის ფუნქცია ადამიანის ძალისხმევა წარსულის ხელახალი გამყარებისა. ისევე, როგორც, შედეგთა სუბიექტური ღირებულება არის ფუნქცია წინა ცოდნისა. ადამიანის სუბიექტური მოლოდინები შესაძლებელ (მოსალოდნელი) შედეგებთან მიმართებაში ასახავს წარსულ (ნასწავლ) გამოცდილებას კონკრეტული შემთხვევის შესაბამისობით. წეტროდუცტიონ ტო ერსონალიტყ - ჭალტერ ისცპელ; შტანფორდ ნივერსიტყ, 1981. როტერის ფორმულირებით: ზოგადი მოლოდინები გამომდინარეობენ სიტუაციიდან და მის გარშემო მოიაზრებიან, რომ იყვნენ როგორც უფრო სტაბილური და თანმხვედრი.

მოლოდინები და ლექსიკა

ქალო, სულ ელი?

ქალია და სულელია, სულ ელის

ქალი იჯდა და ბედს ელოდებოდა

ქალი ისე უნდა დაასაქმო, რომ თავისუფალი დრო არ დარჩეს, თორემ ეშმაკი შეუჩნდებაო.

გელოდი - ვაჟის საკუთარი სახელი;

არგელოდი - ქალის საკუთარი სახელი;

ელისო – ქალის საკ. სახ.

ვისელი – ქალის საკ. სახ.

ვისია - ქალის საკ. სახ. (ალბათ, სიმღერის გავლენაა: “ვისია, ვისია, ქალი ლამაზი”).

ნამეტი - ქალის საკ. სახ.

ტოჩკა - ქალის საკ. სახ.

მამაკაცთა მოლოდინი ქალის, როგორც მეუღლის მიმართ – ქალი მისი მონა/პოვარი გახდება.
მოსალოდნელი: სოცოცხლის ხანგრძლივობა (სოციოლოგიური მონაცემებით); ამინდი;

მოლოდინი:

ქალისთვის: ბავშვი, საყვარელი ქმარი, ოჯახი, საქმე.

კაცისთვის: სამსახური, მეგობრების წრე, ფინანსები, ოჯახი, ცოლი - მონა/პოვარი

მოულოდნელი:

ქალისთვის: კაცისაგან “ქალივით” მოქცევა

კაცისთვის: ქალისაგან “კაცური” მოქცევა

ვალდბულებათა როლური გადანაწილება.

დაკაფიებულებული ქალი, ქალი, რომელიც დააკმაყოფილეს. ამასაც, თავის მხრივ უარყოფითი
აღქმა აქვს საზოგადოებრიობისგან (“სარა: შეჭამე ლიმონი”)

კმაყოფილი კაცი, კაცი, რომელიც თვითონ მიიღებს, აიღებს დაკმაყოფილებას.

“მთელი ბავშვობის პერიოდში გოგონას თრგუნავენ და ამანინჯებენ. ურთიერთობებში
მშობლებთან, მეგობრებთან, სწავლაში, თამაშში ის იქცევა როგორც არსება, რომელსაც
შეუძლია ტრანსცენდენცია, მისი მომავალი პასიურობა მას მხოლოდ ეჩვენება. იმის მერე,
რაც დადგება მისთვის სქესობრივი მომწიფების პერიოდი, ეს მომავალი არა მარტო
ახლოვდება, არამედ მისი სხეულის შემადგენელი ნაწილი ხდება, გარდაიქმნება სწორედ რომ
კონკრეტულ რეალობად. ეს - ფატალური და ერთხელ და სამუდამოდ მისჯილი მომავალი:
ამავე დროს ბიჭები აქტიურად იკვალავენ გზას ზრდასრულთა ცხოვრებისაკნ, გოგონა
ელოდება ამ ახალი (სიურეალური ან ფსევდორეალური) პერიოდის დაწყებას. და, მართალია
“ის, ახალი პერიოდი” მისთვის სრულიად უცნობია, მაგრამ მისი კონტურები უკვე
გამოკვეთილია; გოგონას მისკენ მიაქანებს დრო. ბავშვობა დარჩა უკან, ახლანდელი დრო
მისთვის - ეს მხოლოდ გადასვლაა ერთი მდგომარეობიდან მეორეში; ფუსფუსი, რომელშიც
არ ამოიცნობა მნიშვნელოვანი მიზანი. ის, გოგონა ანიავებს, ფუჭად ხარჯავს თავის
ახალგაზრდობას მოლოდინზე, რომელიც ფარულია ან აღიარებული, გულახდილი. ის
ელოდება მამაკაცს.” Simone de Beauvoir, Le Deuxième Sexe, Gallimard, 1949. p.366.

მოლოდინები კონფლიქტის მოგვარებაში ქალის როლზე

“ქალზეა დამოკიდებული ოჯახის მორალური სახე, ოჯახის წევრებს შორის ნორმალური
ურთიერთობების დამყარება, მამაკაცის ბუნების შერბილება, ოჯახის სიმტკიცისა და ოჯახში
მშვიდობის დამყარება”. იქვე: “ქალის სტატუსს იჯახში განსაზღვრავს ის, რომ ქალი არის
ეთნიკური ტრადიციების დაცვისა და მემკვიდრეობით გადაცემის მექანიზმის მთავარი
მამოძრავებელი ძალა, იმ ტრადიციებისა, რომელთაც საუკუნეების მანძილზე ქმნიდა ხალხის
საწარმო, ყოფითი და სულიერი კულტურა. ქალი არეგულირებს და წარმართავს ოჯახის
წევრების ქცევის სოციალურ-ეკონომიკურ, ყოფით, ფსიქოლოგიურ ნორმებს; იგი ასრულებს
საწესრეულებო კულტურასთან დაკავშირებულ ძირითად რიტუალებს და, ბოლოს, ქალია
ოჯახში თაობების დამაკავშირებელი რგოლი. საზოგადოებრივი ქცევის ნორმების - ეტიკეტის
დამცველიცა და შემსრულებელიც ქალია”. ლ. მელიქიშვილი “კონფლიქტური სიტუაციები

პოლიეთნიკურ საზოგადოებაში” გვ. 218, 1998 წ. მშვიდობის, დემოკრატიისა და განვითარების კავკასიური ინსტიტუტი.

დღეს მსოფლიოში ახალი ტალღა წამოვიდა. ეწყობა დისკუსიები და კონფერენციები, იხარჯება უდიდესი სახსრები იმაზე, რომ გააქტიურდეს ქალი, ქალის როლი კონფლიქტების მოგვარების საქმეში. დღეს ამაზე საუბარი მოდაშია და ყველა სახელმწიფო, ორგანიზაცია, მკვლევარი თუ მეცნიერი ცდილობს, ეს თემა წინ წამოწიოს და სხვადასხვა დისკურსში განიხილოს, ერთგვარად ხარკი გაიღონ მოდისთვის.

თითქოს და რა უნდა აღელვებდეს ვინმეს, ან რა ამოქმედებდეს ამისთანა ჰუმანური მიმართულების წინააღმდეგ. კონფლიქტები ხომ ასე დესტრუქციულია და დამღუპველი. მით უფრო, შეიარაღებული კონფლიქტები. დახოცილია ამდენი ადამიანი. ამათგან, უფრო მეტი მამაკაცი. და გადაწყდა, რომ ქალმა უნდა უშველოს მსოფლიოს. ე.ი. მამაკაცებმა იომონ, ქალებმა კი - მოაგვარონ.

მეორეს შხრივ, ეს ჩვეული ქცევაა ქალის მიმართ: ქალებს მიუჩინონ მოქმედების ნიშა. წამოიწყონ კამპანია და საზეიმოდ გადასცენ დამატებით კიდევ ერთი როლი.

რა თქმა უნდა, ქალს შეუძლია იტვირთოს დამატებით კიდევ ის როლი, რომელიც სახოგადოების მოლოდინებისგან მომდინარეობს. და რაღა თქმა უნდა, ქალი იმას, დამატებით როლს, ისევე შეუპოვრად და გულისხმიერად შეასრულებს, მხოლოდ, დღეს აღარ არის საჭირო, რომ ამ დამატებით ფუნქციას მოვუძებოთ გამართლება ღრმა ისტორიული ფესვებით, რომ ამ ფუნქციას ისტორიულ-ეთნიკურ-რელიგიურ-კულტურულ-ტრადიციულ და ა.შ. განპირობებულობა მოვანიჭოთ. ამით ის სრულიადაც არ შეიძლება გავხადოთ აუცილებელი, ჩვეული და მოსალოდნელი ქალისგან. ეს იქნებოდა სწორედ მოლოდინებით ქალის ზომბირება, როცა არ ვუტოვებთ პიროვნულ სივრცეს - არჩევანს - და ე.ი. თავისუფლებას.

დასასრულ,

ჩემი მოლოდინები ნაწერთან მიმართებაში:

- მოლოდინები, როგორც ცალკე კატეგორია;
- ქალის ზომბირება მოლოდინებით;
- საზოგადოების, ხალხების, ინდივიდთა მოლოდინებით მანიპულირება ხელისუფლების მმართველიობითი სტრუქტურებიდან;
- შექმნილი კულტურისა და ტრადიციების მოხერხებული გამოყენება ახალი ლოზუნგების შესაქმნელად;
- ახალი როლების “დამატება” ორივე სქესის წარმომადგენლებზე, როგორც “ძველთაძველი იდეა”, ნიადაგი კი ისევ (ჩვეული) მოლოდინებია.

“პირველი რუსი”

ლაშა ბუღაძე

ქრისტიანებო!

ათი მცნება ხო იცით? იცით. არა ესა, არა ისა... მოკლედ, სულ ათი - არა.

მაგრამ არის მეთერთმეტეც!

ქრისტიანმა კაცმა, შენნაირმა ანუ, იცის რომ დაწერილს ურჯულოსავით მარჯვნიდან მარცხნივ ვერ წაიკითხავს. ვერ წაიკითხავს და არც წაიკითხავს! ერთი სიტყვით, ვერც და არც, რადგან ბავშვმაც კი უწყის, რომ ყოველივე უკუღმართი - ემმაკისგანაა!

არადა, იძულებული ხარ ერთხელ მაინც გაუსინჯო გემო! აქედან იქით კი არ გადაფურცლო - იქიდან აქეთ, და თან ქრისტიანადაც დარჩე, ისე როგორ?!?

თურმე, ახალგარდაცვლილის სული, თავის ცხოვრებას ხელახლა გადის, ოღონდ უკუღმა - სიკვდილიდან დაბადებამდე.

აპა, ესეც თქვენი მეთერთმეტე: არ მოკვდე!

ქრისტიანებო, უკუღმართად დაწერილი ისტორია უნდა წაგაკითხოთ მეფეთ მეფე თამარის სუე უბედურ რუს ქმარზე! რაც ბასილი ეზოსმოძუარმა არ დაწერა, ის მე უნდა გიამბოთ. მერე კი იქამდეც მივიღე, რუსმა კაცმა მუხლებქვეშ მუთაქა, რო ამოიღო...

ღმერთმანი, დიდი კადნიერებაა შენი მეფეთ მეფეის საქორწინო ღამე აღწერო და მემატიანეთა მიერ დაფარული საიდუმლო გაუმჟღავნო თანამედროვე ქრისტიან მკითხველს, სიტყვაც კი არ დაგცდეს ორბელთა ამბოხების, ბასიანის ბრძოლის, ტრაპიზონის სამეფოს შექმნისა და იმ დროის სამოხელეო წყობისა, თუ სოფლის მეურნეობის შესახებ და ყველაფერ ამის მაგივრად „ბაბილონის სენით“ დაავადებული რუსი კაცის ამბავი მოყვე! მაგრამ რას იზამ - ცოდვა გამხელილი სჯობს!

ახლა სარჩევო.

ქვემოთ წაიკითხავთ: გიორგი მესამეს დაკრძალვას, თამარის გამეფებას, მის ქორწილსა და სიკვდილს, გაეცნობით სუე უბედური რუსის ბიოგრაფიას, გაიგონებთ კრუხთა კრიახს და დიდებულთა, სპასპეტთა და ერისთავთა დაბნეულობის, სასოწარკვეთის მოწმენიც გახდებით. სულ ბოლოს კი / ანუ, პირველ თავში /, ჩემთან ერთად, საქორწინო სარეცელის ქვეშ დაუდარაჯდებით მეფეთ მეფესა და იურის...

კინაღამ დამავიწყდა! სადღაც შუაში, მარტი მოვა და მოთხოვობაში ერთი ფისუნიაც გამოჩნდება. მასაც არ დააღება კარგი დღე!

ესე იგი, აქედან იქით კი არ გადაფურცლოთ - იქიდან აქეთო, არა?

ჰოდა, თუ ასეა, თამარის სიკვდილით დავიწყოთ.

ქრისტიანებო, ჩვენს მეფეთ მეფეს სიკვდილის წინ თმა დასცვენია.

4

...ზამთარი იდგა. ათას ორას მერომელილაცე წლის ოცდაშვიდი იანვარი. თან მაშინდელი ოცდაშვიდი იანვარი.

ყველასაგან განსხვავებული, განსაკუთრებული ერი კი ვიყავით, მაგრამ ჩიტი, ისე როგორც სხვაგან, ზამთარში აქაც არ გალობდა.

მიუხედავად ამისა, მათ ნაკლებობას მაშინდელ მსოფლიოში არავინ განიცდიდა, მაგრამ აი, ქალი-მეფებისა კი რა გითხრათ?! ჯერ სად იყო შეშლილი ხუანა, ანდაც ბართლომეს ღამის ხელდასისხლული კატო, ჩვენთან რომ დედაკაცი განაგებდა სახელმწიფო საქმეებს!

თანაც, როგორ? უკეთესად, რომ არ შეიძლება.

მაგრამ ათას ორას მერომელილაცე წლის ოცდაშვიდი იანვარი იდგა და კვდებოდა ეს ქალი. კვდებოდა, რადგან ზოგჯერ მეფეთ მეფე ქალებიც კვდებიან.

უთოვლი ზამთარი იყო / ყოფილა კი ოდესმე ჩვენთან თოვლიანი ზამთარი? /, თოვლს მთის წვერზე თუ შეამჩნევდი, იმასაც უნისლო ამინდში. ხანდახან კი წამოცრიდა ხოლმე, მაგრამ ვერ გაიგებდი ეს თოვლი იყო, თუ წვიმა - გამჭვირვალე და პაერშივე დამდნარი.

მოკლედ, ზამთარს კოცონთან მოკუნტული მაწამწალა ფინია გახსენებდა მხოლოდ.

მაგრამ მეფეთ მეფის სიკვდილი კი მაინც მოგვიტანა ასეთმა უთოვლო ზამთარმა.

ჩვენი გამაოხრებელი სენი, რომელიც დღითი-დღე მძიმდებოდა, ჯერ კიდევ ზაფხულში აღმოაჩნდა თამარს: დაუძლურდა, კურთხეული სახე და ხელ-ფეხი დაუსივდა, თმა დასცვივდა და რა აღარ დაემართა, ერთი სიტყვით.

ოხერი სენით ის ადგილი შეუბილწა სატანამ, საიდანაც მემკვიდრე უნდა გამოეგდო თავის დროზე / ეს ამბავი გუშინ არ მომხდარა და ამიტომ თამარის ავადმყოფობას სენს ვარქმევ, თორებ ისე საშვილოსნოს კიბო ჰქონდა /.

ჯანმრთელად, რომ არ იყო, არ უნდოდა ამის გამზელა, – ითმენდა, მალავდა, დუმდა, როგორც მაშინ, იურის დროს, ორი წელიწადი რო უთმინა...

მეფეთ მეფე სიტყვას არ გაუცია. გასცა სახემ – კურთხეულმა, დასიებულმა ხელ-ფეხმა და სიქაჩლე!

პოდა შემოკრეს მაშინვე ზარებს, დაიწყეს წირვა-ლოცვა და ლამისთევა – ეგება და, როგორმე ეშველოს ჩვენს თამარსო!

მაგრამ ზოგიერთი კი არ ლოცულობდა, აი ამას ფიქრობდა: თითქმის ოცდახუთი წელიწადია მეფობს და მეტი რაღა უნდაო?!?

ვინც მისი მეფობის დასასრულს მოესწრო, დასაწყისი აღარ ახსოვდა და იმიტომ.

დიდხანსაც მაშინ არავინ ცოცხლობდა. ხუთი ათეული წელი უკვე ბევრი იყო – საუკუნედ ითვლებოდა.

ბოლო თვე თავისი ფეხით აღარც უვლია თამარს. სულ კუბოთი დაატარებდნენ აქეთ-იქით, მაგრამ ეს ის კუბო კი არაა, ჩვენში სასახლესაც, რომ ეძახიან, – ეს სხვა კუბოა. საბა-სულხანს მოუსმინეთ: ესე არს ქალთა და კაცთა ჩასაჯდომელი აქლემთა ასაკიდებელი, გინა ხელით სატარებელი.

პოდა, დააწვენდნენ ხოლმე ზედ და ბრძანებებს ელოდებოდნენ, ის კი დუმდა. სიტყვებს სიკვდილისათვის ინახავდა.

მოკლედ, ჰავის აღწერით განვაგრძოთ თხრობა:

ცრიდა. იანვრის ბოლო იყო. ოცდამეშვიდე დღე. ოდინდელი საქართველოს სუსხი იდგა გარეთ. შიგნით კი, სასახლეში, სასიკვდილო სარეცელზე მეფეთ მეფე იწვა – უთმო, უსიტყვო, მარტოხელა... თუმცა, ოცი-ოცდათი კაცი კი ედგა იქვე, სულ ახლოს მამაო – პატრიარქი.

სიკვდილის წინ თამარს ხმა ამოულია და რაც სხვების გასაგონად უთქვამს, ეს არის: „ქრისტე, ღმერთო ჩემო მხოლოდ, დაუსრულებელო მეუფეო ცათა და ქუეყანისაო! შენ შეგავედრებ სამეფოსა ამას, რომელი შენ მიერ მერწმუნა და ერსა ამას, პატრონითა სისხლითა შენითა მოსყიდულსა და შვილთა ამათ ჩემთა, რომელი შენ მომცენ, და მერმე სულსა ჩემსა!”

გულში კი უფლისათვის ასე მიუმართავს:

„იქ მიწევს სიკვდილი, სადაც ქორწილის პირველ ღამეს კურთხეული ნაყოფი უნდა გამოელო, მაგრამ შენ კი კარგად უწყი უფალო, სინამდვილეში ვისი პირველი ღამეც იყო ესე?.. ვინ იყო ჭეშმარიტი რძალი? მე – მეფეთ მეფეი საქართველოსი, თუ...

ქვესკნელში მოთარეშე სულს – როგორი ძაღლისგავარდნილიც არ უნდა იყოს – იცი, უფალო, რომ მაინც შეგავედრებ, მაგრამ არის ერთი, ვისი გადარჩენაც ერთხელ სიკვდილს არ მაკარებს და მკვდარს, კიდევ ერთხელ მომკლავს!

... იურიზე მოგახსენებ, გვარად ბოგოლიუბსკიზე – სუე უბედურ რუს კაცზე, იმ წყეული დამის ჭეშმარიტ ბატონ-პატრონზე!

უფალო იესო! ამორე განკითხვის დღეს შენი რისხვა ყველა სულიერს – მის გარდა! დე, საუკუნო ცეცხლოვანმა გეენამ შთანთქას მისი უბადრუეკი სული, არ ეღირსოს...” და ა.შ.

ქალი იყო თამარი და მამაკაცის საქმეს აკეთებდა, ბევრ მამაკაცზე უკეთ, მაგრამ მაინც ქალურად მოკვდა. კაცურად არ მომკვდარა. მიაწყევლა ვიღაც, სანამ სულს დალევდა – ღმერთთან დაიჩივლა. ყველას აპატია, ერთი კაცის გარდა.

ეს ამბავი კი ამ კაცზეა.

მეფეთ მეფე ათას ორას ცამეტ წელს გარდაცვლილა. ხოლო საქართველოს, როგორც
ყოველთვის, ლექსად გადმოჰვრია ცრემლი:

დედა ქართლისა თამარი,
ბევრიც ვიტიროთ, სად არი?

მოკლედ, იმ ზამთარზე ლაპარაკს აქ მოვრჩეთ. შევისვენოთ. მამაო ჩვენო ვთქვათ,
ვიტრაპეზოთ და მერე თხრობაც განვაგრძოთ.

3

ახლა რიცხვებს უყურეთ:

თამარ მეფე ხო ოცდაშვიდ იანვარს გარდაიცვალა? მამამისი, გიორგი მესამე ოცდაშვიდ
მარტს.

მამა-შვილის სიკვდილის რიცხვი ყოფილა ეს ოცდაშვიდი.

ჯერ ქალი არც ეთქმოდა, როცა მამა მოუკევდა. თუმცა, უკვე აღარც ბავშვი იყო. იგლოვა,
ილოცა, მაგრამ ვერც პირველით წამოაყენა მამა საფლავიდან და ვერც მეორეთი. ბოლოს,
ტახტზეც ავიდა. ამის შესახებ წიგნებში რები წავიკითხე, ახლავე მოგიყვებით, ძალიან
მოკლედ:

თურმე, რომ მორჩინენ მწუხარებასა და გლოვას, შეიყარნენ დიდებულები /შვიდთავე
სამეფოთანი – იქ ასე წერია! / და თამარს მამიდის პირით შეუთვალეს, რომ მან / უსმინეთ!
/ „ხელ-ყოს ხელითა მეფობასა და კურთხევითა გვირგვინოსან ყოფად, აღვიდეს, ამაღლდეს
და დაჯდეს საყდართა თვისთა მამათასა.”

გოგონაც დათანხმებულა, ანუ „დამორჩილდა პირველსავე ბრძანებასა აწ კადრებულსა
დიდებულთა შვიდთავე სამეფოთასა.”

ერთი სიტყვით, საგანგებოდ შეკრებილმა საქართველოს დიდებულთა ბჭობამ ღირსეულად
შეასრულა თავისი მოვალეობა და თამარი – ქალი მამაკაცის თანასწორ უფლების ღირსად
სცნო, გაამეფა და ორი საპატიო მანდილოსანიც მიუჩინა დაქალად: ხუაშაქი ცოქალი და
კრავაი ჯაყელი – მომავალში ცნობილი დედები, უწარჩინებულესი ჭკვიანი ქალები.
დიდის ამბით და ზემით იყო თვით დაგვირგვინების წესი მოწყობილი. ნახეთ: „ჰკრეს
სპერჭურთა, ბუკთა, ქოსთა და წინწილთა და იყო ზარი და ზეპიმი ქალაქსა შინა, სიხარული
და შუება.”

/ ნუ დაიზარებთ, ხმამაღლა წაიკითხეთ! /

ჰკრეს სპერჭურთა ბუკთა ქოსთა და წინწილთა და იყო ზარი და ზეპიმი ქალაქსა შინა
სიხარული და შუება

კაცმა არ იცის, როგორ გამოიყურებოდა მაშინ თამარი! ან ხმა, როგორი ჰქონდა? ქართველ
ქალებს, რო ხმები აქვთ, ალბათ ისეთი – სადღაც მოუქნელი და სადღაც სასიამოვნოც.
უკანალი ჩავარდილი – ანუ ქართული. ოდნავ შესამჩნევი ღინღლი ნორჩ სახეზე – ესეც
ქართული. ჯანმრთელი თმა და გადაბმული წარბები, როგორც ფრესკაზეა.

ქალი ტახტზე ავიდა! პატრიარქმაც აკურთხა. მერე ცოტა ხნით განმარტოვდა – ლექსი უნდა
დაეწერა. მეფეები ხო ლექსებს წერდნენ! სიტყვები ღვთისმშობელს მიუძღვნა, იმ დღეს ბარე
მეათედ პირველი გამოისახა და ხელადვე ცოდვაში ჩადგა ფეხი – სახალხო მისანი მიღლო.
მისანიც ქალი გახკლდათ.

შეხედეთ. მახინჯია, არა? რატოა ასეთი? ავადმყოფია და იმიტომ. წიგნებში წერია:
ფილენჯის სენი სჭირდა და სიმდაბლე მოსდიოდა, მოეღებოდა ენა, ხელი და ფეხი.

თამარს ცხვირწინ ჩამოუჯდა, თავი აიტირა, თმა აიწერა, აიფოფრა და უახლოესი ხუთი წელიწადი შეუსვენებლად უწინასწარმეტყველა. სულ ტყეუილები, რა თქმა უნდა. ან კი მისანი მართალს რას გეტყვის – ეშმაკულია!

/ პირველი გამოისახეთ /

დაპირდა – თუკი ვიცოცხლე, ხუთი წლის თავზეც მოვალ და, ჩვენებურად რომ ვთქვათ, დანარჩენ ხუთწლედებსაც გიწინასწარმეტყველებო.

ერთი კი უთხრა მართალი, მაგრამ შემთხვევით, აღბათ: მალე გათხოვდები და პირმშვენიერი ქმარი გეყოლებათ.

აქ შეგიძლიათ კითხვას თავიც დაანებოთ, რადგან მერე სულ იური რუსზეა.

2

მართლაც, მისნის სტუმრობიდან დიდი დრო არ გასულა, რომ შეიკრიბნენ რუსუდან დედოფალი, პატრიარქი, რამდენიმე დიდებული, ერთი-ორი ერისთავი და გადაწყვიტეს, რომ თამა-რისათვის ქმარი ეშოვნათ.

ქართველები მაშინაც ისეთივე ჭკუისკოლოფები იყვნენ, როგორც მეოთვრამეტე საუკუნეში ტრაქტატზე ხელისმოწერის დროს და, როგორებიც ახლა არიან, ჰოდა გაიხედ-გამოიხედეს, - მსოფლიო, რასაკვირველია, დიდი იყო, მაგრამ არჩევანი მაინც სამეზობლოზე, ჩრდილოეთზე გაკეთდა. რატომ ვიწვალოთ, ბარემ აქვეა, იფიქრეს.

და აი, ჩვენს ამბავში შემოდის მთავარი გმირი – ჭეშმარიტი ბატონ-პატრონი საქართველოს მეფეთ მეფე თამარის საქორწინო ღამისა და საშინელ ცოდვაში მხილებული იური.

მაგრამ ამაზე ქვემოთ. ჯერ ბიოგრაფიულ ცნობებს გავეცნოთ.

გიორგი /იური/ უფლისწული როსტოვ-სუზდალის დიდი მთავრის ანდრიას შვილი ყოფილა. ათას ას სამოცდათორმეტ წელს ანდრია ბოგოლიუბსკის თავისი შვილი იური ნოვგოროდის მთავრად გაუგზავნია რიურიკის ნაცვლად, მაგრამ მალევე სახელოვანი დიდმთავარი აჯანყებულ ბოიარებს მოუკლავთ და როსტოვ-სუზდალის სამთავროში გაბატონებულ დრუჟინის გაერთიანებულ სათათბიროსაც იური მეტისმეტად ახალგაზრდად მიუჩნევია გამთავრებისათვის. უფლისწული ათას ას სამოცდათხუთმეტ წელს გამოუგდიათ ნოვგოროდიდან. ნახეთ, როგორ წერს რუსი მემატიანე: ‘ Âնââäïïäà èç ֿîâäïïäà èíýçü ֿÄbääéy ‘. ეს უკანასკნელიც ჩრდილოეთ კავკაშიაში გადმოხვეწილა.

ციტატა აკადემიკოსი მეტრეველის წიგნიდან: „ქართველ დიდგვაჭართა მიერ აღმოჩენილი რუსი უფლისწული საქართველოს დიდგვარიან ფეოდალთა ერთი ნაწილისა და მოქალაქეთა ზედაფენისათვის მისაღები უნდა ყოფილიყო, რადგან დარბაზის წევრებისათვის მნიშვნელობა ჰქონდა იმ ფაქტს, რომ იური ანდრიას ძე ბოგოლიუბსკი დიდგვაროვანი ფეოდალი და მართმადიდებელი-ქრისტიანი იყო“.

კაი მართმადიდებელი გამოდგება – მუხლებქვეშ მუთაქას, რო ამოიდებს გაოგნებული ქალწული მეფეთ მეფის ცხვირწინ!

მაგრამ ეს მერე. მანამდე კი:

ხომ გახსოვთ ეს თავი როგორც დაიწყო? ახლა იგივე ხალხი უნდა ჩამოვთვალო.

შეიკრიბნენ რუსუდან დედოფალი, პატრიარქი, დიდებული და ერთი-ორი ერისთავიც.

შეიკრიბნენ და თამარს იური ბოგოლიუბსკის შესახებ აცნობეს. ამ სურათს ახლა ძველქართულად გაგიცოცხლებთ:

თამარმა სთქუა: კაცნო, ვითარ ღირს შეუტყუებელი ესე ქმნად? არა ვიცით კაცისა ამის უცხოსა ქცევა და საქმე, არცა მხედრობისა, არცა ბუნებისა, და არცა ქცევისა...

ხოლო დიდებული წინააღმდეგებოდეს თამარს, უშვილობასა მოახსენებდეს, სახლისა მისისა უნაყოფობასა დრტვინავდეს.

რუსუდანი: ... ირემსა ემსგავსებოდეს სახისა ოდენ მიხედვითა.

პატრიარქი: მაშ, მაშ! მოყმეა თურმე სახე-კეკლუცი, სრული ანაგებითა და საჩენი...

რას იფიქრებდა რუსუდანი, პატრიარქი, ანდაც რომელიმე აქ მდგომი დიდებული, რომ თამარისა და იურის ქორწილის წლისთავზე, სწორედ ამ დარბაზში, წვერცანცარა რუსი მეფე მათ საქონლის უკანალის შესახებ დაუსვამდა უხერხულ შეკითხვას: ხბოს უფრო წვრილი ხერელი აქვს, თუ გოჭსო?

წარმოიდგინეთ მეთორმეტე-მეცამეტე საუკუნის ბრძნი და წარჩინებული ქართველობა რუსი უფლისწულის წინაშე – ესენი ამაყნი, კენიანი ცხვირებით, მაგრამ საგონებელში ჩავარდნილი, ის კი მცქეტტავი, სხარტი ასუხის მოლოდინში.

მაგრამ ჯერ ესეც ადრეა. ჯერ არც კი იცნობენ თამარი და იური ერთმანეთს. თამარი ჯერ ხუაშაქისა და კრავაისაა.

– დიდად გუარიანი ყოფილაო, – ეუბნებოდა ლოფებშეწითლებულ თამარს კრავაი, – და სახითაცა არა უმარჯუ!

ეს იყო – მომიტევეთ უხეში შედარებისათვის – ქართული საჭორაო სკოლის რენესანსი, თუ დაბადება არა.

ტახტზე მიგორებული სამი ქართველი ქალი!

მათ დიალოგს ახლა ჩვეულებრივი ქართულით განვაგრძობ, რათა არც თქვენ გაწვალდეთ კითხვისას და არც მე წერისას.

– თუკი ნოვგოროდიდან გამოაგდეს, აღარ გვინდიხარო, ჩვენს თამარს რაში წაადგება მისი ცოლობა? – ხუაშაქმა თქვა.

– მართლმადიდებელი იყოს და სულ არ გვინდა მისი... როგნოლოვი! – გაიცინა კრავაიმ, – ჭეშმარიტი ქრისტიანი ისაა, ვინც უთვისტომოა... რომელმაც არც სახლი იცის და არც კარი, არც მშობელი და არც და-ძმა.

– მშობელზე უარი, როგორ უნდა თქვა? – აღშფოთდა ხუაშაქი – რას ამბობ, ქალო?..

– მე კი არა, უფალი ამბობს! – კრავაიმ თამარს გადახედა, – მე რას მიჯავრდება, ერთი ვიცოდე?!?

რაც შეეხება სასიძოს, მის ჩამოსაყვანად საეჭვო ღირსებების მქონე თბილისელი დიდვაჭარი ზანქან ზორაბაბელი გაიგზავნა. სწორედ ამ ზანქან ზორაბაბელთან ერთად გამოემართა იური საცოლესაკენ, რომელსაც პირველივე ღამეს უღალატებდა.

ქრისტიანებო! ხალხო! უბედურო ქართველებო! იცით კი ვისთან გილალატათ რუსმა იურიმ? იცით. პირველ თავს ხომ გადახედეთ? მაგრამ ვერაფერი გაიგეთ, არა?! ჰოდა მომყევით. მე ჯოჯოხეთის კარამდე მიგყვებით, დანარჩენი კი თქვენ იცით.

თამარს ნანახი არ ჰყავდა იური და უკვე უყვარდა, როგორც ეს სამხრეთელ ქალებს სჩვევიათ ხოლმე. მთელი თვე მასზე ფიქრობდა და რაც უფრო ახლოვდებოდა იურის ჩამოსვლის დღე, მით უფრო ნაკლებს ლაპარაკობდა. ასე იცოდა – რაიმე მნიშვნელოვანის მოახლოების წინ სიტყვებს კრუხივით აჯდა. სიკვდილის წინაც ასე არ იყო? ორი წელიწადი ხმა არ ამოულია. ბოლოს თქვა მხოლოდ რაღაც ლოცვისმაგვარი და იურიც მიაწყველა, ესეც თავისთვის, გულში.

მის წარმოიდგინაში შექმნილ რუსს მხოლოდ სიმაღლე დაემთხვა, თუ შეიძლება ასე ითქვას, ორიგინალისა. ასეთი ნათელი ფერის მამაკაცი და, საერთოდ, ადამიანი მანამდე არსად ენახა თამარს. კი იცოდა, რომ ჩრდილოეთში თეთრი ხალხი ცხოვრობდა, მაგრამ ეგეთი ფიტქინა, ლამის ოქროსი, ყვითელ ღინღლები გახევული ბავშვი /რაღვან იური ბავშვს უფრო ჰევიდა, ვიდრე მამაკაცს!/, თუკი საღმე არსებობდა, არც კი გაეგონა.

წარმოიდგინეთ ხალხით გავსებული დარბაზი. რამდენადაც შეგიძლიათ, წარმოიდგინეთ მდიდრულად მორთული ქართული სამეფო სასახლე. მუხლმოყრილი ოქროს კაცი, ლამაზი კი არა, ამ განსხვავებულობით სახიერი იური და ტახტზე დაბრძანებული თამარ მეფე –

გარძის ფრესკაზე როა გამოსახული, ანდაც ისეთი, როგორსაც ახლა მე აღვწერ:

„გიშრისთვალები ამბობდნენ, რომ ეშინიათ; წამწამები ამბობდნენ, რომ რცხვენიათ;

მარგალიტის კბილები ამბობდნენ, რომ უხარიათ; გული კი ამბობდა, რომ უყვარს...“

რუსი? რუსიც სასიამოვნო სანახავი იყო:

მაღალ-მაღალი, უცნაურად გრძელი ფეხებითა და ჭაობისფერი უგუგო თვალებით. კისერი

მართლაც, რომ ირმისა ჰქონდა და, საერთოდაც, იურის ჰგავდა – დაგრეხილი რქებილა აკლდა მხოლოდ.

იურის სახელდახელოდ ესწავლა, რამდენიმე ქართული სიტყვა, ზორობაბელმა უთხრა, ქართველებს ესიამოვნებათო. კერძოდ: გენაცვალე, ჩიტო-გრიტო და ხაჩაპური.

ორი წლის მანძილზე, რაც იური და ცარიცა ტამარა / სხვათაშორის, ასე პირველად სწორედ იურიმ მიმართა ჩვენს მეფეთ მეფეს / ერთად ცხოვრობდნენ, გვირგვინოსანმა ქმარმა საკმარისზე მეტი ქართული სიტყვა ისწავლა. მართალია, ყ-ს მაგივრად კ-ს ამბობდა და თ-ს მაგივრად ზემოთ არაერთხელ გამოყენებულ ასო ტ-ს, მაგრამ ლაპარაკი აშკარად შეეძლო. და არა თუ ლაპარაკი, წერაც! ოღონდ, ამაზეც ქვემოთ.

გაცნობიდან მესამე დღის საღამოს იურიმ სიყვარული ქართულად აუხსნა თამარს, რასაკვირველია, მამიდისა და პატრიარქის თანდასწრებით. სიტყვების დაზეპირებას კი ზუსტად ოცდაექვსი საათი მოანდომა.

ისევ წარმოიდგინეთ ტახტრევანზე დაბრძანებული თამარი, რომლის წინაშეც მუხლმოდრეკილი საქმრო სიყვარულად იღვრება:

– ჩიტი ცაში დაპრინავს, ჩიანჩველა მიცაზე დაგოგავს, ტევზი ზგვაში დაცურავს, ბაკაკი ცკალში კიკინებს, ადამიანს კი ადამიანი უკვარს. გმერთმა სიკვარულისატვის გააჩინა იგი და ამიტ განასკვავა ცკოველისაგან. ცარიცა ტამარ! მიიგეთ ეს დუვარი ნიშნად ჩვენი სიკვარულისა!

მათი ქორწილის აღსაწერად მე არც ნიჭი მეყოფა და არც ოსტატობა, ამიტომ ჯობია, რომ ისევ მემატიანეს მოვუსმინოთ.

აი, როგორი ყოფილა თამარ მეფისა და რუსი იურის ქორწილი:

„იქმნა ქორწილი სახე-დაუდებელი და იგავ-მიუწვდომელი, სიმრავლენი სახეობათანი, ძღუნობანი და ნიჭებანი თვალთანი და მარგალიტთანი, ოქროჭედილთა და უჭედელთანი, სიმდიდრეთა და ლართა კერულთა და უკერულთანი, მსგეფსამდი სიხარული, შუება და ძღუნობანი...“

რატომლაც ისტორიამ სუე უბედურად იური მონათლა და არა ჩვენი თამარი, ამ დროს პირიქით კი უნდა ყოფილიყო, ჩემი აზრით. თამარს ხომ უყვარდა იური? უყვარდა.

სიკვდილამდე? რა ვიცი. სიკვდილამდე კი ახსოვდა და! იურის კი არა, არ უყვარდა. ანკი, როგორ შეიძლება, რომ ჰყვარებოდა – თამარი ხო ადამიანი იყო! რა კი არა – ვინ.

ახალდაქორწინებულები ორი კვირით ერთმანეთს დააშორეს, რადგან ეს ორი კვირა - დიდი მარხვის ბოლო ორი კვირა იყო. თამარისათვის საუკუნესავით გაიწელა ეს დრო. დიდი ზუთშაბათიო, წითელი პარასკევიო.. არა და არ დაადგა საშველი აღდგომის დილის გათენებას!

რაც შეეხება იურის, დრო მას ნაძღვილად არ დაუკარგავს. იმარხულა, ბოლო კვირა წყალზე და პურზე იყო და იმდენი ქართული სიტყვა ისწავლა ამ თოთხმეტ დღეში, რომ ერთ საღამოსაც, რაღაც საოცარი აღმაფრენით შეპყრობილმა ფურცელს მიაშურა და გონებაში მოსული აზრი ლექსად გარითმა:

რომელმან შექმნა სამყარო ძალითა მით ძლიერითა...

ჰა, გული ხომ არ გაუსკდა ვინმეს? ეს ვიხუმრე. ხუმრობა კი აქ უნდა მორჩეს. მერე სულ ცრუმლებია.

წინასწარმეტყველი იერემია ამბობს: ვკურნობდით ბაბილონსა და არა განიკურნაო. მეც ამაზე მოგახსენებთ.

მაგრამ ჯერ, თუ ნებას მომცემთ, აწმოს ცოტა ხნით თავს დავანებებ და თქვენთან ერთად, წარსულსა და მომავალში გავისეირნებ.

თამარი ორი წლის შემდეგ განდევნის იურის, ისიც ორჯერ შემოიჭრება საქართველოში ტახტის დასაბრუნებლად, მაგრამ ორჯერვე უკან გააგდებენ. ეს ყველამ იცის. ამიტომ არ გავიმეორებ. სად და როდის მოკვდა იური ბოგოლიუბსკი, ამას არავინ ამბობს და მეც, თუ ნებას დამრთავთ, თქვენთვის მის სიკვდილს არ გამოვიგონებ. მაგრამ მე გიამბობთ ამბავს სრულიად უსუსური და სახელგატეხილი ცხოველის შესახებ, რომლის სახელის გაუუჭებაც სწორედ ჩვენს იურის უკავშირდება.

მართალია, რუსი უფლისწულის მიერ შერცხვენილი ამქვეყნად ბევრი დადიოდა, მაგრამ მე მაინც ამ პატარა ფისუნიას ამბავი ვარჩივ.

იური ჯერ კიდევ ნოვგოროდში ცხოვრობდა მამასთან ერთად, როდესაც ერთმა წარჩინებულმა ბოიარმა მას ცხრაბეწვიანი ჩინური კატა აჩუქა.

როგორც ცნობილია, კატას ცხრა სიცოცხლე აქვს. ეს ფისო კი, ამჟამად, თავის მეხუთე სიცოცხლეს გადიოდა.

ფისო იყო მედიდური, ზანტი და ამაყი. იურიც მას მეტისმეტად შეეჩინა. ისე არ დაიძინებდა, გვერდით რომ არ მოეწვინა. სახელად რას დაარქმევდა მიხვდებოდით, ალბათ: ვასიას, რა თქმა უნდა!

ვასია სად არის? ვასიამ თუ გაიღვიძა? ვასიამ თუ ჭამა? ესლა ადარდებდა მხოლოდ პატარა უფლისწულს. უყურებდა ბიჭის გართობას დიდმთავარი ანდრეიც და უხაროდა - კარგია, რომ ცხოველები უყვარს, რადგან ადამიანები სიყვარულის ღირსნი არც არიანო!

მაგრამ მარტის თვე რომ მოვიდა, კატა ჭირვეული გახდა. ქნაოდა, იფხორებოდა და, რაღა დაგიმალოთ, იურის გარდა ყველას პორჭებიდა.

ერთხელაც იურიმ მისი დამშვიდება სცადა. ძვირფასი ოთხფეხა თავის საძინებელში შეიყვანა, მუხლებზე დაისვა და ფერება დაუწყო. კატა კატა, მეთორმეტე საუკუნეშიც და ოცდამეერთეშიც, ჰოდა თვალები მინაბა და კრუტუნს მოჰყვა.

კარგა ხანს ეფერებოდა ასე იური კატას. ცხოველმაც კრუტუნს უმატა და უფლისწულიც შესამჩნევად შეწითლდა.

ვასია ფრთხილად მოაბრუნა, კუდი აუპრიხა და...

იმ დღეს მეხუთედ მომკვდარა და მეექვსედ დაბადებულა ჩინური ფისო!

დილით უკანა ფეხებს ითრევდა მხოლოდ. ეს იყო და ეს. კოჭლობდა. იფიქრეს, იურიმ აწვალაო, მაგრამ ძნელი იყო ამის დაჯერება - იურიზე მოსიყვარულე ბავშვს ვერ მოძებნიდი მთელს მაშინდელ ნოვგოროდში.

დიდი არაფერი, მაგრამ რუსმა ხალხმა ეს ამბავი ისტორიას მაინც შემოუნახა.

მოკლედ, კატა იქით იყოს თავისი ცხრავე სიცოცხლით და ჩვენ ისევ ჩვენს მოთხრობას დავუბრუნდეთ.

თამარი ორჯერ ეზიარა მარხვის ბოლო კვირას. დიდ ხუთშაბათსაც და თვით აღდგომის დილასაც. ბრწყინვალე შვიდეულის მესამე დღეს კი მამიდისაგან იურის მზადყოფნის შესახებ ეუწყა.

თამარი, როგორც ამას წესი და რიგი მოითხოვდა, სწორედ მამიდასთან ერთად მიეგება ძვირფას მეუღლეს. რუსუდან დედოფალმაც, ასევე წესისამებრ, ლოცვა-ლოცვით აიქვითინა თავი და იურის შუბლზე ეამბორა.

/ ქრისტიანები! პირჯვარი გამოისახეთ - ის დამე დაიწყო /

როგორც იქნა, ცოლ-ქმარი მარტო დარჩა. ქართველი ცოლი და რუსი ქმარი.

თამარმა ლოცვა დაიწყო და იურის ზურგი შეაქცია, მაგრამ მალევე მიხვდა, რომ ღმერთთან გულისამოლება ახლა სრულიად ზედმეტი იყო. იური იმდენ ხანს იდგა გაუზძრევლად, რომ მეფეთ მეფეს ეჭვი გაუჩნდა - ესეც, ჩემსავით უცოდველი კრავი ხომ არ არისო?! მაგრამ მალე გაეფანტა ეს შთაბეჭდილებაც. იურიმ მოიხსნა გვირგვინი, მკერდიდან ჯვარი და წელიდან ქამარი. ამ ხმაზე თამარი იურისაკენ შემობრუნდა და მის შუბლზე ოფლის წვეთები შეამჩნია. ამანაც, სანამ ქართულ ჩოხას გაიხდიდა, თამარს ქართულადვე მიმართა:

- ცარიცა ტამარ, გაიხადე.

საერთოდ, ქართველს დია უხარია, როდესაც უცხოელი მის ენაზე ცოდვილობს, არც

შენიშვნებს იძლევა იურის თანამემამულესავით - ესა და ეს სიტყვა, ასე კი არ უნდა გეთქვა, ისეო, - მაგრამ თამარი, რატომდღაც შეაშინა ქმრის დანჯლეულმა ქართულმა - ჩვეული აღფრთოვანება არ გამოუწვევია მის ცარიცა ტამარ გაიხადეს, თუმცა გვირგვინი, იურისაზე ორჯერ უფრო დიდი, მანაც მოიხსნა და აი, სადღა დაღო, უკვე ვეღარ დაიმახსოვრა, რადგან იური-რუსმა სწრაფი მოძრაობით ჩაიძრო კვართივით დახვეული ამხანავი და მეფეთ მეფეს წინაშე, ლამისაა მუხლამდე დაკიდებული ვარდისფერი სარცხვინებლით წარსდგა.

მეფეთ მეფემაც თვალებზე ხელები აიფარა და რაც მერე მოხდა, ვეღარ დაინახა - მხოლოდ იკრძნო.

ცხელი სუნთქვა იურისა, სადღაც ძალიან ახლოს, მერე კი გაყინული, მოუსვენარი თითები მის სხეულზე.

და მაშინ, როცა ეგონა, რომ შიშისაგან სიკვდილს ერთი წამიღა აშორებდა, ყურში კვლავ ჩაესმა ქმრის ხმა, დღეს უკვე მეორედ:

- ეცარე ტარება, ია ჩარე.

რუსი ტახტზე გადაგორდა, მოჩვარულ სარცხვინებელზე ჩოხა წაიფარა და იმდენი ცრემლი გადმოყარა თვალებიდან, რომ გეგონებოდა ვიღაცას გლოვობსო.

მეფეთ მეფემ თვალები გაახილა, მაგრამ ტუჩები კი მოკუმა. განრისხდა? გაბრაზდა? გაიბუტა, ანუ? რა მოხდა, რო გასაბუტი?! გასაბუტი წინ ელოდა. მაშ შეეცოდა? ისე როგორც გამოცდილ ქალებს ეცოდებათ მათთან მისული პირტიტველა და ფაციუცა ბიჭუნები? მერე და, რომელი გამოცდილი ქალი თამარი იყო?

იგი გაუნძრევლად იწვა, ჯანსაღი თმა მხრებზე გადაეფინა და წარბებსშორის სიბრაზის ნაოჭი გასჩენოდა.

თამარი ფიქრობდა.

რა უნდა უყოს ახლა ამ უცხო კაცს?

ამ ცრემლებისათვის ხომ არ დასჯის?

გააგდებს? არა. თავისთან დაიტოვებს მაინც. ორ, სამ, ჰა ზუთ დღეს დააცდის, ჯანდაბას ერთ თვეს - იქნებ რამე ეშველოს?!

და თუკი არაფერი ეშველება /რა სჭირს, რო?/... ტახტის მემკვიდრე? თამარის გვირგვინოსანი შეიღლი? კონტე დიდებულთან ხომ არ გააჩენს მალულად? დროს ვერ მოიხელოთებს - წელიწადში ოთხი მარხვაა. ღმერთს სად დაემალება?

არა, არა, ურჩევნია ძალა მოიკრიბოს, გვირგვინი ისევ თავზე დაიდგას და ჯვარცმის წინაშე მოწიწებით მოიყაროს მუხლი, რადგან უკეთეს, როგორც ატყობს, ამ ღამით, ვერაფერს იზამს.

თამარი წამოდგომას აპირებდა, რომ მოულოდნელად იური წამოიმართა. მეფეთ მეფეს უნებურად ეჭვიც კი გაუჩნდა - ერთი თვე კი არა, მოსახდენი, ღვთის შეწევნით, ალბათ დღესვე მოხდებაო, მაგრამ ნურას უკაცრავად - იური წამოდგა, ქართული ჩოხა მხრებზე მოიხურა და თქვა:

- ტარე ტარე, ტარება... ანა-ტარე ანა-ტარე!

და გარეთ გატანტალდა.

პირველად თავის სიცოცხლეში თამარმა არ იცოდა, რა ექნა. გაკიდებოდა? დალოდებოდა?

... მაგრამ იური მალევე დაბრუნდა. ჭაობისფერი თვალები უცინოდა, პირი კი საცოდავად მოელრიცა, თითქოს ორი ადამიანი გაერთიანებულიყო ერთში.

გასახმობ ხელში კი საქორწინო ღამის ჭეშმრიტი პატარმალი ეჭირა.

... კრუხი, ქრისტიანებო!

თამარს ტუჩები მოეკუმა - ეს უკვე ითქვა, მაგრამ მინდა, რომ ასეთი თამარი კარგად დაიმახსოვროთ.

ჯავახიშვილი წერს: მეფეთ მეფემ ორი წელიწადი უთმინა იურის, მერე კი დარბაზის წინაშე წარსდგა და ბოგოლიოუბსკის ექსორიაქმნა - გაძევება მოითხოვაო. იურიც მაშინვე გაუგდიათ საქართველოდან, მრავალი ძლევნით დატვირთული.

ბასილი ეზოსმოძუარის თქმით კი თამარს ასე მიუმართავს დარბაზისათვის: „...არა ჯერ არს

მის თანა დათმება, რამეთუ შემაგინებელ არს ჭამრისა ღმრთისა. და მე არა მიძლავს აჩრდილსა მრუდისა ხისასა განმარტვად და უბრალოდ განვიყრი მტუერსაცა, რომელი აღმეცრა მის მიერ.”

იმ დამეს დაკუბრუნდეთ. გავჩერდით იქ, იურის ხელში კრუხი, რომ ეჭირა, რომელიც საქორწინო დამის ჭეშმარიტ პატარძლად მოვიხსენიეთ.

თამარი წომ გახსოვთ, პირმომუწელი და ენაჩავარდნილი?

პოდა, აქედან განვაგრძოთ:

იურიმ ჩოხა ტახტზე მიაგდო, მუთაქა ძირს დადო და მუხლიც მოიყარა, აფართხალებული გრუზი კი...

დანარჩენს ძველქართულად მოვყენები, მეტი დამაჯურებლობისათვის:

„...კურუხსა კი უბედურსა, მოსაკვეთი ხელითა, ორმელსაცა ეწოდების მარცხნა, ორად გარდაუხსნა კარი ჯოჯოხეთისა და რა იგრძნო მხურვალებაი გეენისა, არა დაყოვნებითა, არამედ კურდღელებრი სისწრაფითა დურთინა და დურთნა!“

და ეს ყველაფერი მეფეთ მეფის თვალწინ!

რუსის მიერ ნაჩუქარი ჯვარი კი თამარს მუჭში მოექცია.

/მკითხველო, უფალო შეგვიწყალენ - ათჯერ! /

რუსმა კაცმა კრუნთან გვიღალატა!

თამარი, როგორც იცით, ორი წელიწადი უთმენდა იურის. უთმენდა კი არა, თურმე მისი განკურნებაც უცდია. შავ ბერებთან მიუყვანია, მონასტერშიც კი დაუმწყვდევია, მაგრამ ხომ გაგიგონიათ, მგლის თავზე სახარებას კითხულობდნენ!

მაგრამ გავიდოდა ერთი-ორი დღე და მას კვლავ გოჭების, კრუხებისა და თხების გარემოცვაში პოულობდნენ.

ერთხელ, როგორც უკვე მოვყევი, დიდებულებსაც ჰქითხა: ხბოს უფრო წვრილი ხვრელი აქვს, თუ გოჭსო.

საკვირველი კი ის არის, რომ გაძევების შემდეგ, იური ჩვენს ქვეყანაში ორჯერ შემოჭრილა და ნახევარი საქართველო თუ არა, ყოველშემთხვევაში, ქართველ თავად-აზნაურთა დიდი ნაწილი მის გვერდით დამდგარა – მათ რესისა უფრო სჯეროდათ, ვიდრე თამარ მეფის! რაც შეეხება თამარის მეორე ქმარს – ოს უფლისწულ დავით სოსლანს, ისიც ასევე დიდად გუარიანი და სახითაცა არა უმარჯუი ყოფილა.

თამარი მას ქალიშვილად ჩაბარდა და ორი შვილის გაუჩინა.

იმ კრუეს კი, ვისთანაც იურიმ საქართველოს მეფეთ მეფეს უღალატა, ჯადოსნური ოქროს კვერცხი დაუდია, რომლიდანაც სულ მოკლე ხანში, ნოვგოროდის დიდმთავრის, ანდრია ბოგოლიუბსკის შვილიშვილი გამოჩეკილა.

0

თავისუფალი ზონა

კონფლიქტი, ხელოვნება, შემოქმედება

ტუსია ბერიძე

ადამიანმა ერთხელ დაკარგა ყველაფერი: პირველად ორმა ადამიანმა ჰაერი გაკვეთა ხელის მოძრაობით, აკრძალულის აღებით, ხელის წინ გაშვერით სურვილისაკენ, მომავლისაკენ, ცოდვისაკენ. ეს ის მოძრაობაა, რომელმაც უსასრულო წამში ასახა კაცობრიობის უდიდესი დანაკარგი. სწორედ ამ მოქმედებამ და ადამიანის დაცემამ ააშენა ტვინი, მანვე აზრი, მანვე ცივილიზაცია, მანვე აზრის ზემოქმედება - დაცემული ცნობიერება ადამიანისა, რომელმაც იგრძნო დანაკარგი და მიხვდა, რომ თუკი მას არ შესწევს უნარი იმისა, რომ მიიღოს სრულყოფილი და მასში დაიმკიდროს ადგილი, მაშინ მას უნდა გააჩნდეს უნარი სრულყოფისკენ სწრაფვისა. ერთმა მოძრაობამ გამოიწვია პირველადი ფორმულის დესტრუქცია და მასში შეიტანა საგნებისა და რიცხვების ლოგიკური სქემით გადანაცვლება, რომელსაც კანონზომიერებ ეწოდება. დესტრუქციამ ააგო ტვინი - ციხე-სიმაგრე - მედიუმი - შუა ცენტრი - ნოლი - რომელიც თავის თავში ატარებს ერთმანეთის გადამკვეთ და განმავითარებელ ორ უდიდესს ხსოვნას: პირველი, ხსოვნას იმ დიდი დანაკარგისა და მთელ მის მანკიერებას და მეორე - დაკარგული სრულყოფის სინანულს და მისგან წარმოქმნის სიყვარულს. კანონზომიერება, რომელიც ერთადერთი უცვლელი და ლვთაებრივი კანონია მთელ კანონებში მოწმეა იმისა, რომ თუკი ადამიანს უნდა და შეუძლია დაკარგული სისრულის მოპოვება, აუცილებელია ევოლუცია - უპირველეს ყოვლისა იმ სქემისა და სტრუქტურის დახვეწა და განვითარება, რომელიც არბიტრია ნებისმიერ ორს შორის: ორი ეპოქის, ორი ადამიანის, საწყისსა და მის შემდგომ ეტაპებს შორის. ადამიანმა დახელა ფეხებს, რომლებიც აჯაჭვებდნენ მიწასთან - პირველ სიბრტყესთან რომელიც თვალში ეცა. მეორე სიბრტყე იყო ის, რაც მის ირგვლივ იმყოფებოდა - მრავალი სახის მატერია. მესამე სიბრტყე გახდა ცა. მისი სამკვიდრებელია მიწასა და მაღალი ცის შორის, ადამიანმა იგრძნო საკუთარი თავი. ორი პოლუსის შუა - ცენტრი. ადამიანმა მარტივად შეისწავლა პირველი ორი სიბრტყე - მიწა და მატერია. მან დაიწყო ცისკენ სწრაფვა, იმისაკენ რაც დაკარგა. დანახვა იმისა რაც უარყავი, მისი ხელახლა სინანულით მიღება და შეყვარება რაღაც ეტაპზე ახლად დაბადების ტოლფასია. ეს წააგავს იმ ცნობიერ დაბადებას, რომლის გარეშეც ვერ ხედავ საოცრებას და ვითარდები იმისაკენ, რომ ის ვერასოდეს დაინახო. იმდენად რამდენადაც განვითარება წინ, ზევით სვლას ნიშნავს, ის ასევე შეიძლება ქვევით, გადაგვარებული ფესვებისაკენ, მიწისკენ იყოს.

ადამიანმა ააშენა კედელი იმისათვის, რომ თავი დაუცვა იმ დიდი ტრაგედიის გახსენებისგან, რომელიც შემდგომში მისი ყველა უბედურების საფუძველში პოულობდა საწყისს და ეს დაცვის კონცეფცია თთოქმის ორგანულ და თანდაყოლილ მოვლენად აქცია. ეს ციხე-სიმაგრე იყო ინდივიდი, რომელმაც ყველაზე პრაგმატულ და ყველაზე სულიერ, ლვთაებრივ წერტილებს შორის დააწესა საარსებო და სამოძრაო გზები რათა გზა გაეკვლია ქვესკნელიდან ციურამდე. გზა გაეკვლია იმ დიდი სოციუმისათვის, რომელიც მატერიასთან ახლოს არსებობდა და მხოლოდ მას ემზრობოდა. ინდივიდუალიზმმა ააშენა ზუსტად იმდენი რამდენიც დაანგრია. ყოველ შემთხვევაში მან განაპირობა ეტაპობრივი წინსვლა და უკუსვლა. მან შექმნა ხელოვნება როგორც გზის საკვეთი იარაღი და ჭეშმარიტების საზომი ერთეული. მარტივი ერთეული, რომელიც იქნება მემატიანე და მაგალითი ჭეშმარიტებისა სხვადასხვა ფორმით, მოცულობით და სიძლიერით, რათა გავლენა იქონიოს და დათრგუნოს სისტემა და მისგან წარმოქმნილი პრეცედენტი. ამავე დროს ხელოვნება შეიძლება აისახოს როგორც გადამკვეთი ხაზი მატერიალურსა და სულიერს შორის. ზუსტად ის ფაქტი, რომ ხელოვნება ასე ახლოს დგას ორივესთან, მეტყველებს მის ინტეგრირებულ ბუნებასა და უნართვისებაზე მოახდინოს ზემოქმედება ერთსა და მეორეზე.

დასაწყისში ადამიანმა მოიკვეთა საკუთარი თავი, და ხელოვნება [სულიერი სიხშირეების რადიო მიმღებად] აქცია. ამგვარი ადამიანი გადიოდა ზნეობრივ ადაპტაციას ბოლომდე უთმობდა თავს ხელოვნებას, მალაუნებურად სისტემას ეცლებოდა და მისი მტერი ხდებოდა. ამიტომ ეს ადამიანი და მისი თანამოაზრენი ქმნიდნენ დისონანს იმ ინსტანციებსა და

საზოგადოებაში, რომელიც ზეცას ბრტყლად წედავდა და ამაოებას ქადაგებდა. ამგვარმა განხეთქილებამ საფუძველი ჩაუყარა საღ კონფლიქტს, რომელიც იყო და არის კონფლიქტი ზნეობრივი, ღრმა და საუკუნოვანი - რომლის გარეშეც საზოგადოება დიდი ხნის წინ მარგინალიზაციასა და კიდევ ერთ ფატალურ დესტრუქციას განიცდიდა.

საღი წელოვნება ჭეშმარიტებისაკენ მიუთითებს, ჭეშმარიტება კი უსასრულო სიყვარულისაკენ. ასეთი კოსმიური სივრცეების მედიუმი - ადამიანი, მარტოდ მდგომი ერთეულია. ერთეულია იმიტომ, რომ მატარებელია კოსმოსისა და ეხება მატერიას, რომლისთვისაც ის უცხოა, რომელმაც ის გაკიცხა და მოიკვეთა. ამგვარად ადამიანი ვერტიკალური და პორიზონტალური სივრცეების კვეთის ცენტრი და მომრიგებელია. ჭეშმარიტი წელოვნება, საღი კონფლიქტის მეშვეობით, ჰარმონიასა და ერთსულოვნებას აყალიბებს. უფრო სწორედ რომ ვთქვათ, ის ზეინფორმაციას მიწიერ, ფიზიკურ ფორმას აძლევს. ხელოვანი ვერ იქნება ნეიტრალური, მისი მთავარი საკვები მაინც მიწა და მასზე არსებული პროცესებია, რადგანაც იგი აქ, მიწაზე ეძიება და ხვეწს აზრსა და სიტყვას. შემოქმედი აქტიური წევრია საერთო სივრცისა, რომელშიც ის ახორციელებს სამშვიდობო რეფორმებს - ამყარებს და შემდგომში აქვეყნებს, გადმოსცემს კავშირს [ქვესა და ზე-ს] შორის და თარგმნის იმ სათქმელს რომელიც აქ არის, ჩვენს ირგვლივ - უსასრულო სათნოება და მისი უშრეტი რესურსი.

ნებისმიერი კონფლიქტური შეჯახება ან უკუსვლა ადამიანის გარეთ, შეჯახებაა მის შიგნით. საკუთარი ერთხელ დაცემული ბუნების გამო იგი უკეთესისაკენ ისწრაფვის; სულიერი ან მატერიალური სიძლიერისაკენ. ასეთი მისწრაფების დროს კონფლიქტი აუარებელი და გარდაუვალია. იგი ეხმარება ადამიანს განაზოგადოს და მატებში აჩვენოს თავის თავში არსებული უთანხმოება და მიუთითოს მშვიდობასა და ჰარმონიაზე, რაც უწინარესი პირობაა ბედინერებისათვის და რომელიც კიდევ ერთხელ უსვამს ხაზს ადამიანური ბუნების უზენაესობას.

“სიყვარულის დოქტრინა”

ირაკლი კაკაბაძე

დღევანდელ დღეს ძალიან ბევრს ლაპა-რაკობენ იმაზე, არის თუ არა გამოსავალი რომ ქვეყნის შიდა და საგარეო პოლიტიკა აიგოს მეტნაკლებად ზნეობრივ ფარგლებში. იმაზე თუ რამდენად არის შესაძლებელი ნამდვილი დამოუკიდებლობა, ადამიანთა შორის თანასწორუფლებიანი ურთიერთობანი, ეკონომიკური კეთილდღეობა მოსახ-ლეობის დიდ ნაწილში. სამწუხაოოდ, ამ ბოლო ათწლეულში ჩვენს საზოგადოებაში გავრცელდა მეტად პესიმისტური და ხშირ შემთხვევაში ფატა-ლისტური წარმოდგენები არა მხოლოდ საქართველოსა და საქართველოს მოქალაქეების მომავლის შესახებ, არამედ საერთოდ ადამიანების ბუნების საოცარი ბოროტების შესახებ. ეს პოსტ-ეგზისტენციალური ისტერია, რომელიც დასავლეთში და აღმოსავლეთში უკვე კარგა ხანია რაც დამთავრდა დღეს ჩვენთან თითქოს დოგმად იქცა. ყველაზე საინტერესო ისაა, რომ ეგზისტენციალისტებისა და მათი თანამედროვე ფილოსოფოსების ნაშრომებზე აპელირებას ხშირ შემთხვევაში ახდენენ ან პირდაპირი მნიშვნელობით კრიმინალები, ან კი კომუნისტური პარტაპარატის (იგივე საბჭოური ნომენკლატურის) მაღალჩინოსანი წევრები, რომელთაც დღესაც მითვისებული აქვთ საქართველოში არსებული ქონების უდიდესი ნაწილი. საინტერესოა, რა საერთო შეიძლება პქონდეთ უან პოლ სარტრს, სიმონა დე ბოვუას, მარტინ ჰაიდეგერს და სხვა დიდ ფილოსოფოსებს და მეორეს მხრივ საზოგადოების ყველაზე უზნეო ნაწილს, რომელიც უსირცხვილოდ აცხადებს რომ ამ ცხოვრებაში მოპარვა არის ცხოვრებაშის ერთადერთი წესი. პასუხი შეიძლება

მარტივი იყოს: ცხოვრებაზე პესიმისტური შეხედულება და ურწმუნობა ადამიანის სიკეთეში მეტად გამოსადეგი იარაღია იმ ადამიანთათვის, ვისაც საკუთარი ძალადობის გამართლება სურს. ეს ძალადობა შეიძლება იყოს პირდაპირი (პარლამენტის წევრების გატაცება, ტერორიზმი, ძარცვა, პოლიტიკური მკვლელობები), სტრუქტურული (მკვეთრი უთანასწორობა მოსახლეობის სხვადასხვა ფენებს შორის სიმდიდრისა და ძალაუფლების მხრივ), ან კი კულტურული (მაგალითად ქალების ან ებრაელების კლასიფიკაცია, როგორც არასრულფასოვანი არსებებისა და ამისათვის კულტურული ღირებულებების მოხმარება). ამ შემთხვევაში ოლიგარქების, კრიმინალების, შეიარაღებული დაჯგუფებების არსებობა ყოვლად გამართლებულია, რადგანაც არ არსებობს ადამიანური აღტერნატივა. ასეთი მსოფლმხედველობის მიხედვით ადამიანი ხომ ეშმაკის მიერ შექმნილი არსებაა და ამიტომაც ყველა არაზნეობრივი საქციელი გამართლებულია. ხშირ შემთხვევაში ეს სახლმწიფო თუ კერძო კრიმინალები მათ მიერ მოპარული და მითვისებული თანხის რაღაც პროცენტს ახმარებ ეკლესიების მშენებლობას და ამით ცდილობენ გამოისყოდონ დანაშაული. ეკლესიების მშენებლობაში, რა თქმა უნდა, ცუდი არაფერია, მაგრამ იმ დოქტრინას და მსოფლმხედველობას, რომლითაც ეს ჩვენი სხვადასხვა სახის ქურდები (კანონიერი თუ უკანონო) ცხოვრობენ და სხვებსაც აცხოვ-რებენ, მე სიკვდილის ფილოსფიას ვუწოდებდი.

სიკვდილის ფილოსოფიის მიხედვით, ადამიანებს შორის ყოველთვის იქნება ძალადობა, რადგანაც ყველასათვის საკმარისი რესურსები თუ ძალაუფლება არ არსებობს ბუნებაში. მაშინაც კი თუკი რესურსების პრობლემის მოგვარება მოხერხდა, სიკვდილის ფილოსოფიის ან “რეალპოლიტიკის” მიმდევრები ამტკიცებენ რომ ადამიანებს არასდროს არ ჰყოფნით ძალაუფლება. აი ამ დაშვების საწინააღმდეგოდ, მოქმედებს კონფლიქტების მოგვარების ფილოსოფია, რომელსაც სხვაგვარად მე სიყვარულის დოქტრინას ვუწოდებდი. ეს ფილოსოფია თავის მხრივ ამტკიცებს რომ არის აუცილებელი რესურსები და ძალაუფლება ყოველთვის არასაკმარისად იყოს. პირიქით, რესურსების უკმარისობის დაძლევა დღევანდელ დღეს შესაძლებელია. რაც შეხება ძალაუფლებას, ის ისეთი რამ არის, რომ ჩვენს წარმოდგენაში არსებობს მხოლოდ.

სიყვარულის დოქტრინას ერთდროულად ბევრი ავტორი ჰყავს. მისი ავტორი ყოველი ჩვენთაგანი შეიძლება იყოს. მისი წანამდგრები კი მოცემულია დიდ რელიგიურ სწავლებებში, ხელოვნების ნაწარმოებებში და მეცნიერულ და ფილოსოფიურ ნაშრომებში. მარტო ბეთჰოვენის მეცხრე სიმფონია შეიძლება იყოს ჰიმნი ასეთი მოძღვრებისა.

რაც არ უნდა ამტკიცონ თპონენტებმა ამ ქვეყანაზე მაინც არსებობს სიყვარული, ადამიანებს შორის თანასწორი ურთერთობანი, და რესურსების გადანაწილების სამართლიანი გზა. ამის მაგალითები დღევანდელ მსოფლიოშიც გვაქვს (არა მარტო ცივილიზებული ჩრდილო ევროპული ქვეყნები, არამედ სამხრეთ აღმოსავლური ქვეყანა სინგაპურიც, ლათინო ამერიკული კოსტა რიკაც და ა.შ.) და ისტორიაშიც. ამის მოკვლევა შეიძლება სუფთა მეცნიერული გზითაც და წმინდა ემოციურადაც. ყველაზე თვალსაჩინო ემპირიული და ამავე დროს ემოციური საბუთიც ამისა არის ის რომ ადამიანების უმრავლესობას ელემეტარულად არ სიამოვნებს ძალადობის მდგომარეობაში ყოფნა, რადგანაც ეს ყოველთვის გაუმართლებელ რისკთან არის დაკავშირებული.

სამართლიანი საზოგადოების შექმნის შე-საძლებლობა უკვე ძველი ჰუმანისტური იდეაა. ამაში ეჭვის შეტანა კი თავისთავად ანტიკუმანიზმია. არსებობის უფლება აღბათ ყველა თვალსაზრისს აქვს. არსებობს კულტურული რელატივიზმის გაგრცელებული თვალსაზრისებიც. სკეპტიციზმს თავისი მრავალი ქვაკუთხედი გააჩნია. მაგრამ კონფლიქტების მოგვარება აღბათ ცალსახად ჰუმანისტური პოზიციაა.

დღეს, პოსტმოდერნულ ეპოქაში, სიყვა-რულის ფილოსოფია აღბათ არც მემარცხენე და არც მემარჯვენე მსოფლიშედველობაა. ის უყრის თავს ერთად საკაცობრიო აზროვნებაში დაგროვილ პოზიტიურ გამოცდილებას. და ეს პოზიტიური გამოცდილება არის ყველა სახის ნააზრებში. სიყვარულის დოქტრინა აუცილებლად უნდა იყოს მთლიანი, რომელიც ორიენტაციას პირველ რიგში ადამიანზე აიღებს. ამ დოქტრინის მამოძრავებელი ელემენტი არ არის არც დიდი მთავრობები და არც დიდი კორპორაციები, არც ტექნიკური პროგრესის სრული უარყოფა და არც მისი გაფეტიშება, არც სრული თვითიზოლაცია და არც კოსმოპოლიტიზმის აფეტიშება, არც მებრძოლი ათეიზმი და არც რელიგიური ფუნდამენტალიზმი. ძირითადი სამიზნე სწორედ ადამიანში ძევს. მისი მიმართება სამყაროსადმი, სოციალური გარემოსადმი და სხვა ინდივიდებისადმი. ეს არის ის მთავარი ღერძი, რომელიც საშუალებას მოგვცემს მოვნახოთ გასაღები ჩვენი ურთიერთობებისა.

დოქტორი ბარტონი მეტად საინტერესო პასუხებს გვცემს იმ კითხვებზე, რომლებსაც კაცობრიობა მთელი თავისი არსებობის მანძილზე სვამს. ის მეტად სამართლიანად სვამს კითხვას: ნუთუ შეუძლებელია რომ ადამიანების ყველაზე ძირეული მოთხოვნილებები და კამაყოფილდეს? ნუთუ აუცილებელია, რომ კაცობრიობის დიდი ნაწილი იყოს დათრგუნული და ჩაგრული? ნუთუ აუცილებელია რომ დღევანდელი მსოფლიო კრიმინალების მიერ იყოს მართული კრიმინალური პრინციპებით?

დღევანდელ საერთაშორისო პოლიტიკაში სამწუხაროდ კრიმინალური პრინციპებით ვხელმძღვა-ნელობთ, სადაც დიდი და ძლიერი სახელმწიფოები თავის ნებას ახვევენ მცირე სახელმწიფოებს. უშიშროების საბჭოც ხომ სწორედ ამ ეროვნული დარვინიზმის პრინციპს ამკიდრებს. აქედან გამომდინარე, ძალიან დიდია ფრუსტრაცია და უკმაყოფილება პატარა სახელმწიფოების მხრიდან. ამის შედეგად ჩვენ ხშირად გვაქვს საქმე ტერორიზმთან და ძალადობასთან. მაგრამ ინდივიდუალურ ტერო-რიზმზე კიდევ უფრო საშიშა ის სახელმწიფოებრივი თუ კორპორატიული ტერორი, რომელშიაც სხვა-დასხვა სახელმწიფოები თუ ტრანსნაციონალური კორპორაციები ამყოფებნ კაცობრიობის ოთხ მეხუთედს მაინც. შეუძლებელია თუ არა ამ სტრუქტურული უთანასწორობის გადალახვა. სიყვარულის დოქტრინის თანახმად ეს სულაც არ არის შეუძლებელი. სიკვდილის ფილოსოფია კი სწორედ ამ უკმარისობის შეგრძნებას ემყარება. ეს არის ფუნ-დამენტური სხვაობა ამ ორ დოქტრინას შორის.

საერთაშორისო პოლიტიკაში დოქტორი ბარტონისა და მისი თანმოაზრების აზრით ეროვნული დარვინიზმის ალტერნატივა არსებობს. და ეს ალტერნატივა თანასწორუფლებიანი მსოფლიო თანამეგობრობაა, სადაც ძლიერისა და სუსტის უფლებები თანაბრადაა დაცული და სახელმწიფოს სიძლიერეს არ განსაზღვრავს მისი ბირთვული შეიარაღების პოტენციალი ან სულაც მოსახლეობის აღრიცხვა. საშინაო პოლიტიკაში კი სოციალური დარვინიზმის ალტერნატივა არსებობს. ეს მაშინ ხდება თუ ჩვენ საყოველთაო წანამდლორად არ მივიღებთ ნულოვანი ჯამის თამაშს, სადაც წინასწარ განსაზღვრულია, რომ ძალაუფლება და რესურსები ყველასათვის საკმარისი არ არის.

სიყვარულის დოქტრინა მარქსიზმისაგან განსხვავებით არ ამდაბლებს ცნობიერების როლს. ცნობიერება ადამიანური ცხოვრების მნიშვნელოვანი ნაწილია და ხშირად განაპირობებს კიდევ მატე-რიალურ რეალობას. უმეტეს შემთხვევაში უკმარი-სობა სწორედ ცნობიერების ნაყოფია და არა რეალური ციფრებისა. ამის მაგალითად შეიძლება ის გამოდგეს რომ გაეროს განვითარების პროგრამის 1998 წლის საშუალო მოაცემებით მთელს მსოფლიოში შემშილის, მწვავე ეპიდემიებისა და რეპროდუქციული პრობლემების მოგვარებისათვის საჭირო იყო დაახლოებით 40 მილიარდი ამერიკული დოლარი წელიწადში, მაშინ როდესაც მარტო “მაიკროსო-ფტის” პრეზიდენტის პირადი ქონება ამ თანხაზე ორჯერ მეტი იყო.

ტრანსნაციონალურ კორპორა-ციებში არსებული მოგებული თანხა დღეს გაცილებით მეტია, ვიდრე რესურსების უკმარისობის დასა-ძლევი სახსრების რაოდენობა. მაგრამ ხშირ შემთხვევაში ჩვენ სწორედ ჩვენი ცნობიერების წყალობით ხელოვნურად ვქმნით რესურსებისათვე ძალაუფლების უკმარისობას და შესაბამისად ძალა-დობრივ კონფლიქტს.

სიყვარულის დოქტრინა ღია წიგნია, რომელშიაც ახალი თავის ჩაწერა ყველა ადამიანისათვის შესაძლებელია. ამ წიგნის მთავარი მიზანი სწორედ ის არის რომ ამ ქვეყანაზე შესაძლებელია სამართლიანი საზოგადოების აშენება, სადაც მოპარვა, ძალა-დობა და ჩაგვრა აუცილებელი მოთხოვნები არ არის. ამის გაკეთების სტრუქტურული გზე-ბიც არსებობს და ყველა კულტურაში დიდია ასე-თი საზოგადოების შექმნის პოტენციალი. უბრა-ლოდ ჩვენ უფრო მეტი შრომა გვიწევს იმისათვის, რათა დავძლიოთ ურწმუნობისა და პესიმიზმის სინდრომი.

უურნალში გამოთქმული მოსაზრებები შეიძლება არ ემთხვეოდეს რედკოლეგიის ან კონფლიქტოლოგის ცენტრის პოზიციას

**The Peace Times Published by: International Center on Conflict and Negotiation
Supported by: Cordaid**

დღო მშვიდობისა გამოიცემა კონფლიქტებისა და მოლაპარაკებების საერთაშორისო კვლევითი ცენტრის მიერ ჰოლანდიური ფონდის „ქორდეიდ“-ის ფინანსური მხარდაჭერით

რედაქტორი: ირაკლი კაკაბაძე

რედაქტორის მოადგილე: ლელა ცისკარიშვილი

სარედაქციო კოლეგია: დალი ბერეკაშვილი, გიგა ბოკერია, ლაშა ბულაძე, გიორგი მარგველაშვილი, რუსიკო მშვიდობაძე, გაგა ნიუარაძე, დათო ტურაშვილი, გიორგი ხუციშვილი დიზაინი: ნიკა მაჩაბელი, ტუსია ბერიძე

ISBN: 99928-824-3-3

**მისამართი: ივ. მაჩაბლის 5, 1 სართული, თბილისი 380007, საქართველო
საფოსტო მისამართი: საფოსტო ფუთი 38, თბილისი 380079, საქართველო**

ტელეფონები: 99-99-87, 93-91-78

ფაქსი: 93-91-78

E-mail: confpro@ access.sanet.ge

<http://iccn.tripod.com>

© 2001 by ICCN